

श्री हर्षपुष्पाभृत जैन ग्रन्थमाला-ग्रन्थाङ्कः- ६७

श्री महावीर जिनेन्द्राय नमः ।

तपोमूर्ति पूज्याचार्यदेवश्रीविजयकपूरसूरिगुरुभ्योः नमः
हालारदेशोद्धारक-पूज्याचार्यदेवश्रीविजयामृतसूरिगुरुभ्यो नमः ।

पञ्चम-गणधर श्रीमत्सुधर्मस्वामि-निर्मितं

श्रीमत्समवायांग-सूत्रम्

चतुर्थमङ्गम्
(मूलम्)

॥

संपादकः संशोधकश्च

तपोमूर्ति-पूज्याचार्यदेवश्रीमद्विजयकपूरसूरीश्वर पट्टालङ्कार-हालारदेशोद्धारक
कविरत्न-पूज्याचार्यदेवश्रीमद्विजयामृतसूरीश्वर-विनेयः
पंन्यास-श्री-जिनेन्द्रविजय-गणी

॥

प्रकाशिका-

श्री हर्षपुष्पाभृत जैन ग्रन्थमाला
लाखाबावल-शांतिपुरी (सौराष्ट्र)

श्री हर्षपुष्पाभृत जैन ग्रन्थमाला-ग्रन्थाङ्कः-६७

श्री महावीर जिनेन्द्राय नमः ।

तपोमूर्ति पूज्याचार्यदेवश्रीविजयकूर् रसूरिगुरुभ्योः नमः

हालारदेशोद्धारक-पूज्याचार्यदेवश्रीविजयामृतसूरिगुरुभ्यो नमः ।

पञ्चम-गणधर श्रीमत्सुधर्मस्वामि-निर्मितं

श्रीमत्समवायांग-सूत्रम्

चतुर्थमङ्गम्

(मूलम्)

卐

संपादकः संशोधकश्च

तपोमूर्ति-पूज्याचार्यदेवश्रीमद्विजयकूर् रसूरीश्वर-पट्टालङ्कार-हालारदेशोद्धारक-

कविरत्न-पूज्याचार्यदेवश्रीमद्विजयामृतसूरीश्वर-विनेयः

पण्यास-श्री-जिनेन्द्रविजय-गणी

卐

प्रकाशिका-

श्री हर्षपुष्पाभृत जैन ग्रन्थमाला

लाखाबावल-शांतिपुरी (सौराष्ट्र)

प्रकाशिका-
श्री हर्षपुष्पामृत जैन ग्रन्थमाला
लाखाबावल-शांतिपुरी (सौराष्ट्र) गुजरात



वीर सं० २५०१]

विक्रम सं० २०३१

[सन् १९७५

आ आगमना अधिकारी योगवाही गुरुकुलवासी
सुविहित मुनिराजो छे.

मूल्य रु. १२-००

मुद्रक:-
गौतम आर्ट प्रिन्टर्स
व्यावर (राजस्थान)

प्रकाशकीय निवेदन



अमारी ग्रन्थमाला तरफ्थी आ श्री समवायांग सूत्र मूल प्रगट करता आनंद अनुभवीए छीए. हालमां ४५ आगम मूल अने केटलाक आगम टीका सहित प्रगट करवानुं काम शुरू करतां आ सूत्र नागरी लिपिमां मोटा टाइपमां प्रगट करेल छे.

आ ग्रन्थनुं संशोधन संपादन हालारदेशोद्वारक कविरत्न स्व. पू० आचार्यदेव श्रीमद्-विजयअमृतसूरीश्वरजी महाराजना शिष्यरत्न पू० पंन्यास श्री जिनेन्द्रविजयजी गणिवरे घणी खंत थी करेल छे।

कागल छपाइ आदिना भाव वधवाने कारणे खर्च धार्या करतां वधु आवे छे. मोटा टाइपमां मुद्रित करातां पेज वधारे थाय छे. परंतु टकवानी अने अभ्यासनी दृष्टिअ अनुकुलता रहशे।

आगम सूत्रोना अधिकारी योगवाही गुरुकुलवासी सुविहित मुनिओ छे. ए शास्त्रविधि मुजब पूज्य श्रमणसंघमां आगम वांचनादिमां अनुकुलता थाय ते रूप आ श्रुतभक्ति करतां अमे आनंद अनुभविए छीए.

श्री आचाराङ्गसूत्र आदि प्रथम चार अङ्ग सूत्र श्रीमदागमसुधासिन्धु ना प्रथम भाग रूप प्रगट करेल छे ते चारे सूत्रो जुदा एक एक सूत्र तरीके पण प्रगट करेल छे.

वीर सवत् २५०१

वि० सं० २०३१

वंशाख सुद १५ रबिवार

ता. २५-५-७५



लि:-

नेमचंद बाघजी गुढका

नवीनचंद्र बाबुलाल शाह

॥ शुद्धिपत्रकम् ॥

पृष्ठं	पंक्तिः	अशुद्धं	शुद्धं	पृष्ठं	पंक्तिः	अशुद्धं	शुद्धं
४६४	७	आयण०	आयाण०	५२०	१६	जोयणसहससह	जोयणसहस्ताहं
४६८	३	अहरासं	अरुणाभ	५२१	११	उच्चत्तेनं	उद्धं उच्चत्तेनं
४७६	१	पुरोहिदयणे	पुरोहिदरयणे	४२६	८	वित्थरेणं	वित्थरेणं
४७८	२	तेसी णं	तेसि णं	५३३	१२	इड्डिविसेसा	इड्डिविसेसा
४७८	४	परिनिव्वाइसंति	परिनिव्वाइस्संति	५३४	११	अंबुह० विवोहण०	अंबुह० विवोहण०
४८१	२४	पन्नत्तं,	पन्नत्ता	५३५	२१	जरमणजोणि-	जरमरणजोणि-
४८५	१६	दुंशुद्धा	दुशुद्धा	५३६	११	दुगालसंगं	दुवालसंगं
४८६	१२	उवट्टियं	उवट्टियं	५४०	१४	निरयावाआ	निरयावासा
४९७	७	०परियाइं	परियायं	५४१	२०	जंतमुसलसंदि०	जंतमुसलमुसंदि०
४९७	१२	आतये	आतये	५४३	१२/१३	उक्कोसेणं	उक्कोसेणं
४९८	१५	उवभगंतगाए	उवभोगंतगाए	५४४	३	एगिदिय०	एगिदिय०
५०३	१६	सत्तीतसं सत्तत्तीसं	सत्तत्तीसं सत्तत्तीसं	५४७	२३	त-	तं जहा-
५०४	७	मंदरा	मंदरा	५४९	१३	सव्वोउग-माए	सव्वोउगसुमाए
५०६	२	इसिभासिब	इसिभासिय	५५०	१३	सले	साले
		उसवणा	उसवणा	५५१	२०	बदभत्तो	बंभदत्तो
५०८	६	उत्तग०	उत्तर०				

(सूचना शुद्धिपत्रकनो उपयोग करी अध्ययन करवुं जरूरी छे.)



अहेम् ।

पञ्चमगणधर-श्रीमत्सुधर्मस्वामिप्रणीतं

॥ श्रीमत्समवायांगसूत्रम् ॥

— :: ० :: —

सुयं मे आउसंतेणं भगवया एवमक्खायं—[इह खलु समणोणं भगवया महावीरेणं आइगरेणं तित्थगरेणं सयंसंबुद्धेणं पुरिसुत्तमेणं पुरिससीहेणं पुरिसवरपुंडरीएणं पुरिसवरगंधहत्थिणा लोगुत्तमेणं लोगनाहेणं लोगहिएणं लोगपईवेणं लोगपज्जोअगरेणं अभयदएणं चक्खुदएणं मग्गदएणं सरणदएणं जीवदएणं धम्मदएणं धम्मदेसएणं धम्मनायगेणं धम्मसारहिणा धम्मवरचाउरंतचक्कवट्ठिणा अप्पडिहयवरनाणदंसणधरेणं वियट्ठच्छउमेणं जिणेणं जाव(ण)एणं तिन्नेणं तारएणं बुद्धेणं बोहएणं मुत्तेणं मोयगेणं सब्वन्नुणा सब्वदरिसिणा सिवमयल-मरुय-मणंत-मक्खय-मव्वावाह-मपुणारावित्ति(त्तयं)सिद्धिगइ-नामधेयं ठाणं संपाविउकामेणं इमे दुवालसंगे गणिपिडगे पन्नत्ते, तंजहा—आयारे १ सूयगडे २ ठाणे ३ समवाए ४ विवाहपन्नत्ती ५ नाया-धम्मकहाओ ६ उवासगदसाओ ७ अंतगडदसाओ ८ अणुत्तरोववाइदसाओ ९ पराहावागरणं १० विवागसुए ११ दिट्ठिवाए १२, तत्थ णं जे से चउत्थे अगे समवाएत्ति आहिते तस्स णं अयमट्ठे पन्नत्ते, तंजहा—] एगे आया, एगे अणाया, एगे दंडे, एगे अदंडे, एगा किरिआ, एगा अकिरिआ, एगे लोए, एगे अलोए, एगे धम्मे, एगे अधम्मे, एगे पुराणे, एगे पावे, एगे बंधे, एगे मोक्खे, एगे आसवे, एगे संवरे, एगा वेयणा, एगा णिज्जरा १८, १ । जंबुदीवे दीवे एगं जोयणसयसहस्सं आयाम(क्कवाल)विकखंभेणं पराणत्ते, अप्पइट्ठाणे नरेण एगं जोयणसयसहस्सं आयामविकखंभेणं पन्नत्ते, पालए जाणविमाणे एगं जोयणसयसहस्सं आयामविकखंभेणं पन्नत्ते, सब्वट्ठसिद्धे

महाविमाणो एगं जोयणसयसहस्सं आयामविक्खंभेणं पन्नत्ते ४, २ । अद्धान-
 क्खत्ते एगतारे पन्नत्ते, चित्तानक्खत्ते एगतारे पन्नत्ते, सातिनक्खत्ते एगतारे
 पन्नत्ते ३, ३ । इमीसे णं रयणप्पभाए पुढवीए अत्थेगइयाणं नेरइयाणं एगं
 पलिओवमं ठिई पन्नत्ता, इमीसे णं रयणप्पहाए पुढवीए नेरइयाणं उक्कोसेणं
 एगं सागरोवमं ठिई पन्नत्ता, दोच्चाए पुढवीए नेरइयाणं जहन्नेणं एगं साग-
 रोवमं ठिई पन्नत्ता, असुरकुमाराणं देवाणं अत्थेगइयाणं एगं पलिओवमं
 ठिई पन्नत्ता, असुरकुमाराणं देवाणं उक्कोसेणं एगं साहियं सागरोवमं ठिई
 पन्नत्ता, असुरकुमारिंदवज्जियाणं भोमिज्जाणं देवाणं अत्थेगइयाणं एगं पलि-
 ओवमं ठिई पन्नत्ता, असंखिज्जवासाउय-सन्निपंचिदियतिरिक्खजोणियाणं
 अत्थेगइयाणं एगं पलिओवमं ठिई पन्नत्ता, असंखिज्जवासाउयगम्भवकंति-
 यसंणिमणुयाणं अत्थेगइयाणं एगं पलिओवमं ठिई पन्नत्ता, वाणमंतराणं
 देवाणं उक्कोसेणं एगं पलिओवमं ठिई पन्नत्ता, जोइसियाणं देवाणं उक्कोसेणं
 एगं पलिओवमं वाससयसहस्समम्भहियं ठिई पन्नत्ता, सोहम्मे कप्पे देवाणं
 जहन्नेणं एगं पलिओवमं ठिई पन्नत्ता, सोहम्मे कप्पे देवाणं अत्थेगइयाणं
 एगं सागरोवमं ठिई पन्नत्ता, ईसाणो कप्पे देवाणं जहन्नेणं माइरेणं एगं
 पलिओवमं ठिई पन्नत्ता, ईसाणो कप्पे देवाणं अत्थेगइयाणं एगं सागरोवमं
 ठिई पन्नत्ता, जे देवा सागरं सुसागरं सागरकंतं भवं मणुं माणुसोत्तरं
 लोगहियं विमाणं देवत्ताए उववन्ना तेसि णं देवाणं उक्कोसे णं एगं सागरो-
 वमं ठिई पन्नत्ता, ते णं देवा एगस्स अद्धमासस्स आणमंति वा पाणमंति
 वा उस्ससंति वा नीससंति वा, तेसि णं देवाणं एगस्स वाससहस्सस्स
 आहारट्ठे समुपज्जइ, संतेगइया भवसिद्धिया जे जीवा ते एगेणं भवग्गहणेणं
 सिज्झिस्संति बुज्झिस्संति मुच्चिस्संति परिनिब्वाइस्संति सव्वदुवखाणमंतं
 करिस्संति १८, ४ ॥ सूत्रं १ ॥ दो दंडा पन्नत्ता, तंजहा-अट्टादंडे चेव
 अणट्टादंडे चेव १ । दुवे रासी पणत्ता, तंजहा-जीवरासी चेव अजीवरासी

चेव २ । दुविहे बन्धणो पन्नत्ते, तंजहा-रागबन्धणो चेव दोसबन्धणो चेव,
 ३ । पुव्वाफग्गुणीनक्खत्ते दुतारे पन्नत्ते ४ । उत्तराफग्गुणी नक्खत्ते दुतारे
 पन्नत्ते ५ । पुव्वाभद्वया नक्खत्ते दुतारे पन्नत्ते ६ । उत्तराभद्वया नक्खत्ते
 दुतारे पन्नत्ते ७ । इमीसे णं रयणप्पहाए पुढ्वीए अत्थेगइयाणं नेरइयाणं
 दो पलिओवमाइं ठिई पन्नत्ता ८ । दुच्चाए पुढ्वीए अत्थेगइयाणं नेरइयाणं
 दो सागरोवमाइं ठिई पन्नत्ता ९ । असुरकुमाराणं देवाणं अत्थेगइयाणं दो
 पलिओवमाइं ठिई पन्नत्ता १० । असुरकुमारिंदवज्जियाणं भोमिज्जाणं
 देवाणं उक्कोसेणं देसूणाइं दो पलिओवमाइं ठिई पन्नत्ता ११ । असंखिज्ज-
 दासाउयसन्निपंचेदियतिरिक्खजोणिआणं अत्थेगइयाणं दो पलिओवमाइं ठिई
 पन्नत्ता १२ । असंखिज्जवासाउयसन्निपंचेदियमाणुस्साणं, अत्थेगइयाणं
 देवाणं च दो पलिओवमाइं ठिई पन्नत्ता १३ । सोहम्मे कप्पे अत्थेगइयाणं
 देवाणं दो पलिओवमाइं ठिई पन्नत्ता १४ । ईसाणे कप्पे अत्थेगइयाणं
 देवाणं दो पलिओवमाइं ठिई पन्नत्ता १५ । सोहम्मे कप्पे अत्थेगइयाणं
 देवाणं उक्कोसेणं दो सागरोवमाइं ठिई पन्नत्ता १६ । ईसाणे कप्पे देवाणं
 उक्कोसेणं साहियाइं दो सागरोवमाइं पन्नत्ता १७ । सणकुमारे कप्पे देवाणं
 जहराणेणं दो सागरोवमाइं ठिई पन्नत्ता १८ । माहिंदे कप्पे देवाणं जह-
 राणेणं साहियाइं दो सागरोवमाइं ठिई पन्नत्ता १९ । जे देवा सुभं सुभकंतं
 सुभवराणं सुभगंधं सुभलेसं सुभफासं सोहम्मवडिसगं विमाणं देवत्ताए
 उववराणा तेसि णं देवाणं उक्कोसेणं दो सागरोवमाइं ठिई पन्नत्ता, ते णं देवा
 दोरहं अद्धमासाणं आणमंति वा पाणमंति वा ऊससंति वा नीससंति वा तेसि
 णं देवाणं दोहिं वाससहस्सेहिं आहारट्ठे समुप्पज्जइ २० । अत्थेगइया भव-
 सिद्धिया जीवा जे दोहिं भवग्गहणेहिं सिज्जिभस्संति बुज्जिभस्संति मुच्चिस्संति
 परिनिव्वाइस्संति सव्वदुक्खाणमंतं करिस्संति २१ ॥ सूत्रं २ ॥ तथो दंडा
 पन्नत्ता, तंजहा-मणदराडे वयदंडे कायदंडे, तथो गुत्तीओ पन्नत्ताओ, तंजहा-

मणुगुत्ती वयगुत्ती कायगुत्ती १ । तत्रो सल्ला पन्नत्ता, तंजहा—मायासल्ले णं
 नियाणसल्ले णं मिच्छादंसणसल्ले णं २ । तत्रो गारवा पन्नत्ता, तंजहा—
 इद्धीगारवे णं रसगारवे णं सायागारवेणां ३ । तत्रो विराहणा पन्नत्ता, तंजहा—
 नाणविराहणा दंसणाविराहणा चरित्तविराहणा ४ । मिगसिरनक्खत्ते
 तितारे पन्नत्ते ५ । पुस्सनक्खत्ते तितारे पन्नत्ते ६ । जेट्टानक्खत्ते तितारे
 पन्नत्ते ७ । अभीइनक्खत्ते तितारे पन्नत्ते ८ । सवणनक्खत्ते तितारे पन्नत्ते
 ९ । अस्सिणिनक्खत्ते तितारे पन्नत्ते १० । भरणीनक्खत्ते तितारे पन्नत्ते
 ११ । इमीसे णं रयणप्पभाए पुढवीए अत्थेगइयाणं नेरइयाणं तिन्नि
 पलित्थोवमाइं ठिई पन्नत्ता १२ । दोच्चाए णं पुढवीए नेरइयाणं उक्कोसेणां
 तिगिणा सागरोवमाइं ठिई पन्नत्ता १३ । तच्चाए णं पुढवीए नेरइयाणं
 जहगणेणां तिगिणा सागरोवमाइं ठिई पन्नत्ता १४ । असुरकुमाराणां देवाणां
 अत्थेगइयाणं तिगिणा पलित्थोवमाइं ठिई पन्नत्ता १५ । असंखिज्जवासाउय-
 सन्निपंचिंदियतिरिक्खजोणियाणां उक्कोसेणां तिगिणा पलित्थोवमाइं ठिई
 पन्नत्ता १६ । असंखिज्जवासाउय-सन्निगब्भवकंतियमणुस्साणां उक्कोसेणां
 तिगिणा पलित्थोवमाइं ठिई पन्नत्ता १७ । सोहम्मीसाणं सु अत्थेगइयाणं तिगिणा
 पलित्थोवमाइं ठिई पन्नत्ता १८ । सणकुमारमाहिंदेसु कप्पेसु अत्थेगइयाणं
 देवाणां तिगिणा सागरोवमाइं ठिई पन्नत्ता १९ । जे देवा आभंकरं पभंकरं
 आभंकरपभंकरं चंदं चंदावत्तं चंदप्पभं चंदकंतं चंदवराणां चंदलेसं चंदज्भयं
 चंदसिगं चंदसिट्ठं चंदकूडं चंदुत्तरवडिंसगं विमाणां देवत्ताए उववराणा तेसि
 णं देवाणां उक्कोसेणां तिगिणा सागरोवमाइं ठिई पन्नत्ता, ते णं देवा तिगहं
 अद्धमासाणां आणमंति वा पाणमंति वा ऊससंति वा नीससंति वा तेसि णं
 देवाणां उक्कोसेणां तिहिं वाससहस्सेहिं आहारट्ठे समुपज्जइ, संतेगइया भव-
 सिद्धिया जीवा जे तिहिं भवग्गहणेहिं सिज्झिस्सं(हिं)ति बुज्झिस्संति मुच्चि-
 स्संति परिनिव्वाइस्संति सव्वदुवखाणमंतं करिस्संति २० ॥ सूत्रं ३ ॥

चत्तारि कसाया पन्नत्ता तंजहा-कोहकसाए माणकसाए मायाकसाए
लोभकसाए १ । चत्तारि भाणा पन्नत्ता, तंजहा-अट्टज्भाणो रुद्धज्भाणो
धम्मज्भाणो सुक्कज्भाणो २ । चत्तारि विगहाओ पन्नत्ताओ, तंजहा-
इत्थिकहा भत्तकहा रायकहा देसकहा ३ । चत्तारि सराणा पन्नत्ता,
तंजहा-आहारसराणा भयसराणा मेहुणसराणा परिग्गहसराणा ४ ।
चउव्विहे बन्धे पन्नत्ते, तंजहा-पगइवन्धे ठिइवन्धे अणुभावबन्धे पएस-
बन्धे ५ । चउगाउए जोयणो पन्नत्ते ६ । अणुराहानक्खत्ते चउतारे पन्नत्ते
७ । पुव्वासादानक्खत्ते चउतारे पन्नत्ते ८ । उत्तरासादानक्खत्ते चउतारे
पन्नत्ते ९ । इमीसे णं रयणप्पभाए पुढवीए अत्थेगइयाणं नेरइयाणं
चत्तारि पलिओवमाइं ठिई पन्नत्ता १० । तच्चाए णं पुढवीए अत्थेगइयाणं
नेरइयाणं चत्तारि सागरोवमाइं ठिई पन्नत्ता ११ । असुरकुमाराणं देवाणं
अत्थेगइयाणं चत्तारि पलिओवमाइं ठिई पन्नत्ता १२ । सोहम्मीसाणेसु कप्पेसु
अत्थेगइयाणं देवाणं चत्तारि पलिओवमाइं ठिई पन्नत्ता, सणं कुमारमाहिदेसु
कप्पेसु अत्थेगइयाणं देवाणं चत्तारि सागरोवमाइं ठिई पन्नत्ता १३ । जे देवा
किट्ठिं सुकिट्ठिं किट्ठियावत्तं किट्ठिप्पभं किट्ठिजुत्तं किट्ठिवराणं किट्ठिलेसं किट्ठि-
ज्झयं किट्ठिसिगं किट्ठिसिट्ठं किट्ठिकूडं किट्ठुत्तरवडिंसणं विमाणं देवत्ताए उव-
वराणा तेसि णं देवाणं उक्कोसेणं चत्तारि सागरोवमाइं ठिई पन्नत्ता, ते णं देवा
चउरहज्झमामाणं आणमंति वा पाणमंति वा ऊससंति वा नीससंति वा तेसि
देवाणं चउहिं वासमहस्सेहिं आहारट्ठे समुप्पज्जइ, अत्थेगइया भवसिद्धिया
जीवा जे चउहिं भवग्गहणेहिं सिज्झिस्संति जाव सब्बदुक्खाणं अंतं करिस्संति
१४ ॥ सूत्रं ४ ॥ पंच किरिया पन्नत्ता, तंजहा-काइया अहिगरणिआ पाउ-
सिआ पारितावणिआ पाणाइवायकिरिया १ । पंच महव्वया पन्नत्ता, तंजहा-
सव्वाओ पाणाइवायाओ वेरमाणं सव्वाओ मुसावायाओ वेरमाणं सव्वाओ
अदत्तादाणाओ वेरमाणं सव्वाओ मेहुणाओ वेरमाणं सव्वाओ परिग्गहाओ

वेरमाणं २ । पंच कामगुणा पन्नत्ता, तंजहा—सदा रूपा रसा गंधा फासा ३ ।
 पंच असवदारा पन्नत्ता, तंजहा—मिच्छतं अविरटं पमाया कसाया जोगा
 ४ । पंच संवरदारा पन्नत्ता, तंजहा—सम्भतं विरटं अप्पमत्तया(अपमादी)
 अकमायया अजोगया ५ । पंच निज्जरट्टाणा पन्नत्ता, तंजहा—पाणाइवायाओ
 वेरमाणं मुसावायाओ वेरमाणं अदिन्नादाणाओ वेरमाणं मेहुणाओ वेरमाणं
 परिग्गहाओ वेरमाणं ६ । पंच समिईओ पन्नत्ताओ, तंजहा—ईरियासमिई
 भासासमिई एसणासमिई आयणाभंडमत्तनिक्खेवणासमिई उच्चारपासवणखेल-
 सिंघाणजल्लपारिट्ठावणियासमिई ७ । पंच अत्थिकाया पन्नत्ता, तंजहा—
 धम्मत्थिकाए अधम्मत्थिकाए आगासत्थिकाए जीवत्थिकाए पोग्गलत्थिकाए ८ ।
 रोहिणीनक्खत्ते पंचतारे पन्नत्ते ९ । पुणव्वसुनक्खत्ते पंचतारे पन्नत्ते १० ।
 हत्थनक्खत्ते पंचतारे पन्नत्ते ११ । विसाहानक्खत्ते पंचतारे पन्नत्ते १२ ।
 धणिट्टानक्खत्ते पंचतारे पन्नत्ते १३ । इमीसे णं रयणाप्पभाए पुढवीए
 अत्थेगइयाणं नेरइयाणं पंच पलिओवमाइं ठिई पन्नत्ता १४ । तच्चाए
 णं पुढवीए अत्थेगइयाणं नेरइयाणं पंच सागरोवमाइं ठिई पन्नत्ता १५ ।
 असुरकुमाराणं देवाणं अत्थेगइयाणं पंच पलिओवमाइं ठिई पन्नत्ता १६ ।
 सोहम्मीसाणेसु कप्पेसु अत्थेगइयाणं देवाणं पंच पलिओवमाइं ठिई
 पन्नत्ता, सणकुमारमाहिंदेसु कप्पेसु अत्थेगइयाणं देवाणं पंच सागरोवमाइं
 ठिई पन्नत्ता १७ । जे देवा वायं सुवायं वायावत्तं वायप्पभं वायकंतं
 वायवराणं वायलेसं वायज्झयं वायसिगं वायसिट्ठं वायकूडं वाउत्तरवडिसगं
 सूरं सुसूरं सूरावत्तं सूरप्पभं सूरकंतं सूरवराणं सूरलेसं सूरज्झयं
 सूरसिगं सूरसिट्ठं सूरकूडं सूरुत्तरवडिसगं विमाणं देवत्ताए उववराणा
 तेसि णं देवाणं उकोसेणं पंच सागरोवमाइं ठिई पन्नत्ता, ते णं देवा
 पंचगहं अद्धमासाणं आणमंति वा पाणमंति वा ऊससंति वा नीससंति वा,
 तेसि णं देवाणं पंचहिं वाससहस्सेहिं आहारट्ठे समुप्पज्जइ, संतेगइया

भवसिद्धिया जीवा जे पंचहिं भवग्गहणेहिं सिज्झिस्संति जाव अंतं करिस्संति १८ । ॥ सूत्रं ५ ॥

छ लेसाओ पणत्ताओ, तंजहा-करहलेसा नीललेसा काउलेसा तेउलेसा पम्हलेसा सुकलेसा १ । छ जीवनिकाया पन्नत्ता, तंजहा-पुढवीकाए आऊकाए तेउकाए वाउकाए वणस्सइकाए तसकाए २ । छव्विहे बाहिरे तवोकम्मे पन्नत्ते, तंजहा-अणसणे ऊणोयरिया वित्तीसंखेवो रसपरिच्चाओ कायकिलेसो संलीणया ३ । छव्विहे अब्भितरे तवोकम्मे पन्नत्ते, तंजहा-पायच्छित्तं विणओ वेयावच्चं सज्झाओ भाणं उस्सग्गो ४ । छ छाउमत्थिया समुग्घाया पन्नत्ता, तंजहा-वेयणासमुग्घाए कसायसमुग्घाए मारणांतिअसमुग्घाए वेउव्वियसमुग्घाए तेयसमुग्घाए आहारसमुग्घाए ५ । छव्विहे अत्थुग्गहे पन्नत्ते, तंजहा-सोइंदियअत्थुग्गहे चक्खुइंदियअत्थुग्गहे घाणिंदियअत्थुग्गहे जिब्भियअत्थुग्गहे फासिंदियअत्थुग्गहे नोइंदियअत्थुग्गहे ६ । कत्तियानक्खत्ते छतारे पन्नत्ते ७ । असिलेसानक्खत्ते छतारे पन्नत्ते ८ । ईमीसे णं रयणप्पभाए पुढवीए अत्थेगइयाणं नेरइयाणं छ पलिओवमाइं ठिई पन्नत्ता ९ । तच्चाए णं पुढवीए अत्थेगइयाणं नेरइयाणं छ सागरोवमाइं ठिई पन्नत्ता १० । असुरकुमाराणं देवाणं अत्थेगइयाणं छ पलिओवमाइं ठिई पन्नत्ता ११ । सोहम्मीसाणोसु कप्पेसु अत्थेगइयाणं देवाणं छ पलिओवमाइं ठिई पन्नत्ता १२ । सणकुमारमाहिंदेसु कप्पेसु अत्थेगइयाणं देवाणं छ सागरोवमाइं ठिई पन्नत्ता १३ । जे देवा सयंभुं सयंभूरमणं घोसं सुघोसं महाघोसं किट्ठिघोसं वीरं सुवीरं वीरगतं वीरसेणियं वीरावत्तं वीरप्पभं वीरकंतं वीरवराणं वीरलेसं वीरज्झयं वीरसिंगं वीरसिट्ठं वीरकूडं वीरुत्तरवडिसगं विमाणां देवत्ताए उव्वराणा तेसि णं देवाणं उक्कोसेणं छ सागरोवमाइं ठिई पन्नत्ता, ते णं देवा छरहं अद्धमासाणं आणमंति वा पाणमंति वा उस्ससंति वा नीससंति वा, तेसि णं देवाणं छहिं वाससहस्सेहिं आहारट्ठे समुप्पज्जइ,

संतेगइया भवसिद्धिया जीवा जे छहिं भवगहणेहिं सिज्झिस्संति जाव
 सव्वदुक्खाणमंतं करिस्संति १४ ॥ सूत्रं ६ ॥ सत्त भयट्ठाणा पन्नत्ता, तंजहा—
 इहलोगभए परलोगभए आदाणभए अक्कहाभए आजीवभए मरणभए
 असिलोगभए १ । सत्त समुग्घाया पन्नत्ता, तंजहा—वेयणासमुग्घाए कसायस-
 मुग्घाए मारणांतियसमुग्घाए वेउव्वियसमुग्घाए तेयसमुग्घाए आहरसमुग्घाए
 केवलिसमुग्घाए, २ । समणे भगवं महावीरे सत्त रयणाओ उड्डं उच्चत्तेणं
 होत्था ३ । इहेव जंबुद्वीवे दीवे सत्त वासहरपव्वया पन्नत्ता, तंजहा—चुल्लहिमवंते
 महाहिमवंते निसढे नीलवंते रुणी सिहरी मन्दरे ४ । इहेव जंबुद्वीवे दीवे
 सत्त वासा पन्नत्ता, तंजहा—भरहे हेमवते हरिवासे महाविदेहे रम्मए एरराणवए
 एरवए ५ । स्त्रीणमोहे णं भगवं (भगवया) मोहणिज्जवज्जाओ सत्त कम्मप-
 यडीओ वेए(ज्ज)ई ६ । महानक्खत्ते सत्ततारे पन्नत्ते ७ । अभि(कत्ति)
 आइया सत्त नक्खत्ता पुव्वदारिआ पन्नत्ता ८ । महाइया सत्त नक्खत्ता दाहिण-
 दारिआ पन्नत्ता ९ । अणुराहाइया सत्त नक्खत्ता अवरदारिआ पन्नत्ता
 १० । धणिट्ठाइया सत्त नक्खत्ता उत्तरदारिआ पन्नत्ता, ११ । इमीसे णं
 रयणप्पभाए पुढ्वीए अत्थेगइयाणं नेरइयाणं सत्त पलिओवमाइं ठिई पन्नत्ता
 १२ । तच्चाए णं पुढ्वीए नेरइयाणं उक्कोसेणं सत्त सागरोवमाइं ठिई पन्नत्ता,
 १३ । चउत्थीए णं पुढ्वीए नेरइयाणं जहराणेणं सत्त सागरोवमाइं ठिई
 पन्नत्ता १४ । असुरकुमाराणं देवाणं अत्थेगइयाणं सत्त पलिओवमाइं ठिई
 पन्नत्ता १५ । सोहम्मीसाणेसु कप्पेसु अत्थेगइयाणं देवाणं सत्त पलिओव-
 माइं ठिई पन्नत्ता १६ । सणांकुमारे कप्पे अत्थेगइयाणं देवाणं उक्कोसेणं सत्त
 सागरोवमाइं ठिई पन्नत्ता १७ । माहिदे कप्पे देवाणं उक्कोसेणं साइरेगाइं
 सत्त सागरोवमाइं ठिई पन्नत्ता १८ । बंभलोए कप्पे अत्थेगइयाणं देवाणं त्तस
 साहिया (साहिय-सत्त) सागरोवमाइं ठिई पन्नत्ता १९ । जे देवा समं समप्पभं
 महापभं पभासं भासुरं विमलं कंचणकूडं सणांकुमारवडिसगं विमारां देवत्ताए

उववराणां तेसिं रां देवारां उक्कोसेरां सत्त सागरोवमाइं ठिई पन्नत्ता, ते रां देवा सत्तरहं अद्धमासारां आणमंति वा पाणमंति वा ऊससंति वा नीससंति वा, तेसिं रां देवाणां सत्तहिं वाससहस्सेहिं आहारट्टे समुप्पज्जइ, संतेगइया भवसिद्धिया जीवा जे रां सत्तहिं भवग्गहणेहिं सिज्झिस्संति बुज्झिस्संति जाव सव्वदुक्खाणमंतं करिस्संति २० ॥ सूत्रं ७ ॥ अट्ट मयट्ठाणा पन्नत्ता, तंजहा-जातिमए कुलमए बलमए रूवमए तवमए सुयमए लाभमए इस्सरियमए १ । अट्ट पवयणमायाओ पन्नत्ताओ, तंजहा-ईरियासमिई भासासमिई एसणासमिई आयाणभंडमत्तनिकखेवणासमिई उच्चारपासवणखेलजल्लसिंघाणपारिट्ठावणिआसमिई मणगुत्ती वयगुत्ती कायगुत्ती २ । वाणमंतराणां देवारां चेइयरुक्खा अट्ट जोयणाइं उद्धं उच्चत्तेणां पन्नत्ता ३ । जंबू रां सुदंसणा अट्ट जोयणाइं उद्धं उच्चत्तेणां पन्नत्ता ४ । कूडसामली रां गरुलावासे अट्ट जोयणाइं उद्धं उच्चत्तेणां पन्नत्ते ५ । जंबुदीवस्स रां जगई अट्ट जोयणाइं उद्धं उच्चत्तेणां पन्नत्ता ६ । अट्टसामइए केवलिसमुग्घाए पन्नत्ते, तंजहा-पढमे समए दंडं करेइ, बीए समए कवाडं करेइ, तइए समए मंथं करेइ, चउत्थे समए मंथंतराइं पूरेइ, पंचमे समए मंथंतराइ पडिसाहरइ, छट्ठे समए मंथं पडिसाहरइ, सत्तमे समए कवाडं पडिसाहरइ, अट्टमे समए दंडं पडिसाहरइ, ततो पच्छा सरीरत्थे भवइ ७ । पासस्स रां अरहओ पुरिसादाणिअस्स अट्ट गणा अट्ट गणहरा होत्था, तंजहा-सुभे य सुभवोसे य, वसिट्ठे बंभयारि य । सोमे सिरिधरे चेव, वीरभइे जसे इय ॥ १ ॥ ८ । अट्ट नक्खत्ता चंदेरां सद्धिं पमइं जोगं जोएंति, तंजहा-कत्तिया १ रोहिणी २ पुणव्वसू ३ महा ४ चित्ता ५ विसाहा ६ अणुराहा ७ जेट्ठा ८, ९ । इमीसे रां रयणप्पहाए पुढवीए अत्थेगइयाणां नेरइयाणां अट्ट पलिओवमाइं ठिई पन्नत्ता १० । चउत्थीए पुढवीए अत्थेगइयाणां नेरइयाणां अट्ट सागरोवमाइं ठिई पन्नत्ता ११ । असुरकुमाराणां देवारां अत्थेगइयाणां अट्ट पलिओवमाइं ठिई पन्नत्ता १२ । सोहम्मीसाणेसु कप्पेसु अत्थेगइयाणां देवारां अट्ट पलि-

ઓવમાઈં ઠિઈં પન્નત્તા ૧૩ । બંભલોએ કપ્પે અત્થેગહ્યારાં દેવારાં અટ્ટ સાગ-
 રોવમાઈં ઠિઈં પન્નત્તા ૧૪ । જે દેવા અચ્ચિં ૧ અચ્ચિમાલિં ૨ વહરોયરાં ૩
 પમંકરં ૪ ચંદામં ૫ સૂરામં ૬ સુપહટ્ઠામં ૭ અગ્ગિચ્ચામં ૮ રિટ્ઠામં ૯ અરુરામં ૧૦
 અરુણુત્તરવહિંસગં ૧૧ વિમારાં દેવત્તાએ ઉવવસણા તેસિ રાં દેવારાં ઉક્કોસેરાં
 અટ્ટ સાગરોવમાઈં ઠિઈં પન્નત્તા, તે રાં દેવા અટ્ટગહં અદ્ધમાસારાં આણમંતિ
 વા પાણમંતિ વા ઉસસંતિ વા નીસસંતિ વા, તેસિ રાં દેવારાં અટ્ટહિં વાસસ-
 હસ્સેહિં આહારટ્ટે સમુપ્પજ્જઈ, સંતેગહ્યા ભવસિદ્ધિયા જીવા જે અટ્ટહિં ભવગ્ગહ-
 ણોહ સિઙ્ગિસ્સંતિ બુઙ્ગિસ્સંતિ જાવ અંતં કરિસ્સંતિ ૧૫ ॥ સૂત્રં = ॥
 નવ બંભવેરુત્તીઓ પન્નત્તાઓ, તંજહા—નો ઇત્થિપસુપંડગસંસત્તારાણિ સિજ્ઞા-
 સણાણિ સેવિત્તા ભવઈ ૧ નો ઇત્થીણં કહં કહિત્તા ભવઈ ૨ નો ઇત્થીણં
 યણાઈં સેવિત્તા ભવઈ ૩ નો ઇત્થીણં ઇંદિયાણિ મણોહરાઈં મણોરમાઈં આલો-
 ઇત્તા નિજ્ઞાઈત્તા ભવઈ ૪ નો પણીયરસભોઈ ૫ નો પાણભોયણસ્સ અહમાયાએ
 આહારઈત્તા ૬ નો ઇત્થીણં પુઞ્વરયાઈં પુઞ્વકીલિઆઈં સમરઈત્તા ભવઈ, નો
 સદાણુવાઈં નો રૂવાણુવાઈં નો ગન્ધાણુવાઈં નો રસાણુવાઈં નો ફાસાણુવાઈં
 નો સિલોગાણુવાઈં ૮ નો સાયાસોક્ખપહિવદ્ધે યાવિ ભવઈ ૧, ૧ । નવ
 બંભવેરઅગુત્તીઓ પન્નત્તાઓ, તંજહા—ઇત્થીપસુપંડગસંસત્તારાં સિજ્ઞાસણાં
 સેવણયા જાવ સાયાસુક્ખપહિવદ્ધે યાવિ ભવઈ ૧, ૨ । નવ બંભવેરા પન્નત્તા,
 તંજહા—સત્થપરિણા લોગવિજઓ સીઓસણિજ્ઞ સમ્મત્તં । આવંતિ ધુત
 વિમોહા ઉવઘ્ઘાણસુયં મહપરિણા ॥ ૧ ॥ ૩ । પાસે રાં અરહા પુરિસા-
 દાણીએ નવ રયણીઓ ઉદ્ધં ઉચ્ચતેરાં હોત્થા ૪ । અમ્મીજીનક્ખતે સાઠરેગે
 નવ મુદ્ધત્તે ચન્દેરાં સદ્ધિં જોગં જોણઈ ૫ । અમ્મીજિયાહ્યા નવ નક્ખત્તા
 ચંદસ્સ ઉત્તરેરાં જોગં જોણંતિ, તંજહા—અમ્મીજિ સવણો જાવ ભરણી ૬ ।
 ઇમ્મીસે રાં રયણપ્પમાએ પુટ્ઠવીએ બહુસમરમણિજ્ઞાઓ ભૂમિભાગાઓ નવ
 જોયણસાએ ઉદ્ધં આવાહાએ ઉવરિલ્લે તારારૂવે ચારં ચરઈ ૭ । જંબૂદ્વીવે

गां दीवे नवजोयणिआ मच्छा पविसिंसु वा (३) = । विजयस्स गां दारस्स
 एगमेगाए बाहाए नव नव भोमा पन्नत्ता १ । वाणमंतरागां देवारां सभाओ
 सुहम्माओ नव जोयणाइं उद्धं उवत्तेगां पन्नत्ताओ १० । दंसणावर-
 णिजस्स गां कम्मस्स नव उत्तरपगडीओ पन्नत्ताओ, तंजहा—निहा पयला
 निहानिहा पयलापयला थीणद्धी चक्खुदंसणावरणे अचक्खुदंसणावरणे
 ओहिदंसणावरणे केवलदंसणावरणे ११ । इमीसे गां रयणप्पभाए पुढवीए
 अत्थेगइयागां नेरइयागां नव पलिओवमाइं ठिई पन्नत्ता १२ । चउत्थीए
 पुढवीए अत्थेगइयागां नेरइयागां नव सागरोवमाइं ठिई पन्नत्ता १३ ।
 असुरकुमारागां देवारां अत्थेगइयागां नव पलिओवमाइं ठिई पन्नत्ता १४ ।
 सोहम्मीसाणोसु कप्पेसु अत्थेगइयागां देवारां नव पलिओवमाइं ठिई पन्नत्ता
 १५ । बंभलोए कप्पे अत्थेगइयागां देवारां नव सागरोवमाइं ठिई पन्नत्ता
 १६ । जे देवा पम्हं सुपम्हं पम्हावत्तं पम्हप्पभं पम्हकंतं पम्हवरागां पम्हलेसं
 पम्हज्झयं पम्हसिंगं पम्हसिट्ठं पम्हकूडं पम्हुत्तरवडिसगं, सुज्जं सुसुज्जं
 सुज्जवित्तं सुज्जपभं सुज्जकंतं सुज्जवरागां सुज्जलेसं सुज्जज्झयं सुज्झसिंगं
 सुज्झसिट्ठं सुज्झकूडं सुज्जुत्तरवडिसगं, रुइल्लं रुइलावत्तं रुइल्लप्पभं रुइल्लकंतं
 रुइल्लवरागां रुइल्लेसं रुइल्लज्झयं रुइल्लसिंगं रुइल्लसिट्ठं रुइल्लकूडं रुइल्लुत्तर-
 वडिसगं विमारां देवत्ताए उववराणा, तेसि गां देवारां नव सागरोवमाइं
 ठिई पन्नत्ता, ते गां देवा नवराहं अद्धमासारां आणमंति वा पाणमंति वा
 ऊससंति वा नीससंति वा, तेसि गां देवारां नवहिं वाससहस्सेहिं आहारट्ठे
 समुप्पज्जइ, संतेगइया भवसिद्धिया जीवा जे नवहिं भवग्गहणेहिं सिज्झिस्संति
 जाव सव्वदुक्खाणमंतं करिस्संति १७ ॥ सूत्रं १ ॥ दसविहे समणधम्मे
 पन्नत्ते, तंजहा—खंती १ मुत्ती २ अज्जवे ३ महवे ४ लाघवे ५ सच्चे
 ६ संजमे ७ तवे = चियाए ८ बंभचेरवासे १०, १ । दस चित्तसमाहिट्ठाणा
 पन्नत्ता, तंजहा—धम्मचिंता वा से असमुप्पराणापुव्वा समुप्पज्जिज्जा सव्वं धम्मं

जाणित्तए १ सुमिण(सुजाण)दंसणे वा से असमुप्पराणापुव्वे समुप्पज्जिजा
 अहातच्चं सुमिणं पासित्तए २ सरिणानाणे वा से असमुप्पराणापुव्वे समुप्पज्जिजा
 पुव्वभवे सुमरित्तए ३ देवदंसणे वा से असमुप्पन्नपुव्वे समुप्पज्जिजा दिव्वं
 देविद्धिं दिव्वं तेवजुइं दिव्वं देवाणुभावं पासित्तए ४ ओहिनाणे वा से
 असमुप्पराणापुव्वे समुप्पज्जिजा ओहिणा लोगं जाणित्तए ५ ओहिदंसणे वा से
 असमुप्पराणापुव्वे समुप्पज्जिजा ओहिणा लोगं पासित्तए ६ मणपज्जवनाणे वा से
 असमुप्पराणापुव्वे समुप्पज्जिजा जाव मणोगए भावे जाणित्तए ७ केवलनाणे वा से
 असमुप्पराणापुव्वे समुप्पज्जिजा केवलं लोगं जाणित्तए ८ केवलदंसणे वा से
 असमुप्पराणापुव्वे समुप्पज्जिजा केवलं लोगं पासित्तए ९ केवलिमराणां वा
 मरिजा सव्वदुक्खप्पहीणाए १०, २। मंदरे णां पव्वए मूले दस जोयणा-
 सहस्साइं विक्खंभेरां पन्नत्ते ३। अरिहा णां अरिट्ठनेमी दस धणूइं
 उद्धं उच्चत्तेरां होत्था ४। कराहे णां वासुदेवे दस धणूइं उद्धं उच्चत्तेरां
 होत्था ५। रामे णां बलदेवे दस धणूइं उद्धं उच्चत्तेरां होत्था ६। दस नक्खत्ता
 नाणबुद्धिकरा पन्नत्ता, तंजहा-मिगसिर अहा पुस्सो तिगिणा अ पुव्वा य
 मूलमस्सेसा । हत्थो चित्तो य तहा दस बुद्धिकराइं नाणस्स ॥ १ ॥ ७ ।
 अकम्मभूमियाणां मणुआराणां दसविहा रुक्खा उवभोगत्ताए उवत्थिया पन्नत्ता,
 तंजहा-मत्तंगया य भिगा तुडिअंगा दीवजोइं चित्तंगा । चित्तरसा मणिअंगा
 गेहागारा अनिगिणा य ॥ १॥ ८। इमीसे णां रयणप्पभाए पुढवीए अत्थेगइयाणां
 नेरइयाणां जहराणेरां दस वाससहस्साइं ठिई पन्नत्ता ९ । इमीसे णां रयणप्प-
 भाए पुढवीए अत्थेगइआरां नेरइयाणां दस पलिओवमाइं ठिई पन्नत्ता १० ।
 चउत्थीए पुढवीए दस निरयावाससयसहस्साइ पन्नत्ताणि ११ । चउत्थीए पुढवीए
 अत्थेगइयाणां नेरइयाणां उक्कोसेरां दस सागरोवमाइं ठिई पन्नत्ता १२ । पंचमीए
 पुढवीए अत्थेगइयाणां नेरइयाणां जहराणेरां दस सागरोवमाइं ठिई पन्नत्ता
 १३ । असुरकुमाराणां देवारां अत्थेगइयाणां जहराणेरां दस वाससहस्साइं

ठिई पन्नत्ता १४ । असुरिंदवज्जाणां भोमिज्जाणां देवाणां अत्थेगइयाणां जहराणेणं दस वाससहस्साइं ठिई पन्नत्ता १५ । असुरकुमाराणां देवाणां अत्थेगइयाणां दस पलिओवमाइं ठिई पन्नत्ता १६ । बायरवणास्सइकाइए रां उकोसेरां दस वाससहस्साइं ठिई पन्नत्ता १७ । वाणमंतराणां देवाणां अत्थेगइयाणां जहराणेणां दस वाससहस्साइं ठिई पन्नत्ता १८ । सोहम्मी-साणेसु कप्पेसु अत्थेगइयाणां देवाणां दस पलिओवमाइं ठिई पन्नत्ता १९ । बंभलोए कप्पे देवाणां उकोसेरां दस सागरोवमाइं ठिई पन्नत्ता २० । लांतए कप्पे देवाणां अत्थेगइयाणां जहराणेणां दस सागरोवमाइं ठिई पन्नत्ता २१ । जे देवा घोसं सुघोसं महाघोसं नंदिघोसं सुसरं मणोरमं रम्मं रम्मणं रमणिज्जं मंगलावत्तं बंभलोगवडिंसणं विमारां देवत्ताए उववराणा तेसि रां देवाणां उकोसेरां दस सागरोवमाइं ठिई पन्नत्ता, ते रां देवा दसराहं अद्धमासारां आणमंति वा पाणमंति वा ऊससंति वा नीससंति वा तेसि रां देवाणां दसहिं वाससहस्सेहिं आहारट्ठे समुप्पज्जइ, संतेगइआ भवसिद्धिया जीवा जे दसहिं भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइस्संति सव्वदुक्खाणमंतं करिस्संति २२ ॥ सूत्रं १०॥

एकारस उवासगपडिमाओ पन्नत्ताओ, तंजहा—दंसणसावए १ कयव्वयकंमे २ सामाइअकडे ३ पोसहोववासनिरए ४ दिया बंभयारी रत्ति परिमाणकडे ५ दिआऽवि राओऽवि बंभयारी असिणाई (अनिसाई) विअड-भोई मोलिकडे ६ सच्चित्तपरिणामए ७ (राइभत्त परिणामए ४ सच्चित्त परिणामए ५ दिया बंभयारी राओ परिमाणकडे ६ दियावि राओवि बंभयारी असिणाणए वोसट्ठ-केसरोमनहे ७) आरंभपरिणामए ८ पेसपरिणामए ९ उद्दिट्ठभत्तपरिणामए १० समणभूए ११ आवि भवइ समणाउसो ! १ । लोगं-ताओ इकारसएहिं एकारेहिं जोयणसएहिं अवाहाए जोइसंते पराणत्ते २ । जंबू-दीवे दीवे मंदरस्स पव्वयस्स एकारसहिं एकवीसेहिं जोयणसएहिं जोइसे चारं

चरइ ३ । समणस्स णं भगवओ महावीरस्स एकारस गणहरा होत्था, तंजहा—
 इंदभूई अग्गिभूई वायुभूई विअत्ते सोहम्मे मंडिए मोरियपुत्ते अकंपिए
 अयलभाए मेअज्जे पभासे ८ । मूले नक्खत्ते एकारसतारे पन्नत्ते ९ ।
 हेट्ठिमगेविज्जयाणं देवाणं एकारसमु(गु)त्तरं गेविज्जविमाणमतं भवइत्तिमवखायं,
 मंदरे णं पव्वए धरणितलाओ सिहरतले एकारसभागपरिहीणे उच्चत्तेणं
 पन्नत्ते १० । इमीसे णं रयणप्पभाए पुढवीए अत्थेगइयाणं नेरइयाणं एकारस
 पलिओवमाइं ठिई पन्नत्ता ११ । पंचमीए पुढवीए अत्थेगइयाणं नेरइयाणं
 एकारस सागरोवमाइं ठिई पन्नत्ता १२ । असुरकुमाराणं देवाणं अत्थेगइयाणं
 एकारस पलिओवमाइं ठिई पन्नत्ता १३ । सोहम्मीसाणेसु कप्पेसु अत्थेगइयाणं
 देवाणं एकारस पलिओवमाइं ठिई पन्नत्ता १४ । लंतए कप्पे अत्थेगइयाणं
 देवाणं एकारस सागरोवमाइं ठिई पन्नत्ता १५ । जे देवा बंभं सुबंभं बंभावत्तं
 बंभप्पभं बंभकंतं बंभवराणं बंभलेसं बंभज्झयं बंभसिंगं बंभसिट्ठं बंभकूडं
 बंभुत्तरवडिसंगं विमाणं देवत्ताए उववराणा तेसि णं देवाणं एकारस सागरो-
 वमाइं ठिई पन्नत्ता, ते णं देवा एकारसराहं अद्धमासाणं आणमंति वा
 पाणमंति वा ऊससंति वा नीससंति वा तेसि णं देवाणं एकारसराहं
 वाससहस्साणं आहारट्ठे समुप्पज्जइ, संतेगइया भवसिद्धिया जीवा जे
 एकारसहिं भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइस्संति
 सव्वदुक्खाणमतं करिस्संति १६ ॥सूत्रं ११॥ बारस भिक्खुपडिमाओ पण-
 ताओ, तंजहा—मासिआ भिक्खुपडिमा दोमासिआ भिक्खुपडिमा तिमासिआ
 भिक्खुपडिमा चउमासिआ भिक्खुपडिमा पंचमासिआ भिक्खुपडिमा षडमासिया
 भिक्खुपडिमा सत्तमासिआ भिक्खुपडिमा पढमा सत्तराइंदिया भिक्खुपडिमा
 दोच्चा सत्तराइंदिया भिक्खुपडिमा तच्चा सत्तराइंदिया भिक्खुपडिमा अहोरा-
 इया भिक्खुपडिमा एगराइया भिक्खुपडिमा १ । दुवालसविहे सम्भोगे
 पन्नत्ते, तंजहा—उवहीसुअभत्तपाणे, अंजलीपग्गहेत्ति य । दायणे य निकाए

अ, अम्भुद्वाणेति आवरे ॥ १ ॥ किञ्चकम्मस्स य करणे, वेयावच्चकरणे
 इअ । समोसरणं संनिसिज्जा य, कहाए अ पबन्धणे ॥ २ ॥ २ । दुवाल-
 सावत्ते कितिकम्मे पन्नत्ते, तंजहा-दुओणायं जहाजायं, कितिकम्मं बारसावयं ।
 चउसिरं तिगुत्तं (सिद्धं) च, दुपवेसं एगनिक्खमणं ॥ २ ॥ ३ । विजया णं
 रायहाणी दुवालस जोयणासयसहस्साइं आयामविक्खंभेणं पराणत्ता ४ ।
 रामे णं बलदेवे दुवालस वाससयाइं सव्वाउयं पालित्ता देवत्तं गए ५ ।
 मंदरस्स णं पव्वयस्स चूलिआ मूले दुवालस जोयणाइं विक्खंभेणं पराणत्ता,
 ६ । जंबूदीवस्स णं दीवस्स वेइआ मूले दुवालस जोयणाइं विक्खंभेणं
 पराणत्ता, ७ । सव्वजहगिणआ राई दुवालसमुट्ठित्तिआ पराणत्ता, एवं दिवसो-
 ऽवि नायव्वो ८ । सव्वट्ठसिद्धस्स णं महाविमाणस्स उवरिल्लाओ थुभि-
 अग्गाओ दुवालस जोयणाइं उद्धं उप्पइआ ईसिपब्भारनामपुट्ठी पराणत्ता
 ९ । इसिपब्भाराए णं पुट्ठीए दुवालस नामधेज्जा पराणत्ता, तंजहा-ईसित्ति
 वा इसिपब्भाराति वा तणूइ वा तणूयतरित्ति वा सिद्धित्ति वा सिद्धालएत्ति
 वा मुत्तीति वा मुत्तालएत्ति वा बंभेत्ति वा बंभवड्सिणत्ति वा लोकपडिप्परणेत्ति
 वा लोगगचूलिआइ वा १० । इमीसे णं रयणप्पभाए पुट्ठीए अत्थेगइआणं
 नेरइयाणं बारस पलिओवमाइं ठिई पन्नत्ता ११ । पंचमीए पुट्ठीए अत्थेगइ-
 याणं नेरइयाणं बारस सागरोवमाइं ठिई पन्नत्ता १२ । असुरकुमाराणं
 देवाराणं अत्थेगइयाणं बारस पलिओवमाइं ठिई पन्नत्ता १३ । सोहम्मीसाणेसु
 कप्पेसु अत्थेगइयाणं देवाराणं बारस पलिओवमाइं ठिई पन्नत्ता १४ । लंतए
 कप्पे अत्थेगइयाणं देवाराणं बारस सागरोवमाइं ठिई पन्नत्ता १५ । जे देवा
 महिंदं महिंदज्झयं कंबुं कंबुग्गीवं पुंखं सुपुंखं महापुंखं पुंढं सुपुंढं
 महापुंढं नरिंदं नरिंदकंतं नरिंदुत्तरवड्सिगं विमारां देवत्ताए उववराणा तेसि
 णं देवाराणं उक्कोसेणं बारस सागरोवमाइं ठिई पन्नत्ता, ते णं देवा बारसगहं
 अद्धमासाणं आणमंति वा पाणमंति वा उस्ससंति वा नीससंति वा तेसि

णां देवाणां बारसहिं वाससहस्सेहिं आहारद्वे समुप्पज्जइ, संतेगइआ भवसिद्धिआ
 जीवा जे बारसहिं भवग्गहणेहिं सिज्झिस्संति बुज्झिस्संति मुच्चिस्संति
 परिनिव्वाइस्संति सब्बदुवखाणमंतं करिस्संति १६ ॥ सूत्रं १२ ॥ तेरस किरि-
 याअणा पन्नत्ता, तंजहा-अट्ठादंडे अणट्ठादंडे हिंसादंडे अकम्हादंडे दिट्ठिविपरि-
 आसिआदंडे मुसावायवत्तिए अदिन्नादाणवत्तिए अज्झत्थिए मानवत्तिए
 मित्तदोसवत्तिए मायावत्तिए लोभवत्तिए इरिआवहिए नामं तेरसमे १। सोह-
 म्मीसाणेसु कप्पेसु तेरसविमाणपत्थडा पन्नत्ता २। सोहम्मवडिंसगे रां विमाणे
 रां अद्धतेरसजोयणसयसहस्साइं आयामविकखंभेरां पन्नत्ते ३। एवं ईसाणवडिं-
 सगेऽवि ४। जलयरपंचिदिअतिरिक्खजोणिआरां अद्धतेरसजाइकुलकोडीजो-
 णीपमुहसयसहस्साइं पन्नत्ते ५। पाणाउस्स रां पुव्वस्स तेरसवत्थू पन्नत्ता ६। गब्भ-
 वकं तिअपंचेदिअतिरिक्खजोणिआरां तेरसविहे पत्थोगे पन्नत्ते, तंजहा-सच्चमाणप-
 त्थोगे मोसमाणपत्थोगे सच्चामोसमाणपत्थोगे असच्चामोसमाणपत्थोगे सच्चवइपत्थोगे
 मोसवइपत्थोगे सच्चामोसवइपत्थोगे असच्चामोसवइपत्थोगे ओरालिअसरीरका-
 यपत्थोगे ओरालिअमीससरीरकायपत्थोगे वेउव्विअसरीरकायपत्थोगे वेउव्वि-
 अमीससरीरकायपत्थोगे कम्मसरीरकायपत्थोगे ७। सूरमंडलं जोयणोरां तेरसेहिं
 एगसट्ठिभागेहिं जोयणस्स ऊरां पन्नत्ते ८। इमीसे रां रयणप्पभाए पुढवीए अत्थे-
 गइयारां नेरइयारां तेरस पलित्थोवमाइं ठिई पन्नत्ता ९। पंचमीए पुढवीए
 अत्थेगइयारां नेरइयारां तेरस सागरोवमाइं ठिई पन्नत्ता १०। असुरकुमाराणां
 देवारां अत्थेगइयारां तेरस पलित्थोवमाइं ठिई पन्नत्ता ११। सोहम्मीसाणेसु
 कप्पेसु अत्थेगइयारां देवारां तेरस पलित्थोवमाइं ठिई पन्नत्ता १२। लंतए
 कप्पे अत्थेगइयारां देवारां तेरस सागरोवमाइं ठिई पन्नत्ता १३। जे देवा
 वज्जं सुवज्जं वज्जावत्तं वज्जप्पभं वज्जकंतं वज्जवराणां वज्जलेसं वज्जरूवं वज्ज-
 सिंगं वज्जसिट्ठं वज्जकूडं वज्जुत्तरवडिंसगं वइरं वइरावत्तं वइरप्पभं वइरकंतं
 वइरवराणां वइरलेसं वइररूवं वइरसिंगं वइरसिट्ठं वइरकूडं वइरुत्तरवडिंसगं

लोगं लोगावत्तं लोगप्पमं लोगकत्तं लोगवराणां लोगलेसं लोगख्वं लोगसिगं
लोगसिट्ठं लोगकूडं लोगुत्तरवडिसगं विमाणं देवत्ताए उववराणा तेसि रां
देवारां उक्कोसेरां तेरस सागरोवमाइं ठिई पन्नत्ता, ते रां देवा तेरसहिं
अद्धमासेहिं आणमंति वा पाणमंति वा उस्ससंति वा नीस्ससंति वा तेसि रां
देवारां तेरसहिं वाससहस्सेहिं आहारट्ठे समुप्पज्जइ, संतेगइआ भवसिद्धिआ
जीवा जे तेरसहिं भवग्गहणेहिं सिज्झिस्संति बुज्झिस्संति मुच्चिस्संति परिनिव्वा-
इस्संति सब्बदुक्खाणमंतं करिस्संति १४ ॥ सूत्रं १३ ॥ चउदस भूअग्गामा
पन्नत्ता, तंजहा-सुहुमा अपज्जत्तआ सुहुमा पज्जत्तया बादरा अपज्जत्तया
बादरा पज्जत्तया बेइंदिआ अपज्जत्तया बेइंदिया पज्जत्तया तेंदिआ अपज्जत्तया
तेंदिया पज्जत्तया चउरिंदिआ अपज्जत्तया चउरिंदिया पज्जत्तया पंचिंदिआ
असन्निअपज्जत्तया पंचिंदिआ असन्निपज्जत्तया पंचिंदिआ सन्निअपज्जत्तया
पंचेंदिआ सन्निपज्जत्तया १ । चउदस पुव्वा पन्नत्ता, तंजहा-उप्पायपुव्वमग्गे-
(ग्गा)णियं च तइयं च वीरियं पुव्वं । अत्थीनत्थिपवायं तत्तो नाणप्पवायं च
॥ १ ॥ सच्चप्पवायपुव्वं तत्तो आयप्पवायपुव्वं च । कम्मप्पवायपुव्वं पच्चक्खाणं
भवे नवमं ॥ २ ॥ विज्जाअणुप्पवायं अवंक्कपाणाउ बारसं पुव्वं । तत्तो
किरियविसालं पुव्वं तह विदुसारं च ॥ ३ ॥ २ । अग्गे(ग्गा)णीअस्स रां
पुव्वस्स चउदस वत्थू पन्नत्ता ३ । समणस्स रां भगवओ महावीरस्स चउदस
समणसाहस्सीओ उक्कोसिआ समणसंपया होत्था ४ । कम्मविसोहिमग्गणं पडुच्च
चउदस जीवट्ठाणा पन्नत्ता, तंजहा-मिच्छदिट्ठी सासायणम्मदिट्ठी सम्मामिच्छ-
दिट्ठी अविरयसम्मदिट्ठी विरयाविरए पमत्तसंजए अप्पमत्तसंजए निअट्ठीबायरे
अनिअट्ठीबायरे सुहुमसंपराए उवसामए वा खवए वा उवसंतमोहे खीणमोहे
सजोगी केवली अयोगी केवली ५ । भरहेरवयाओ रां जीवाओ चउदस
चउदस जोयणसहस्साइं चत्तारि अ एगुत्तरे जोयणसए छच्च एगूणवीसे भागे
जोयणस्स आयामेणं पन्नत्ताओ, ६ । एगमेगस्स रां रत्तो चाउरंतचक्कवट्ठिस्स चउ-

द्वसरयणा पन्नत्ता, तंजहा-इत्थीरयणे सेणावइरयणे गाहावइरयणे पुरोहियरयणे
 वड्डइरयणे आसरयणे हत्थिरयणे असिरयणे दंडरयणे चक्ररयणे छत्तरयणे
 चम्मरयणे मणिरयणे कागिणिरयणे ७ । जंबुदीवे णं दीवे चउदस महानईओ
 पुव्वावरेण लवणसमुदं समप्पंति, तंजहा-गंगा सिंधू रोहित्रा रोहित्रंसा
 हरी हरिकंता सीआ सीओदा नरकन्ता नारिकांता सुवराणकूला रूपकूला
 रत्ता रत्तवई ८ । इमीसे णं रयणप्पभाए पुढवीए अत्थेगइयाणं नेरइयाणं
 चउदस पलिओवमाइं ठिई पन्नत्ता ९ । पंचमीए णं पुढवीए अत्थेगइयाणं
 नेरइयाणं चउदस सागरोवमाइं ठिई पन्नत्ता १० । असुरकुमाराणं देवाणं
 अत्थेगइयाणं चउदस पलिओवमाइं ठिई पन्नत्ता ११ । सोहम्मीसाणेसु
 कप्पेसु अत्थेगइयाणं देवाणं चउदस पलिओवमाइं ठिई पन्नत्ता १२ ।
 लंतए कप्पे देवाणं अत्थेगइयाणं चउदस सागरोवमाइं ठिई पन्नत्ता १३ ।
 महासुवके कप्पे देवाणं अत्थेगइयाणं जहराणेणं चउदस सागरोवमाइं ठिई
 पन्नत्ता १४ । जे देवा सिरिकंतं सिरिमहित्रं सिरिसोमनसं लंतयं काविट्ठं
 महिंदकंतं महिंदुत्तरवडिसगं विमाणं देवत्ताए उववराणा तेषि णं देवाणं
 उक्कोसेणं चउदस सागरोवमाइं ठिई पन्नत्ता, ते णं देवा चउदसहिं अद्धमासेहिं
 आणमंति वा पाणमंति वा उस्ससंति वा नीससंति वा तेषिणं देवाणं चउद-
 सहिं वाससहस्सेहिं आहारट्ठे समुप्पज्जइ, संतेगइआ भवसिद्धिआ जीवा जे
 चउदसहिं भवग्गहणेहिं सिज्झिस्संति बुज्झिस्संति मुच्चिस्संति परिनिवाइस्संति
 सव्वदुक्खाणमंतं करिस्संति १५ ॥ सूत्रं १४ ॥ पन्नरस परमाहम्मिआ
 पन्नत्ता, तंजहा-अवे अंबरिसी चेव, सामे सबलेत्ति आवरे । रुद्धोवरुद्धकाले
 अ, महाकालेत्ति आवरे ॥ १ ॥ असिपत्ते धणु कुम्भे, बालुए वेअरणीति
 अ । खरस्सरे महाघोसे, एते पन्नरसाहिआ ॥ २ ॥ १ । णमी णं अरहा
 पन्नरस धणूइं उड्डं उच्चत्तेणं होत्था धुव(निच्च)राहू णं बहुलपक्खस्स पडिवए
 पन्नरसभागं पन्नरसभागेणं चंदस्स लेसं आवरेत्ताणं चिट्ठति, तंजहा-

पठ्माए पठमं भागं वीआए दुभागं तइआए तिभागं चउथीए चउभागं पञ्च-
मीए पञ्चभागं छट्ठीए छभागं सत्तमीए सत्तभागं अट्ठमीए अट्ठभागं नवमीए
नवभागं दसमीए दसभागं एकारसीए एकारसभागं बारसीए बारसभागं
तेरसीए तेरसभागं चउहसीए चउहसभागं पन्नरसेसु पन्नरसभागं २ । तं चेव
सुक्कपक्खस्स य उवदंसेमाणे उवदंसेमाणे चिट्ठति, तंजहा—पठ्माए पठमं भागं जाव
पन्नरसेसु पन्नरसभागं ३ । छ गणक्खत्ता पन्नरसमुहुत्तसंजुत्ता पन्नत्ता, तंजहा—
सतभिसय भरणि अद्दा असलेसा साई तहा जेट्ठा । (साइ तहय जेट्ठा य) एते
छरणक्खत्ता पन्नरसमुहुत्तसंजुत्ता ॥ १ ॥ ४ । चेत्तासोएसु गां मासेसु पन्नरसमुहुत्तो
दिवसो भवति ५ । एवं चेत्त(त्तासो)मासेसु पणारसमुहुत्ता राई भवति ६ ।
विजाअणुप्पवायस्स गां पुव्वस्स पन्नरस वत्थू पणत्ता ७ । मणूसाणां पणारसविहे
पत्रोगे पन्नत्ते, तंजहा—सच्चमणपत्रोगे मोसमणपत्रोगे सच्चमोसमणपत्रोगे
असच्चामोसमणपत्रोगे सच्चवइपत्रोगे मोसवइपत्रोगे सच्चामोसवइपत्रोगे
असच्चामोसवइपत्रोगे ओरालिअसरीरकायपत्रोगे ओरालिअमीससरीर-
कायपत्रोगे वेउव्वियसरीरकायपत्रोगे वेउव्विअमीससरीरकायपत्रोगे
आहारयसरीरकायपत्रोगे आहारयमीससरीरकायपत्रोगे कम्मयसरीरका-
यपत्रोगे ८ । इमीसे गां रयणप्पभाए पुढवीए अत्थेगइयाणां नेरइआणां
पणारस पल्लिओवमाइं ठिई पन्नत्ता, ९ । पंचमीए पुढवीए अत्थेगइयाणां
नेरइआणां पणारस सागरोवमाइं ठिई पन्नत्ता, १० । असुरकु-
माराणां देवाणां अत्थेगइयाणां पणारस पल्लिओवमाइं ठिई पन्नत्ता,
११ । सोहम्मीसाणेसु कप्पेसु अत्थेगइयाणां देवाणां पणारस पल्लिओवमाइं
ठिई पन्नत्ता, १२ । महासुवके कप्पे अत्थेगइयाणां देवाणां पणारस सागरो-
वमाइं ठिई पन्नत्ता, १३ । जे देवा गांदं सुणांदं गांदावत्तं गांदप्पभं गांदकंतं
गांदवराणां गांदलेसं गांदज्झयं गांदसिगं गांदसिट्ठं गांदकूडं गांदुत्तरवडिसगं
विमाणं देवत्ताए उववराणा तेसि गां देवाणां उक्कोसेणां पणारस सागरोवमाइं

ठिई पन्नत्ता, ते णं देवा पण्णरसगहं अद्धमासाणं आणमंति वा पाणमंति वा उस्ससंति वा नीससंति वा तेसि णं देवाणं पण्णरसहिं वाससहस्सेहिं आहारट्ठे समुप्पज्जइ, संतेगइआ भवसिद्धिआ जीवा जे पन्नरसहिं भवग्ग-हणेहिं सिज्झिस्संति बुज्झिस्संति मुच्चिस्संति परिनिव्वाइसंति सव्वदुक्खाणमंतं करिस्संति १४ ॥ सूत्रं १५ ॥

सोलस य गाहासोलसगा पन्नत्ता, तंजहा-समए वेयालिए उवस-ग्गपरिन्ना इत्थीपरिणणा निरयविभत्ती महावीरथुई कुसीलपरिभासिए वीरिए धम्मे समाही मग्गे समोसरणे आहातहिए गंथे जमईए गाहासोलसमे सोल-सगे १ । सोलस कसाया पन्नत्ता, तंजहा-अण्णंताणुबंधी कोहे अण्णंताणुबंधी माणे अण्णंताणुबंधी माया अण्णंताणुबंधी लोभे अपच्चक्खाणकसाए कोहे अपच्चक्खाणकसाए माणे अपच्चक्खाणकसाए माया अपच्चक्खाणकसाए लोभे पच्चक्खाणावरणे कोहे पच्चक्खाणावरणे माणे पच्चक्खाणावरणा माया पच्चक्खाणावरणे लोभे संजलणे कोहे संजलणे माणे संजलणे माया संजलणे लोभे २ । मंदरस्स णं पव्वयस्स सोलस नामधेया पन्नत्ता, तंजहा-मंदरमेरु-मणोरम सुदंसण सयंपभे य गिरिराया । रयणुच्चय पियदंसण मज्जे लोगस्स नाभी य ॥ १ ॥ अत्थे अं सूरिआवत्ते सूरिआवरणेत्ति अ । उत्तरे अ दिसाई अ, वडिंसे इअ सोलसमे ॥२॥ ३ । पासस्स णं अरहतो पुरिसादाणीयस्स सोलस समणसाहस्सीओ उक्कोसिआ समण संपदा होत्था ४ । आयप्पवायस्स णं पुव्वस्स णं सोलस वत्थू पन्नत्ता ५ । चमरवलीणं उवारियालेणे सोलस जोयण-सहस्साइं आयामविवखंभेणं पन्नत्ता ६ । लवणे णं समुद्दे सोलस जोयण-सहस्साइं उस्सेहपरिबुड्डीए पन्नत्ता ७ । इमीसे णं रयणप्पभाए पुढवीए अत्थेगइयाणां नेरइयाणां सोलस पलिओवमाइं ठिई पन्नत्ता ८ । पंचमाए पुढविए अत्थेगइयाणां देवाणां सोलस सागरोवमाठिती पन्नत्ता ९ । असुर-कुमाराणां देवाणां अत्थेगइयाणां सोलस पलिओवमाइं ठिई पन्नत्ता १० ।

सोहम्मीसाणोसु कप्पेसु अत्थेगइयाणां देवाणां सोलस पलिओवमाइं ठिई पन्नत्ता ११ । महासुक्के कप्पे देवाणां अत्थेगइयाणां सोलस सागरोवमाइं ठिई पन्नत्ता १२ । जे देवा आवत्तं विआवत्तं नंदिआवत्तं महारांदिआवत्तं अंकुसं अंकुसपलंबं भद्दं सुभद्दं महाभद्दं सव्वओभद्दं भदुत्तरवडिंसणं विमाणां देवत्ताए उववराणां तेसि णां देवाणां उक्कोसे णां सोलस सागरोवमाइं ठिई पन्नत्ता, ते णां देवा सोलसहिं अद्धमासाणां आणमंति वा पाणमंति वा उस्ससंति वा नीससंति वा, तेसि णां देवाणां सोलसवाससहस्सेहिं आहारट्ठे समुप्पज्जइ, संतेगइआ भवसिद्धिआ जीवा जे सोलसहिं भवग्गहणोहिं सिज्झिस्संति बुज्झिस्संति मुच्चिस्संति परिनिव्वाइस्संति सव्वदुक्खाणमंतं करिस्संति १३ ॥ सूत्रं १६ ॥ सत्तरसविहे असंजमे पन्नत्ते तंजहा— पुढविकायअसंजमे आउकायअसंजमे तेउकायअसंजमे बाउकायअसंजमे वणास्सइकायअसंजमे बेइंदियअसंजमे तेइंदियअसंजमे चउरिंदियअसंजमे पंचिंदियअसंजमे अजीवकायअसंजमे पेहाअसंजमे उवेहाअसंजमे अवहट्ठअसंजमे अप्पमज्जणाअसंजमे मणाअसंजमे वइअसंजमे कायअसंजमे १ । सत्तरसविहे संजमे पन्नत्ते, तंजहा—पुढवीकायसंजमे आउकायसंजमे तेउकायसंजमे बाउकायसंजमे वणास्सइकायसंजमे बेइंदियसंजमे तेइंदियसंजमे चउरिंदियसंजमे पंचिंदियसंजमे अजीवकायसंजमे पेहासंजमे उवेहासंजमे अवहट्ठसंजमे पमज्जणासंजमे मणासंजमे वइसंजमे कायसंजमे २ । माणुसत्तरे णां पव्वए सत्तरसएक्कवीसे जोयणासए उड्डं उच्चत्तेणां पन्नत्ते ३ । सव्वेसिंपि णां वेलंधरअणुवेलंधरणागराईणां आवासपव्वया सत्तरसएक्कवीसाइं जोयणासयाइं उड्डं उच्चत्तेणां पन्नत्ता ४ । लवणे णां समुद्धे सत्तरस जोयणासहस्साइं सव्वग्गेणां पन्नत्ते ५ । इमीसे णां रयणप्पभाए पुढवीए बहुसमरमणिज्जाओ भूमिभागाओ सातिरेगाइं सत्तरस जोयणासहस्साइं उड्डं उप्पतित्ता ततो पच्छा चारणाणं तिरिआ गती पवत्तति ६ । चमरस्स णां असुरिंदस्स असुर-

रगणो तिगिंछिकूडे उप्पायपव्वए सत्तरस एकवीसाइं जोयणसयाइं उड्डं उच्चत्तेरां पन्नत्ते ७ । बलिस्स रां असुरिंदस्स रुअगिंदे उप्पायपव्वए सत्तरस एकवीसाइं जोयणसयाइं उड्डं उच्चत्तेरां पन्नत्ते ८ । सत्तरसविहे मरणो पन्नत्ते, तंजहा—आवीईमरणो ओहिमरणो आयंतियमरणो वलायमरणो वसट्टमरणो अंतोसल्लमरणो तब्भवमरणो बालमरणो पंडितमरणो बालपंडितमरणो छउमत्थ-मरणो केवलिमरणो वेहाणसमरणो गिद्धपिट्टमरणो भत्तपच्चक्खाणमरणो इंगिणि-मरणो पाओवगमणमरणो ९ । सुट्टमसंपराए रां भगवं सुट्टमसंपरायभावे वट्टमाणो सत्तरस कम्मपगडीओ शिवंधति, तंजहा—आभिणिबोहियणाणावरणो सुयणाणावरणो ओहिणाणावरणो मणपज्जवणाणावरणो केवलणाणावरणो चक्खुदंसणावरणो अचक्खुदंसणावरणो ओहीदंसणावरणो केवलदंसणावरणो साधवेयणिज्जं जसोकित्तिनामं उच्चागोयं दाणंतरायं लाभंतरायं भोगंतरायं उवभोगंतरायं वीरिअंतरायं १० । इमीसे रां रयणप्पभाए पुढवीए अत्थे-गइआणं नेरइयाणं सत्तरस पलिओवमाइं ठिई पन्नत्ता ११ । पंचमीए पुढवीए अत्थेगइआणं नेरइयाणं उक्कोसेरां सत्तरस सागरोवमाइं ठिई पन्नत्ता १२ । छट्ठीए पुढवीए अत्थेगइआणं नेरइयाणं जहराणेणं सत्तरस सागरोवमाइं ठिई पन्नत्ता १३ । असुरकुमाराणं देवाणं अत्थेगइआणं सत्तरस पलिओ-वमाइं ठिई पन्नत्ता १४ । सोहम्मीसारोसु कप्पेसु अत्थेगइआणं देवाणं सत्तरस पलिओवमाइं ठिई पन्नत्ता १५ । महासुक्के कप्पे देवाणं उक्कोसेरां सत्तरस सागरोवमाइं ठिई पन्नत्ता १६ । सहस्सारे कप्पे देवाणं जहराणेणं सत्तरस सागरोवमाइं ठिई पन्नत्ता १७ । जे देवा सामाणं सुसामाणं महा-सामाणं पउमं महापउमं कुमुदं महाकुमुदं नलिणं महानलिणं पोंडरीअं महापोंडरीअं सुक्कं महासुक्कं सीहं सीहकंतं सीहवीअं भाविअं विमाणं देवत्ताए उववराणा तेसि रां देवाणं उक्कोसेरां सत्तरस सागरोवमाइं ठिई पन्नत्ता, ते रां देवा सत्तरसहिं अद्धमासेहिं आणमंति वा पाणमंति वा उस्स-

सन्ति वा नीससन्ति वा, तेषिं णं देवाणं सत्तरसहिं वाससहस्सेहिं आहारट्टे
समुप्पज्जइ, संतेगइया भवसिद्धिआ जीवा जे सत्तरसहिं भवग्गहणेहिं सिज्झि-
स्सन्ति बुज्झिस्सन्ति मुच्चिस्सन्ति परिनिव्वाइस्सन्ति सव्वदुक्खाणमंतं करिस्सन्ति
१८ । ॥ सूत्रं १७ ॥ अट्टारसविहे बंभे पन्नत्ते, तंजहा—ओरालिए कामभोगे
णेव सयं मणेणं सेवइ, नोऽवि अराणां मणेणां सेवावेइ, मणेणां सेवंतं पि
अराणां न समणुजाणाइ, ओरालिए कामभोगे णेव सयं वायाए सेवइ,
नोऽवि अराणां वायाए सेवावेइ, वायाए सेवंतंपि अराणां न समणुजाणाइ,
ओरालिए कामभोगे णेव सयं कायेणां सेवइ णोऽवि यज्जराणां काएणां सेवावेइ,
काएणां सेवंतंपि अराणां न समणुजाणाइ, दिव्वे कामभोगे णेव सयं मणेणां
सेवइ णोवि अराणां मणेणां सेवावेइ, मणेणां सेवंतंपि अराणां न समणुजाणाइ,
दिव्वे कामभोगे णेव सयं वायाए सेवइ, णोवि अराणां वायाए सेवावेइ,
वायाए सेवंतंपि अराणां न समणुजाणाइ, दिव्वे कामभोगे णेव सयं काएणां सेवइ,
णोवि अराणां काएणां सेवावेइ, काएणां सेवंतंपि अराणां न समणुजाणाइ १ ।
अरहतो णं अरिट्ठनेमिस्स अट्टारस समणसाहस्सीओ उक्कोसिया समणसंपया
होत्था २ । समणेणं भगवया महावीरेणं समणाणं णिग्गंथाणं सखुड्डय-
विअत्ताणं अट्टारस ठाणा पन्नत्ता, तंजहा—वयद्धक्कं ६ कायद्धक्कं १२,
अकण्णो १३ गिहिभायणं १४ । पलिक्कं १५ निसिज्जा १६ य, सिणाणं
१७ सोभवज्जणं १८ ॥ १ ॥ ३ । आयास्स णं भगवतो सच्चूलिआगस्स
अट्टारस पयसहस्साइं पयग्गेणां पन्नत्ताइ ४ । बंभीए णं लिवीए अट्टारसविहे
लेखविहाणे पन्नत्ते, तंजहा—बंभी जवणी(णा) लियादोसा ऊरिआ खरोट्ठिआ
खरसाविआ पहाराइया उच्चत्तरिआ अकखरपुट्ठिया भोगवयता वेणतिया
णिगहइया अंकलिवि गणिअलिवी गंधव्वलिवी भूयलिवि-आदंसलिवी
माहेसरीलिवी दामि(ली)लिवी- बोलिंदिलिवी ७ । अत्थिनत्थिप्पवायस्स
णं पुव्वस्स अट्टारस वत्थू पन्नत्तं, ८ । धूमप्पभाए णं पुढ्वीए अट्टारसुत्तरं

जोयणसयसहस्सं बाहल्लेरां पन्नत्तं १ । पोसासाढेसु रां मासेसु सइ उक्को-
 सेरां अट्टारसमुद्धत्ते दिवसे भवइ सइ उक्कोसेरां अट्टारसमुद्धत्ता राती भवइ,
 इमीसे रां रयणप्पभाए पुढवीए अत्थेगइयारां नेरइयारां अट्टारस पलिओ-
 वमाइं ठिई पन्नत्ता १० । छट्टिए पुढवीए अत्थेगइयारां नेरइयारां अट्टारस-
 सागरोवमाइं ठिई पन्नत्ता ११ । असुरकुमाराणां देवारां अत्थेगइयारां
 अट्टारस पलिओवमाइं ठिई पन्नत्ता १२ । सोहम्मीसाणेसु कप्पेसु अत्थेगइ-
 आरां देवारां अट्टारस पलिओवमाइं ठिई पन्नत्ता १३ । सहस्सारे कप्पे
 देवारां उक्कोसेरां अट्टारस सागरोवमाइं ठिई पन्नत्ता १४ । आणए कप्पे
 देवारां अत्थेगइयारां जहराणेरां अट्टारस सागरोवमाइं ठिई पन्नत्ता १५ ।
 जे देवा कालं सुकालं महाकालं अंजरां रिट्ठं सालं समाणां दुमं महादुमं
 विसालं सुसालं पउमं पउमगुम्मं कुमुदं कुमुदगुम्मं नलिणां नलिणागुम्मं
 पुंढरीअं पुंढरीयगुम्मं सहस्सारवडिसगं विमाणं देवत्ताए उववराणा तेसि
 णं देवाणां अट्टारस सागरोवमाइं ठिई पन्नत्ता, ते णं देवा णं अट्टारसेहिं
 अद्धमासेहिं आणमंति वा पाणमंति वा ऊससंति वा नीससंति वा, तेसि णं
 देवाणां अट्टारसवाससहस्सेहिं आहारट्ठे समुप्पज्जइ, संतेगइया भवसिद्धिया जे
 अट्टारसहिं भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइस्संति
 सव्वदुक्खाणमंतं करिस्संति १६ ॥ सूत्रं १८ ॥ एगूणवीसं गायज्झयणा
 पन्नत्ता, तंजहा-उक्खित्तणाए संघाडे, अंडे कुम्मे अ सेलए । तुंबे अ
 रोहिणी मल्ली, मागंदी चंदिमाति अ ॥ १ ॥ दावद्वे उदगणाए, मंडुक्के
 तेत्तली इअ । नंदिफले अवरकंका, आइराणे सुंसमा इअ ॥ २ ॥ अवरं अ
 पोराडरीए, णाए एगूणवीसमे १ । जंबूदीवे णं दीवे सूरिआ उक्कोसेरां एगू-
 णवीस जोयणसयाइं उट्ठमहो तवयंति, सुक्केणं महग्गहे अवरं उदिए समाणे
 एगूणवीसं णक्खत्ताइं समं चारं चरित्ता अवरं अत्थमणं उवागच्छइ २ । जंबुदी-
 वस्स णं दीवस्स कलाओ एगूणवीसं छेअणाओ पन्नत्ताओ ३ । एगूणवीसं

तिथयरा अगारवासमज्जे वसित्ता मुंढे भवित्ता णं अगाराओ
 अणगारिअं पव्वइआ ४ । इमीसे णं रयणप्पभाए पुढवीए अत्थेगइआणं
 नेरइआणं एगूणवीस पलिओवमाइं ठिई पन्नत्ता ५ । छट्ठीए पुढवीए
 अत्थेगइआणं नेरइयाणं एगूणवीससागरोवमाइं ठिई पन्नत्ता ६ । असुरकु-
 माराणं देवाणं अत्थेगइआणं एगूणवीसपलिओवमाइं ठिई पन्नत्ता ७ ।
 सोहम्मीसाणेसु कप्पेसु अत्थेगइयाणं देवाणं एगूणवीसं पलिओवमाइं ठिई
 पन्नत्ता ८ । आणयकप्पे अत्थेगइआणं देवाणं उक्कोसेणं एगूणवीससागरोवमाइं
 ठिई पन्नत्ता ९ । पाणए कप्पे अत्थेगइआणं देवाणं जहराणेणं एगूणवीस-
 सागरोवमाइं ठिई पन्नत्ता १० । जे देवा आणतं पाणतं णतं विणतं घणं
 सुसिरं इंदं इंदोकंतं इंदुत्तरवडिसगं विमाणं देवत्ताए उववराणा नेसि णं
 देवाणं उक्कोसेणं एगूणवीससागरोवमाइं ठिई पन्नत्ता, ते णं देवा एगूणवी-
 साए अद्धमासाणं आणमंति वा पाणमंति वा उस्ससंति वा नीससंति वा,
 तेसि णं देवाणं एगूणवीसाए वाससहस्सेहिं आहारट्ठे समुप्पज्जइ, संतेगइआ
 भवसिद्धिया जीवा जे एगूणवीसाए भवग्गहणेहिं सिज्झिस्संति बुज्झिस्संति
 मुच्चिस्संति परिनिव्वाइस्संति सव्वदुवखाणं अंतं करिस्संति ११
 ॥ सूत्रं १६ ॥ वीसं असमाहिठाणा पन्नत्ता, तंजहा—दवदवचारि यावि भवइ
 अपमज्जियचारि आवि भवइ दुप्पमज्जियचारि आवि भवइ अतिरित्तसज्जास-
 णिए रातिणिअपरिभासी थेरोवघाइए भूओवघाइए संजलगो कोहणो पिट्ठि-
 मंसिए अभिक्खणं (२) ओहारइत्ता भवइ णावाणं अधिकरणाणं अणुप्पराणाणं
 उप्पाएत्ता भवइ पोराणाणं अधिकरणाणं स्वामिअविउसविआणं पुणोदीरेत्ता
 भवइ ससरक्खपाणिपाए अकालसज्जायकारए यावि भवइ कलहकरे सहकरे
 भंभकरे सूरप्पमाणभोई एसणाज्जमिते आवि भवइ १ । मुणिसुव्वए णं
 अरहा वीसं धणूइं उट्ठं उच्चतेणं होत्था २ । सव्वेज्जि अ णं घणोदही वीसं
 जोयणसहस्साइं बाहल्लेणं पन्नत्तो ३ । पाणयस्स णं देविंदस्स देवरगणो

वीसं सामाणिअसाहस्सीओ पन्नत्ताओ ४ । णापुंसयवेयणिज्जस्स णं कम्मस्स वीसं सागरोवमकोडाकोडीओ बंधओ बंधठिई पन्नत्ता ५ । पच्चवखाणस्स णं पुव्वस्स वीसं वत्थू पन्नत्ता ६ । उस्सप्पिणिओसप्पिणिमंडले वीसं सागरोवमकोडाकोडीओ कालो पन्नत्तो ७ । इमीसे णं रयणप्पभाए पुढ्वीए अत्थेगइयाणं नेरइयाणं वीसं पलिओवमाइं ठिई पन्नत्ता ८ । छट्ठीए पुढ्वीए अत्थेगइयाणं नेरइयाणं वीसं सागरोवमाइं ठिई पन्नत्ता ९ । असुरकुमाराणं देवाणं अत्थेगइयाणं वीसं पलिओवमाइं ठिई पन्नत्ता १० । सोहम्मीसाणेसु कप्पेसु अत्थेगइयाणं देवाणं वीसं पलिओवमाइं ठिई पन्नत्ता ११ । पाणते कप्पे देवाणं उक्कोसेणं वीसं सागरोवमाइं ठिई पन्नत्ता १२ । आरणो कप्पे देवाणं जहराणेणं वीसं सागरोवमाइं ठिई पन्नत्ता १३ । जे देवा सायं विसायं सुविसायं सिद्धत्थं उप्पलं भित्तिलं तिगिच्छं दिसासोवत्थियं वद्धमाणयं पलंबं रुद्धं पुप्फं सुपुप्फं पुप्फावत्तं पुप्फपभं पुप्फकंतं पुप्फवराणं पुप्फलेसं पुप्फज्भयं पुप्फसिंगं पुप्फसिद्धं(ट्टं)पुप्फुत्तरवडिसगं विमाणं देवत्ताए उववराणा तेसि णं देवाणं उक्कोसेणं वीसं सागरोवमाइं ठिई पन्नत्ता, ते णं देवा वीसाए अद्धमासाणं आणमंति वा पाणमंति वा उस्ससंति वा नीससंति वा, तेसि णं देवाणं वीसाए वाससहस्सेहिं आहारट्टे समुप्पज्जइ, संतेगइआ भवसिद्धिआ जीवा जे वीसाए भवग्गहणेहिं सिज्झिस्संति बुज्झिस्संति मुच्चिस्संति परिणिव्वाइस्संति सब्बदुवखाणमंतं करिस्संति १४ ॥सूत्रं २०॥

एकवीसं सबला पराणत्ता, तंजहा-हत्थकम्मं करेमाणे सबले मेहुणं पडिसेवमाणे सबले, राइभोअणं भुंजमाणे सबले, आहाकम्मं भुंजमाणे सबले, सागारियं पिडं भुंजमाणे सबले, उद्देसियं कीयं आहट्टु दिज्जमाणं भुंजमाणे सबले, अभिक्खणं पडियाइक्खेत्ताणं भुंजमाणे सबले, अंतो छराहं मासाणं गणाओ गणं संकममाणे सबले, अंतो मासस्स तओ दगलेवे करेमाणे सबले, अंतो मासस्स तओ माईठाणे सेवमाणे सबले, रायपिडं

भुंजमाणो सबले, आउट्टिआए पाणाइवायं करेमाणो सबले, आउट्टिआए मुसायायं वदमाणो सबले, आउट्टिआए अदिगणादाणं गिरहमाणो सबले आउट्टिआए अणंतरहिआए पुढवीए ठाणं वा निसीहियं वा चेतेमाणो सबले, एवं आउट्टिआ चित्तमंताए पुढवीए एवं आउट्टिआ चित्तमंताए सिलाए कोलावासंसि वा दारुए ठाणं वा सिज्जं वा निसीहियं वा चेतेमाणो सबले, जीवपइट्टिए सपाणो सबीए सहरिए सउत्तिङ्गे पणागदगमट्टीमकडासंताणाए तहप्पगारे ठाणं वा सिज्जं वा निसीहियं वा चेतेमाणो सबले, आउट्टिआए मूलभोअरां वा कंदभोअरां वा त्याभोअरां वा पवालभोअरां वा पुप्फभोअरां वा फलभोअरां वा हरियभोअरां वा भुंजमाणो सबले, अंतो संवच्छरस्स दस दगलेवे करेमाणो सबले, अंतो संवच्छरस्स दस माइठाणाइ सेवमाणो सबले, अभिक्खणं (२) सीतोदयवियडवग्घारियपाणिणा असरां वा पारां वा खाइमं वा साइमं वा पडिगाहित्ता भुंजमाणो सबले १ । णिअट्टिवादरस्स रां खवितसत्तयस्स मोहणिज्जस्स कम्मस्स एकवीस कम्मसा संतकम्मा पन्नत्ता, तंजहा—अपच्चक्खाणकसाए कोहे, अपच्चक्खाणकसाए माणो, अपच्चक्खाणकसाया माया, अपच्चक्खाणकसाए लोभे, पच्चक्खाणावरणकसाए कोहे, पच्चक्खाणावरणकसाए माणो, पच्चक्खाणावरणकसाया माया, पच्चक्खाणावरणकसाए लोभे, संजलणो कोहे, संजलणो माणो, संजलणा माया, संजलणो लोहे, इत्थिवेदे, पुंवेदे, णपुंवेदे, हासे, अरति, रति भय, सोग, दुंगुद्धा २ । एकमेक्काए रां ओसप्पिणीए पंचमछट्ठाओ समाओ एकवीसं एकवीसं वाससहस्साइं कालेरां पन्नत्ताओ, तंजहा—दूसमा दूसमदूसमा ३ । एगमेगाए णं उस्सप्पिणीए पढमबित्तिआओ समाओ एकवीसं एकवीसं वाससहस्साइं कालेरां पन्नत्ताओ, तंजहा—दूसमदूसमाए दूसमाए य ४ । इमीसे रां रयणप्पभाए पुढवीए अत्थेगइयारां नेरइयारां एकवीसपलिओ-वमाइं ठिई पन्नत्ता ५ । छट्ठीए पुढवीए अत्थेगइयारां नेरइयारां एकवीस

सागरोवमाइं ठिई पन्नत्ता ६ । असुरकुमाराणां देवारां अत्थेगइयारां एगवी-
 सपलिओवमाइं ठिई पन्नत्ता ७ । सोहम्मीसाणोसु कप्पेसु अत्थेगइयारां
 देवाणां एकवीसं पलिओवमाइं ठिई पन्नत्ता ८ । आरणो कप्पे देवाणां
 उकोसेणं एकवीसं सागरोवमाइं ठिई पन्नत्ता ९ । अच्चुते कप्पे देवाणां
 जहराणोणां एकवीसं सागरोवमाइं ठिई पन्नत्ता १० । जे देवा सिरिवच्छं
 सिरिदामकंडं मल्लं किट्टं चावोराणतं अरराण(आरणा)वडिसगं विमाणं
 देवत्ताए उववराणा तेसि णं देवाणां एकवीसं सागरोवमाइं ठिई पन्नत्ता, ते
 णं देवा एकवीसाए अद्धमासाणं आणमंति वा पाणमंति वा उस्ससंति वा
 नीससंति वा, तेसि णं देवा एकवीसाए वाससहस्सोहिं आहारट्ठे समुप्पज्जइ,
 संतेगइया भवसिद्धिआ जीवा जे एकवीसाए भवग्गहणोहिं सिज्झिस्संति
 बुज्झिस्संति मुच्चिस्मंति परिनिव्वाइस्संति सब्बदुक्खाणमंतं करिस्संति ११ ।
 ॥ सूत्रं २१ ॥ बावीस परीसहा पन्नत्ता, तंजहा—दिगिगङ्गापरीसहे पिवासा-
 परीसहे सीतपरीसहे उमिणपरीसहे दंसमसगपरीसहे अचेत्तपरीसहे अरइ-
 परीसहे इत्थीपरीसहे चरिआपरीसहे निसीहियापरीसहे सिज्जापरीसहे
 अकोसपरीसहे वहपरीसहे जायणापरीसहे अलाभपरीसहे रोगपरीसहे तणा-
 फासपरीसहे जल्लपरीसहे सकारपुरकारपरीसहे पगणापरीसहे अराणाणपरीसहे
 दंसणपरीसहे १ । दिट्ठिवायस्स णां बावीसं सुत्ताइं छिन्नछेयणाइयाइं ससमय-
 सुत्तपरिवाडीए, बावीसं सुत्ताइं अछिन्नछेयणाइयाइं आजीवियसुत्तपरिवाडीए,
 बावीसं सुत्ताइं तिकणाइयाइं तेरासिअसुत्तपरिवाडीए, बावीसं सुत्ताइं चउक्क-
 णाइयाइं समयसुत्तपरिवाडीए २ । बावीसविहे पोग्गलपरिणामे पन्नत्ते,
 तंजहा—कालवराणपरिणामे, नीलवराणपरिणामे, लोहियवराणपरिणामे,
 हालिद्ववराणपरिणामे, सुक्खिलवराणपरिणामे, सुब्धिगंधपरिणामे, दुब्धिगंध-
 परिणामे, तित्तरसपरिणामे, कडुयरसपरिणामे, कसायरसपरिणामे, अंबिल-
 रसपरिणामे, महुररसपरिणामे, कक्खडफासपरिणामे, मउयफासपरिणामे,

गुरुफासपरिणामे, लहुफासपरिणामे, सीतफासपरिणामे, उसिणफासपरिणामे, णिद्धफासपरिणामे, लुक्खफासपरिणामे, अगुरुलहुफासपरिणामे, गुरुलहुफासपरिणामे ३ । इमीसे णं रयणप्पभाए पुढवीए अत्थेगइयाणां नेरइयाणां बावीसं पलिअोवमाइं ठिई पन्नत्ता ४ । छट्ठीए पुढवीए उक्कोसेणं बावीसं सागरोवमाइं ठिई पन्नत्ता ५ । अहेसत्तमाए पुढवीए अत्थेगइयाणां नेरइयाणां जहराणेणं बावीसं सागरोवमाइं ठिई पन्नत्ता ६ । असुरकुमाराणां देवाणां अत्थेगइयाणां बावीसं पलिअोवमाइं ठिई पन्नत्ता ७ । सोहम्मीसाणेसु कप्पेसु अत्थेगइयाणां देवाणां बावीसं पलिअोवमाइं ठिई पन्नत्ता ८ । अच्चुते कप्पे उक्कोसेणं देवाणां बावीसं सागरोवमाइं ठिई पन्नत्ता ९ । हेट्ठिमहेट्ठिमगेवेज्जगाणां देवाणां जहराणेणं बावीसं सागरोवमाइं ठिई पन्नत्ता १० । जे देवा महियं विसूहियं विमलं पभासं वणमालं अच्चुतवडिसंगं विमाणां देवत्ताए उववगणा तेषि णं देवाणां उक्कोसेणं बावीसं सागरोवमाइं ठिई पन्नत्ता, ते णं देवा णं बावीसाए अद्धमासएणं आणमंति वा पाणमंति वा उस्ससंति वा नीससंति वा, तेषि णं देवाणां बावीसं वाससहस्सेहिं आहारट्ठे समुप्पज्जइ, संतेगइया भवसिद्धिया जीवा जे बावीसं भवग्गहणेहिं सिज्झिस्संति बुज्झिस्संति मुच्चिस्संति परिनिब्बाइस्संति सब्बदुक्खाणमंतं करिस्संति ११ ॥ सूत्रं २२ ॥ तेवीसं सुयगडब्भयणा पन्नत्ता, तंजहा—समए वेतालिए उवसग्गपरिसणा थीपरिसणा नरयविभत्ती महावीरथुई कुसीलपरिभासिए विरिए धम्मे समाही मग्गे समोसरणे आहत्तहिए गंथे जमईए गाथा पुंढरीए किरियाठाणा आहारपरिसणा अपन्नक्खाणकिरिआ अणगा—रसुयं अदइज्जं णालंदइज्जं १ । जंबुद्दीवे णं दीवे भारहे वासे इमीसे णं ओसप्पिणीए तेवीसाए जिणाणां सूरुग्गमणमुहुत्तंसि केवलवरणादंसणे समुप्पराणे २ । जंबुद्दीवे णं दीवे इमीसे णं ओसप्पिणीए तेवीसं तित्थकरा पुब्बभवे एकारसंगिणो होत्था, तंजहा—अजित संभव अभिणंदण सुमई जाव

पासो वद्धमाणो य, उसभे गां अरहा कोसलिए चोदसपुव्वी होत्था ३ । जंबुद्वीवे गां दीवे इमीसे ओसप्पिणीए तेवीसं तित्थंकरा पुव्वभवे मंडलियरा-याणो होत्था, तंजहा—अजित संभव अभिगांदण जाव पासो वद्धमाणो य, उसभे गां अरहा कोसलिए पुव्वभवे चक्कवट्टी होत्था ४ । इमीसे गां रयणा-प्पभाए पुढवीए अत्थेगइयाणां नेरइयाणां तेवीसं पलिओवमाइं ठिई पन्नत्ता ५ । अहेसत्तमाए गां पुढवीए अत्थेगइयाणां नेरइयाणां तेवीसं सागरोवमाइं ठिई पन्नत्ता ६ । असुरकुमाराणां देवाणां अत्थेगइयाणां तेवीसं पलिओवमाइं ठिई पन्नत्ता ७ । सोहम्मीसाणाणां देवाणां अत्थेगइयाणां तेवीसं पलिओवमाइं ठिई पन्नत्ता ८ । हेट्ठिममज्झिमगेविज्जाराणां देवाणां जहराणोणां तेवीसं सागरो-वमाइं ठिई पन्नत्ता ९ । जे देवा हेट्ठिम(२)गेवेज्जयविमाणोसु देवत्ताए उव-वराणां तेसि गां देवाणां उक्कोसेणां तेवीसं सागरोवमाइं ठिई पन्नत्ता, ते गां देवा तेवीसाए अद्धमासाणां आणमंति वा पाणमंति वा ऊससंति वा नीससंति वा, तेसि गां देवाणां तेवीसाए वाससहस्सेहिं आहारट्ठे समुप्पज्जइ, संतेगइआ भवसिद्धिया जीवा जे तेवीसाए भवग्गहणोहिं सिज्झिस्संति बुज्झिस्संति मुच्चि-स्संति परिनिव्वाइस्संति सव्वदुक्खाणमंतं करिस्संति १० ॥ सूत्रं २३ ॥ चउव्वीसं देवाहिदेवा पन्नत्ता, तंजहा—उसभअजितसंभवअभिगांदण-सुमइपउम-प्पह-सुपासचंदप्पह-सुविधिसीअलसिज्जंसवासुप्पज्ज-विमलअणांतधम्मसंति-कुंथु-अरमल्लीमुणिसुव्वय-नमिनेमीपासवद्धमाणा १ । चुल्लहिमवंतसिहरीणां वास-हरपव्वयाणां जीवाओ चउव्वीसं चउव्वीसं जोयणासहस्साइं णववत्तीसे जोयणासए एगं अट्ठत्तीसइभागं जोयणास्स किंचिविसेसाहिआओ आयामेणां पन्नत्ताओ २ । चउवीसं देवठाणा सइंदया पन्नत्ता, सेसा अहमिंदा अनिंदा अपुरोहिआ ३ । उत्तरायणागते गां सूरिए चउवीसंगुलिए पोरिसीन्नायं णिव्वत्तइत्ता गां णिअट्ठति ४ । गंगासिंधूओ गां महाणादीओ पवांह साति-रेगेणां चउवीसं कोसे वित्थारेणां पन्नत्ताओ ५ । रत्तारत्तवत्तीओ गां महाणादीओ

पवाहे सातिरेगे चउवीसं कोसे वित्थारेणं पन्नत्ताओ ६ । इमीसे णं रयणप्पभाए पुढवीए अत्थेगइयाणं नेरइयाणं चउवीसं पलिओवमाइं ठिई पन्नत्ता ७ । अहेसत्तमाए पुढवीए अत्थेगइयाणं नेरइयाणं चउवीसं सागरोवमाइं ठिई पन्नत्ता ८ । असुरकुमाराणं देवाणं अत्थेगइयाणं चउवीसं पलिओवमाइं ठिई पन्नत्ता ९ । सोहम्मीसाणे णं देवाणं अत्थेगइयाणं चउवीसं पलिओवमाइं ठिई पन्नत्ता १० । हेट्ठिमउवरिमगेवेज्जाणं देवाणं जहराणेणं चउवीसं सागरोवमाइं ठिई पन्नत्ता ११ । जे देवा हेट्ठिममज्झिमगेवेज्जयविमाणेसु देवत्ताए उववरणा तेसि णं देवाणं उक्कोसेणं चउवीसं सागरोवमाइं ठिई पन्नत्ता, ते णं देवा चउवीसाए अद्धमासाणं आणमंति वा पाणमंति वा ऊससंति वा णीससंति वा, तेसि णं देवाणं चउवीसाए वाससहस्सेहिं आहारट्ठे समुप्पज्जइ, संतेगइया भवसिद्धिया जीवा जे चउवीसाए भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइस्संति सब्बदुक्खाणमंतं करिस्संति १२ ॥सूत्रं २४॥

पुरिमपच्छिमगाणं तित्थगराणं पंचजामस्स पणवीसं भावणाओ पराणत्ताओ, तंजहा—ईरिआसमिई मणगुत्ती वयगुत्ती आलोयभायणभोयणं आदाणभंडमत्तनिक्खेवणासमिई ५ अणुवीतिभासणाया कोहविवेगे लोभविवेगे भयविवेगे हासविवेगे ५ उग्गहअणुणवणाया उग्गहसीमजाणणाया सयमेव उग्गहं अणुगिरहणाया साहम्मियउग्गहं अणुणविय परिभुंजणाया साहारणभत्तपाणं अणुणविय पडिभुंजणाया ५ इत्थीपसुपंडगसंसत्तगसयणासणवज्जणाया इत्थीकहविवज्जणाया इत्थीणं इंदियाणमालोयणवज्जणाया पुव्वरयपुव्वकीलिआणं अणुणसरणाया पणीताहारविवज्जणाया ५ सोइंदियरागोवरई चक्खिंदियरागोवरई घाणिंदियरागोवरई जिब्भिंदियरागोवरई फासिंदियरागोवरई ५, १ । मल्ली णं अरहा पणवीसं धणु उट्ठं उच्चत्तेणं होत्था २ । सब्बेऽविदीहवेयड्ढपव्वया पणवीसं जोयणाणि उट्ठं उच्चत्तेणं पन्नत्ता, पणवीसं पणवीसं गाऊआणि उव्विद्धेणं पन्नत्ता ३ । दोच्चाए णं पुढवीए पणवीसं गिरयावा-

ससयसहस्रा पन्नत्ता ४ । आयास्स गां भगवत्तो सच्चूलिआयस्स पणावीसं
 अज्झयणा पन्नत्ता, तंजहा—सत्थपरिणणा लोगविजत्तो सीओसणीअ सम्मत्तं ।
 आवंति धुयविमोह उवहाणसुयं महपरिणणा ॥ १ ॥ पिंडेसण सिज्जिरिआ
 भासज्झयणा य वत्थ पाएसा । उग्गहपडिमा सत्तिकसत्तया भावणा विमुत्ती
 ॥ २ ॥ निसीहज्झयणं पणावीसइमं ५ । मिच्छादिट्ठिविगलिंदिए गां अपज्ज-
 त्तए गां संकिलिट्ठपरिणामे णामस्स कम्मस्स पणावीसं उत्तरपयडीओ णिबंघति,
 तंजहा—तिरियगतिनामं, विगलिंदियजातिनामं, ओरालिअसरीरणामं, तेअग-
 सरीरणामं, कम्मणसरीरनामं, हुंडगसंठाणनामं, ओरालिअसरीरंगोवंगणामं,
 छेवट्ठसंययणनामं, वराणनामं, गंधणामं, रसणामं, फासणामं, तिरिआणुपुव्वि-
 नामं, अगुरुलहुनामं, उवघायनामं, तसनामं, बादरणामं, अपज्जत्तयणामं,
 पत्तेयसरीरणामं, अथिरणामं, असुभणामं, दुभगणामं, अणादेज्जनामं,
 अजसोकित्तिनामं, निम्माणनामं २५, ६ । गंगासिंधूओ गां महाणदीओ
 पणावीसं गाऊयाणि पुहुत्तेणं दुहओ घडमुहपवित्तिणं मुत्तावलिहारसंठिएण
 पवातेणं पडंति ७ । रत्तारत्तवईओ गां महाणदीओ पणावीसं गाऊयाणि
 पुहुत्तेणं मकरमुहपवित्तिणं मुत्तावलिहारसंठिएणं पवातेणं पडंति ८ ।
 लोगविंदुसारस्स गां पुव्वस्स पणावीसं वत्थू पन्नत्ता ९ । इमीसे गां रयणप्प-
 भाए पुढवीए अत्थेगइयाणं नेरइयाणं पणावीसं पलिओवमाइं ठिई पन्नत्ता
 १० । अहेसत्तमाए पुढवीए अत्थेगइयाणं नेरइयाणं पणावीसं सागरोवमाइं
 ठिई पन्नत्ता ११ । असुरकुमाराणं देवाणं अत्थेगइयाणं पणावीसं पलिओव-
 माइं ठिई पन्नत्ता १२ । सोहम्मीसाणे गां देवाणं अत्थेगइयाणं पणावीसं
 पलिओवमाइं ठिई पन्नत्ता १३ । मज्झिमहेट्ठिमगेवेज्जाणं देवाणं जहगणेणं
 पणावीसं सागरोवमाइं ठिई पन्नत्ता १४ । जे देवा हेट्ठिमउवरिमगेवेज्जगविमा-
 णोसु देवत्ताए उववराणा तेसि गां देवाणं उक्कोसेणं पणावीसं सागरोवमाइं
 ठिई पन्नत्ता, ते गां देवा पणावीसाए अद्धमासेहिं आणमंति वा पाणमंति वा

उस्ससंति वा नीस्ससंति वा, तेसि णं देवाणं पणवीसं वाससहस्सेहिं आहारट्ठे समुप्पज्जइ, संतेगइया भवसिद्धिया जीवा जे पणवीसाए भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइस्संति सव्वदुक्खाणमंतं करिस्संति १५ ॥ सूत्रं २५ ॥

छव्वीसं दसकप्पववहाराणं उद्देसणकाला पन्नत्ता, तंजहा—दस दसाणं छ कप्पस्स दस ववहारस्स १ । अभवसिद्धियाणं जीवाणं मोहणिज्जस्स कम्मस्स छव्वीसं कम्मंसा संतकम्मा पन्नत्ता, तंजहा—मिच्छत्तमोह-णिज्जं सोलस कसाया, इत्थीवेदे पुरिसवेदे नपुंसकवेदे, हासं अरति रति भयं सोगं दुगुंछा २ । इमीसे णं रयणप्पभाए पुढवीए अत्थेगइयाणं नेरइयाणं छव्वीसं पलिओवमाइं ठिई पन्नत्ता ३ । अहेसत्तमाए पुढवीए अत्थेगइयाणं नेरइयाणं छव्वीसं सागरोवमाइं ठिई पन्नत्ता ४ । असुरकुमाराणं देवाणं अत्थेगइयाणं छव्वीसं पलिओवमाइं ठिई पन्नत्ता ५ । सोहम्मीसाणे णं देवाणं अत्थेगइयाणं छव्वीसं पलिओवमाइं ठिई पन्नत्ता ६ । मज्झिममज्झिमगेवेज्जयाणं देवाणं जहराणेणं छव्वीसं सागरोवमाइं ठिई पन्नत्ता ७ । जे देवा मज्झिमहेट्ठिमगेवेज्जयविमाणेसु देवत्ताए उववराणा तेसि णं देवाणं उक्कोसेणं छव्वीसं सागरोवमाइं ठिई पन्नत्ता, ते णं देवा छव्वीसाए अद्धमासेहिं आणमंति वा पाणमंति वा ऊससंति वा नीससंति वा, तेसि णं देवाणं छव्वीसं वाससहस्सेहिं आहारट्ठे समुप्पज्जइ, संतेगइया भवसिद्धिया जीवा जे छव्वीसेहिं भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइस्संति सव्वदुक्खाणमंतं करिस्संति ८ ॥ सूत्रं २६ ॥ सत्तावीसं अणगारगुणा पन्नत्ता, तंजहा—पाणाइवायाओ वेरमाणं, मुसावायाओ वेरमाणं, अदिन्नादाणाओ वेरमाणं, मेहुणाओ वेरमाणं, परिग्गहाओ वेरमाणं, सोइदियनिग्गहे, चक्खिंदियनिग्गहे, घाणिंदियनिग्गहे, जिह्मिंदियनिग्गहे, फासिंदियनिग्गहे, कोहविवेगे माणविवेगे मायाविवेगे लोभविवेगे, भावसच्चे करणसच्चे

जोगसच्चे, खमा, विरागया, मणसमा(समन्ना)हरणया वयसमाहरणया
 कायसमाहरणया, गाणसंपराणया दंसणसंपराणया चरित्तसंपराणया, वेयण-
 अहियासणया मारणंतियअहियासणया १ । जंबुदीवे दीवे अभिइवज्जेहिं
 सत्तावीसाए णक्खत्तेहिं संववहारे वट्टति २ । एगमेगे णं णक्खत्तमासे
 सत्तावीसाहिं राइंदियाहिं राइंदियग्गेणं पन्नत्ते ३ । सोहम्मीसाणोसु कप्पेसु
 विमाणपुढवी सत्तावीसं जोयणसयाइं बाहल्लेणं पन्नत्ता ४ । वेयगसम्मत्तबन्धो-
 वस्यस्स णं मोहणिज्जस्स कम्मस्स सत्तावीसं उत्तरपगडीओ संतकम्मंसा
 पन्नत्ता ५ । सावणसुद्धसत्तमीसु णं सूरिए सत्तावीसंगुलियं पोरिसिच्छायं
 णिव्वत्तइत्ता णं दिवसखेत्तं नियट्टेमाणे रयणिखेत्तं अभिणिवट्टमाणे चारं
 चरइ ६ । इमीसे णं रयणप्पभाए पुढवीए अत्थेगइयाणं नेरइयाणं सत्तावीसं
 पल्लिओवमाइं ठिई पन्नत्ता ७ । अहेसत्तमाए पुढवीए अत्थेगइयाणं नेरइयाणं
 सत्तावीसं सागरोवमाइं ठिई पन्नत्ता ८ । असुरकुमाराणं देवाणं अत्थेगइयाणं
 सत्तावीसं पल्लिओवमाइं ठिई पन्नत्ता ९ । सोहम्मीसाणोसु कप्पेसु अत्थेगइ-
 याणं देवाणं सत्तावीसं पल्लिओवमाइं ठिई पन्नत्ता १० । मज्झिमउववरिमगे-
 वेज्जयाणं देवाणं जहणोणं सत्तावीसं सागरोवमाइं ठिई पन्नत्ता ११ । जे
 देवा मज्झिमगेवेज्जयविमाणोसु देवत्ताए उववराणा तेसि णं देवाणं उक्कोसेणं
 सत्तावीसं सागरोवमाइं ठिई पन्नत्ता, ते णं देवा सत्तावीसाए अद्धमासेहिं
 आणमंति वा पाणमंति वा उस्ससंति वा नीससंति वा, तेसि णं देवाणं
 सत्तावीस-वाससहस्सेहिं आहारट्टे समुप्पज्जइ, संतेगइया भवसिद्धिया जीवा
 जे सत्तावीसाए भवग्गहणेहिं सिज्झिस्संति बुज्झिस्संति मुच्चिस्संति परिनि-
 व्वाइस्संति सब्बदुक्खाणमंतं करिस्संति १२ ॥ सूत्रं २७ ॥ अट्ठावीसविहे
 आयारपकप्पे पन्नत्ते, तंजहा—मासिआ आरोवणा, सपंचराईमासिया आरोवणा,
 सदसराइमासिआ आरोवणा, सपंचदसराइमासिया आरोवणा, सबीसराइमासिया
 आरोवणा, सपंचवीसराइमासिया आरोवणा ६, एवं चेव दोमासिआ आरो-

वणा, सपंचराईदोमासिया आरोवणा ६, एवं तिमासिआ आरोवणा ६, चउमासिया आरोवणा ६, २४, उवघा(ग्घा)इया आरोवणा, अणुवघा(ग्घा)-इया आरोवणा, कसिणा आरोवणा, अकसिणा आरोवणा २८, एतावता आयारपकप्पे एतावता व आयरियव्वे १ । भवसिद्धियाणां जीवारां अत्थेग-इयाणां मोहणिज्जस्स कम्मस्स अट्ठावीसं कम्मंसा संतकम्मा पन्नत्ता, तंजहा-सम्मत्तवेअणिज्जं मिच्छत्तवेयणिज्जं सम्ममिच्छत्तवेयणिज्जं सोलस कसाया णव णोकसाया २ । आभिणिबोहियणाणे अट्ठावीसइविहे पन्नत्ते, तंजहा-सोइंदियअत्थावग्गहे चक्खिंदियअत्थावग्गहे घाणिंदियअत्थावग्गहे जिब्भि-दियअत्थावग्गहे फासिंदियअत्थावग्गहे णोइंदियअत्थावग्गहे, सोइंदियवज्ज-णोग्गहे घाणिंदियवज्जणोग्गहे जिब्भिदियवज्जणोग्गहे फासिंदियवज्जणोग्गहे, सोतिंदियईहा चक्खिंदियईहा घाणिंदियईहा जिब्भिदियईहा फासिंदियईहा णोइंदियईहा, सोतिंदियावाए चक्खिंदियावाए घाणिंदियावाए जिब्भिदियावाए फासिंदियावाए णोइंदियावाए, सोइंदियधारणा चक्खिंदियधारणा घाणिंदिय-धारणा जिब्भिदियधारणा फासिंदियधारणा णोइंदियधारणा ३ । ईसाणे णं कप्पे अट्ठावीसं विमाणावाससयसहस्सा पन्नत्ता ४ । जीवे णं देवगइम्मि बंधमाणे नामस्स कम्मस्स अट्ठावीसं उत्तरपगडीओ णिबंधति, तंजहा-देवगतिनामं पंचिंदिय-जातिनामं वेउव्वियसरीरनामं तेयगसरीरनामं कम्मणसरीरनामं समचउरंसं ठाण्णामं वेउव्वियसरीरंगोवंगणामं वराण्णामं गंधणामं रसणामं फासनामं देवाणुपुव्विणामं अगुरुल्लहुनामं उवघायनामं पराघायनामं उस्सासनामं पसत्थविहायोगइणामं तसनामं बायरणामं पज्जत्तनामं पत्तेयसरीरनामं थिरा-थिराणं सुभासुभाणं आएजाणाएजाणं दोरहं अराणयरं एगं नामं णिबंधइ जसोकित्तिनामं निम्माणनामं, एवं चेव नेरइआवि, णाणत्तं अप्पसत्थविहायो-गइणामं हुंडगसंठाण्णामं अथिरणामं दुब्भगणामं असुभनामं दुस्सरनामं अणादिज्जणामं अजसोकित्तीणामं निम्माणनामं ५ । इमीसे णं रयणप्पभाए

पुढवीए अत्थेगइयाणं नेरइयाणं अट्टावीसं पलिओवमाइं ठिई पन्नत्ता ६ ।
 अहे सत्तमाए पुढवीए अत्थेगइयाणं नेरइयाणं अट्टावीसं सागरोवमाइं ठिई
 पन्नत्ता ७ । असुरकुमाराणं देवाणं अत्थेगइयाणं अट्टावीसं पलिओवमाइं
 ठिई पन्नत्ता ८ । सोहम्मीसाणेसु कप्पेसु देवाणं अत्थेगइयाणं अट्टावीसं
 पलिओवमाइं ठिई पन्नत्ता ९ । उवरिमहेट्टिमगेवेज्जयाणं देवाणं जहराणेणं
 अट्टावीसं सागरोवमाइं ठिई पन्नत्ता १० । जे देवा मज्झिमउवरिमगेवेज्जएसु
 विमाणेसु देवत्ताए उववराणा तेषि णं देवाणं उक्कोसेणं अट्टावीसं सागरोव-
 माइं ठिई पन्नत्ता, ते णं देवा अट्टावीसाए अद्धमासेहिं आणमंति वा पाणमंति
 वा ऊससंति वा नीससंति वा, तेषि णं देवाणं अट्टावीसाए वाससहस्सेहिं
 आहारट्टे समुप्पज्जइ, संतेगइया भवसिद्धिया जीवा जे अट्टावीसाए भवग्ग-
 हणेहिं सिज्झिस्संति बुज्झिस्संति मुच्चिस्संति परिनिव्वाइस्संति सव्वदुक्खाण-
 मंत करिस्संति ११ ॥ २८ ॥ एगूणतीसइविहे पावसुयपसंगे णं पन्नत्ते,
 तंजहा-भोमे उप्पाए सुमिणे अंतरिक्खे अंगे सरे वंजणे लक्खणे, भोमे
 तिविहे पन्नत्ते, तंजहा-सुत्ते वित्ती वत्तिए, एवं एककेवकं तिविहं, २४,
 विकहाणुजोगे विजाणुजोगे मंताणुजोगे जोगाणुजोगे अराणतिथियपवत्ता-
 णुजोगे २५, १ । आसाढे णं मासे एगूणतीसराइंदिंआइं राइंदियग्गेणं पन्नत्ते
 २ । एवं चेव भइवए णं मासे कत्तिए णं मासे पोसे णं मासे फग्गुणे णं मासे
 वइसाहे णं मासे ३ । चंददिणे णं एगूणतीसं मुहुत्ते सातिरेगे मुहुत्तग्गेणं
 पन्नत्ते ४ । जीवे णं पसत्थज्झवसाणजुत्ते भविए सम्मदिट्ठी तित्थकरनामस-
 हिआओ णामस्स णियमा एगूणतीसं उत्तरपगडीओ निबंघित्ता वेमाणिएसु
 देवेषु देवत्ताए उववज्जइ ५ । इमीसे णं रयणप्पभाए पुढवीए अत्थेगइयाणं
 नेरइयाणं एगूणतीसं पलिओवमाइं ठिई पन्नत्ता ६ । अहे सत्तमाए पुढवीए
 अत्थेगइयाणं नेरइयाणं एगूणतीसं सागरोवमाइं ठिई पन्नत्ता ७ । असुर-
 कुमाराणं देवाणं अत्थेगइयाणं एगूणतीसं पलिओवमाइं ठिई पन्नत्ता ८ ।

सोहम्मीसाणोसु कप्पेसु देवारां अत्थेगइयारां एगूणतीसं पलिओवमाइं ठिई पन्नत्ता ९ । उवरिममज्झिमगेवेज्जयारां देवारां जहराणोरां एगूणतीसं सागरो-
वमाइं ठिई पन्नत्ता १० । जे देवा उवरिमहेट्ठिमगेवेज्जयविमाणोसु देवत्ताए
उववराणां तेसि णं देवाणां उक्कोसेणां एगूणतीसं सागरोवमाइं ठिई पन्नत्ता,
ते णं देवा एगूणतीसाए अद्धमासेहिं आणमंति वा पाणमंति वा ऊससंति
वा नीससंति वा, तेसि णं देवाणां एगूणतीसं वाससहस्सेहिं आहारट्ठे समु-
प्पज्जइ, संतेगइया भवसिद्धिया जीवा जे एगूणतीस-भवग्गहणेहिं सिज्झिस्संति
बुज्झिस्संति मुच्चिस्संति परिनिव्वाइस्संति सब्बदुवखाणमंतं करिस्संति ११

॥ सूत्रं २१ ॥

तीसं मोहणीयठाणा पन्नत्ता, तंजहा-जे यावि तसे पाणे, वारिमज्जे
विगाहिआ । उदएण कम्मा मारेई, महामोहं पकुव्वइ १ ॥ १ ॥ सीसावेडेण
जे केई, आवेडेइ अभिक्खणां । तिब्बासुभसमायारे, महामोहं पकुव्वइ २ ॥ २ ॥
पाणिणा संपिहित्ताणां, सोयमावरिय पाणिणां । अंतोनदंतं मारेई, महामोहं
पकुव्वइ ३ ॥ ३ ॥ जायतेयं समारब्भ, बहूँ ओरुंभिया जरां । अंतोधूमेण
मारेई(जा), महामोहं पकुव्वइ ४ ॥ ४ ॥ सिस्सम्मि जे पहणाइ, उत्तमंगम्मि
चेयसा । विभज्ज मत्थयं फाले, महामोहं पकुव्वइ ५ ॥ ५ ॥ पुणो पुणो
पणिधिए, हरित्ता उवहसे जरां । फलेणां अदुवा दग्गहेणां, महामोहं पकुव्वइ
६ ॥ ६ ॥ गूढायारी निगूहिज्जा, मायं मायाएँ द्वायए । असच्चवाई णिराहाई,
महामोहं पकुव्वइ ७ ॥ ७ ॥ धंसेइ जो अभूएणां, अकम्मं अत्तकम्मुणा ।
अदुवा तुम कासित्ति, महामोहं पकुव्वइ ८ ॥ ८ ॥ जाणमाणो परिसओ,
सच्चामोसाणि भासइ । अक्खीणभंभे पुरिसे, महामोहं पकुव्वइ ९ ॥ ९ ॥
अणायगस्स नयवं, दारे तस्सेव धंसिया । विउलं विक्खोभइत्ताणां, किच्चा णं
पडिच्चाहिरं ॥ १० ॥ उवगसंतं पि भंपित्ता, पडिलोमाहिं वग्गुहिं । भोगभोगे
वियारेई, महामोहं पकुव्वइ १० ॥ ११ ॥ अकुमारभूए जे केई, कुमारभूए-

त्तिऽहं वए । इत्थीहिं गिद्धे वसए, महामोहं पकुव्वइ ११ ॥ १२ ॥ अबंभ-
 यारी जे केई, बंभयारीत्तिऽहं वए । गहहेव्व गवां मज्जे, विस्सरं नयई नदं
 ॥ १३ ॥ अप्पणो अहिए बाले, मायामोसं बहुं भसे । इत्थीविसयगेहीए,
 महामोहं पकुव्वइ १२ ॥ १४ ॥ जं निस्सिए उव्वहइ, जससाहिगमेण वा ।
 तस्स लुब्भइ वित्तम्मि, महामोहं पकुव्वइ १३ ॥ १५ ॥ ईसरेणं अदुवा
 गामेणं, अणिसरे ईसरीकए । तस्स संपयहीणस्स, सिरी अतुलमागया
 ॥ १६ ॥ ईसादोसेण आविट्ठे, कलुसाऽऽविलचेयसे । जे अंतराअं चेएइ,
 महामोहं पकुव्वइ १४ ॥ १७ ॥ सप्पी जहा अंडउडं, भत्तारं जो विहिंसइ ।
 सेणावइं पसत्थारं, महामोहं पकुव्वइ १५ ॥ १८ ॥ जे नायगं च रट्टस्स,
 नेयारं निगमस्स वा । सेट्ठिं बहुरवं हंता, महामोहं पकुव्वइ १६ ॥ १९ ॥
 बहुजणस्स गोयारं, दीवं ताणं च पाणिणं । एयारिसं नरं हंता, महामोहं
 पकुव्वइ १७ ॥ २० ॥ उवट्ठियं पडिविरयं, संजयं सुतवस्सियं (जे भिक्खुं-
 जगजीवणं) । बुक्कम्म धम्माओ भंसेइ, महामोहं पकुव्वइ १८ ॥ २१ ॥
 तहेवाणंतणाणीणं, जिणाणं वरदंसिणं । तेसिं अवरणावं बाले, महामोहं
 पकुव्वइ १९ ॥ २२ ॥ नेयाइअस्स मग्गस्स, दुट्ठे अवय(ह)रई बहुं । तं
 तिप्पयंतो भावेइ, महामोहं पकुव्वइ २० ॥ २३ ॥ आयरियउवज्झाएहिं, सुयं
 विणयं च गाहिए । ते चेव खिंसई बाले, महामोहं पकुव्वइ २१ ॥ २४ ॥
 आयरियउवज्झायाणं, सम्मं नो पडितप्पइ । अप्पडिप्पयए थद्धे, महामोहं
 पकुव्वइ २२ ॥ २५ ॥ अबहुस्सुए य जे केई, सुएणं पविकत्थई । सज्झा-
 यवायं वयइ, महामोहं पकुव्वइ २३ ॥ २६ ॥ अतवस्सीए य जे केई, तवेण
 पविकत्थइ । सव्वलोयपरे तेणे, महामोहं पकुव्वइ २४ ॥ २७ ॥ साहारणाट्ठा
 जे केई, गिलाणम्मि उवट्ठिए । पभू ण कुणई किच्चं, मज्झं पि से न कुव्वइ
 ॥ २८ ॥ सट्ठे नियडीपराणाणे, कलुसाउलचेयसे । अप्पणो य अबोहीय,
 महामोहं पकुव्वइ २५ ॥ २९ ॥ जे कहाहिगरणाइं, संपउंजे पुणो पुणो ।

सव्वतित्थाण भेयाणां, महामोहं पकुव्वइ २६ ॥ ३० ॥ जे अ आहम्मिए
जोए, संपञ्चोजे पुणो पुणो । सहाहेउं सहीहेउं, महामोहं पकुव्वइ २७
॥ ३१ ॥ जे अ माणुस्सए भोए, अदुवा पारलोइए । तेऽतिप्पयंतो आसयइ,
महामोहं पकुव्वइ २८ ॥ ३२ ॥ इट्ठी जुई जसो वराणो, देवाणां बलवीरियं ।
तेसिं अवराणवं बाले, महामोहं पकुव्वइ २९ ॥ ३३ ॥ अपस्समाणो
पस्सामि, देवे जक्खे य गुज्झगे । अराणाणी जिणूपयट्ठी, महामोहं पकुव्वइ
३० ॥ ३४ ॥ १ । थेरे णां मंडियपुत्ते तीसं वासाइं सामराणपरियाइं
पाउणित्ता सिद्धे बुद्धे जाव सव्वदुक्खप्पहीणो २ । एगमेगे णां अहोरत्ते
तीसमुट्ठत्ते मुट्ठत्तगेणं पन्नत्ता ३ । एएसि णां तीसाए मुट्ठत्ताणं तीसं नामधेज्जा
पन्नत्ता, तंजहा-रोहो सत्ते मित्ते वाऊ सुपीए ५ अभिचंदे माहिंदे पलंबे बंभे
सच्चे १० आणांदे विजए विस्ससेणो पायावच्चे उवसमे १५ ईसाणो तट्ठे
भाविअप्पा वेसमणो वरुणो २० सतरिसभे गंधव्वे अग्गिवेसायणो आतबे
आवत्ते २५ तट्ठवे भूमहे रिसभे सव्वट्ठसिद्धे रक्खसे ३०, ४ । अरे णां
अरहा तीसं धणुइं उट्ठं उच्चत्तेणं होत्था ५ । सहस्सारस्स णां देविंदस्स देव-
राणो तीसं सामाणियसाहस्सीओ पन्नत्ताओ ६ । पासे णां अरहा तीसं
वासाइं अगारवासमज्जे वसित्ता अगाराओ अणगारियं पव्वइए ७ । समणो
भगवं महावीरे तीसं वासाइं अगारवासमज्जे वसित्ता अगाराओ अणगारियं
पव्वइए ८ । रयणप्पभाए णां पुट्ठीए तीसं निरयावाससयसहस्सा पन्नत्ता ९ ।
इमीसे णां रयणप्पभाए पुट्ठीए अत्थेगइयाणं नेरइयाणं तीसं पलिओवमाइं
ठिई पन्नत्ता १० । अहेसत्तमाए पुट्ठीए अत्थेगइयाणं नेरइयाणं तीसं सागरो-
वमाइं ठिई पन्नत्ता ११ । असुरकुमाराणं देवाणं अत्थेगइयाणं तीसं पलिओ-
वमाइं ठिई पन्नत्ता १२ । उवरिमउवरिमगेवेज्जयाणं देवाणं जहराणोणं तीसं
सागरोवमाइं ठिई पन्नत्ता १३ । जे देवा उवरिममज्झिमगेवेज्जएसु विमाणेसु
देवत्ताए उववराणा तेसिं णां देवाणं उक्कोसेणं तीसं सागरोवमाइं ठिई पन्नत्ता,

ते णं देवा तीसाए अद्धमासेहिं आणमंति वा पाणमंति वा उस्ससंति वा
नीससंति वा, तेसि णं देवाणं तीसाए वाससहस्सेहिं आहारट्ठे समुप्पज्जइ,
संतेगइया भवसिद्धिया जीवा जे तीसाए भवग्गहणेहिं सिज्झिस्संति बुज्झि-
स्संति मुच्चिस्संति परिनिब्बाइस्संति सब्बदुक्खाणमंतं करिस्संति १४
॥ सूत्रं ३० ॥

एकतीसं सिद्धाङ्गुणा पन्नत्ता, तंजहा-खीणे अभिणिबोहियणाणा-
वरणे, खीणे सुयणाणावरणे, खीणे ओहिणाणावरणे, खीणे मणपज्जवणा-
णावरणे, खीणे केवलणाणावरणे ५ खीणे चक्खुदंसणावरणे, खीणे
अचक्खुदंसणावरणे, खीणे ओहिदंसणावरणे, खीणे केवलदंसणावरणे
खीणा(णे) निहा, खीणे णिहाणिहा, खीणे पयला, खीणे पयलापयला,
खीणे थीणद्धी १४ खीणे सायावेयणिज्जे, खीणे असायावेयणिज्जे
१६ खीणे दंसणमोहणिज्जे, खीणे चरित्तमोहणिज्जे १८ खीणे नेरइ-
आउए, खीणे तिरिआउए २० खीणे मणुस्साउए, खीणे देवाउए २२
खीणे उच्चागोए, खीणे निच्चागोए २४ खीणे सुभणामे, खीणे असुभणामे
२६ खीणे दाणंतराए, खीणे, लाभंतराए, खीणे भोगंतराए, खीणे उव-
भगंतराए, खीणे वीरिअंतराए ३१, १ । मंदरे णं पव्वए धरणि तले एकतीसं
जोयणसहस्साइं छच्चेव तेवीसं जोयणसए किंचिदेसूणा परिवस्सेवेणं पन्नत्ते,
२ । जया णं सूरिए सब्बवाहिरियं मंडलं उवसंकमित्ता चारं चरइ तथा णं
इहगयस्स मणुस्सस्स एकतीसाए जोयणसहस्सेहिं अट्ठहि अ एकतीसेहिं
जोयणसएहिं तीसाए सट्ठिभागे जोयणस्स सूरिए चक्खुप्फासं हव्वमागच्छइ
३ । अभिवट्ठिए णं मासे एकतीसं सातिरेगाइं राइंदियाइं राइंदियग्गेणं
पन्नत्ते ४ । आइच्चे णं मासे एकतीसं राइंदियाइं किंचि विसेसूणाइं राइं-
दियग्गेणं पन्नत्ते ५ । इमीसे णं रयणप्पमाए पुढवीए अत्थेगइयाणं नेरइयाणं
एकतीसं पलिओवमाइं ठिई पन्नत्ता ६ । अहेसत्तमाए पुढवीए अत्थेगइयाणं

नेरइयाणं एकतीसं सागरोवमाइं ठिई पन्नत्ता ७ । असुरकुमाराणां देवाणां
 अत्थेइयाणं एकतीसं पलिओवमाइं ठिई पन्नत्ता ८ । सोहम्भीसाणोसु कप्पेसु
 अत्थेगइयाणं देवाणां एकतीसं पलिओमाइं ठिई पन्नत्ता ९ । विजयवेजयंत-
 जयंतअपराजिआणां देवाणां जहराणोणं एकतीसं पलिओवमाइं ठिई पन्नत्ता १० ।
 जे देवा उवरिमउवरिमगेवेजयविमाराणोसु देवत्ताए उववराणा तेसि णां
 देवाणां उक्कोसेणां एकतीसं सागरोवमाइं ठिई पन्नत्ता, ते णां देवा एकतीसाए
 अद्धमासेहिं आणमंति वा पाणमंति वा उस्ससंति वा निस्ससंति वा, तेसि
 णां देवाणां एकतीसं वाससहस्सेहिं आहारट्ठे समुप्पज्जइ, संतेगइयाणं
 भवसिद्धिया जीवा जे एकतीसेहिं भवग्गहणोहिं सिज्झिस्संति बुज्झिस्संति
 मुच्चिस्संति परिनिव्वाइस्संति सब्बदुक्खाणमंतं करिस्संति ११ । सूत्रं ३१ ॥
 बत्तीसं जोगसंगहा पन्नत्ता, तंजहा—आलोयणा १ निरवलावे २, आवईसु
 दढधम्मया ३ । अणिसिओवहाणे ४ य, सिक्खा ५ निप्पडिक्कम्मया ६
 ॥ १ ॥ अराणायया ७ अलोभे ८ य, तित्तिक्खा ९ अज्जवे १० सुई ११ ।
 सम्मदिट्ठी १२ समाही १३ य, आयारे १४ विणओवए १५ ॥ २ ॥
 धिईमई १६ य संवेगे १७, पणिही १८ सुविहि १९ संवरे २० । अत्तदो-
 सोवसंहारे २१, सब्बकामविरत्तया २२ ॥ ३ ॥ पच्चवखाणे २३—२४
 विउस्सग्गे २५, अप्पमादे २६ लवालवे २७ । भाणासंवरजोगे २८ य,
 उदए माराणंतिए २९ ॥ ४ ॥ संगणां च परिणायया ३०, पायच्छित्तकर-
 णोऽवि य ३१ । आराहणा य मराणंते ३२, बत्तीसं जोगसंगहा ॥ ५ ॥
 १ । बत्तीसं देविंदा पन्नत्ता, तंजहा—चमरे बली धरणे भूआणांदे जाव घोसे
 महाघोसे चंदे सूरे सक्के ईसाणे सणांकुमारे जाव पाणए अच्चुए २ ।
 कुंथुस्स णां अरहओ बत्तीसहिया बत्तीसं जिणसया होत्था ३ । सोहम्मे
 कप्पे बत्तीसं विमाणावाससयसहस्सा णां पन्नत्ता ४ । रेवइणावस्वत्ते बत्तीसइतारे
 पन्नत्ते ५ । बत्तीसतिविहे णट्ठे पन्नत्ते ६ । इमीसे णां रयणप्पभाए पुढवीए

अत्येगइयाणं नेरइयाणं बत्तीसं पलिओवमाइं ठिई पन्नत्ता ७ । अहेसत्तमाए पुढवीए अत्येगइयाणं नेरइयाणं बत्तीसं सागरोवमाइं ठिई पन्नत्ता ८ । असुरकुमाराणं देवाणं अत्येगइयाणं बत्तीसं पलिओवमाइं ठिई पन्नत्ता ९ । सोहम्मीसाणोसु कप्पेसु देवाणं अत्येगइयाणं बत्तीसं पलिओवमाइं ठिई पन्नत्ता १० । जे देवा विजयवेजयंतजयंतअपराजियविमाणोसु देवत्ताए उववराणा तेसि णं देवाणं अत्येगइयाणं बत्तीसं सागरोवमाइं ठिई पन्नत्ता, ते णं देवा बत्तीसाए अद्धमासेहिं आणमंति वा पाणमंति वा उस्ससंति वा नीससंति वा, तेसि णं देवाणं बत्तीसवाससहस्सेहिं आहारट्ठे समुप्पज्जइ, संतेगइया भवसिद्धिया जीवा जे बत्तीसाए भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइस्संति सब्बदुक्खाणमंतं करिस्संति ११ ॥ सूत्रं ३२ ॥ तेत्तीसं आसायणाओ पन्नत्ताओ, तंजहा-सेहे राइणियस्स आसन्नं गंता भवइ आसायणा सेहस्स १ सेहे राइणियस्स पुरओ गंता भवइ आसायणा सेहस्स २ सेहे राइणियस्स सपक्खं गंता भवइ आसायणा सेहस्स ३ सेहे राइणियस्स आसन्नं ठिच्चा भवइ आसायणा सेहस्स ४ जाव सेहे राइणियस्स आलवमाणस्स तत्थगए चेव पडिसुणित्ता भवइ आसायणा सेहस्स ३३, १ । चमरस्स णं असुरिंदस्स असुरकुमाररराणो चमरचंचाए रायहाणीए एकमेक्कबाराए तेत्तीसं तेत्तीसं भोमा पन्नत्ता २ । महाविदेहे णं वासे तेत्तीसं जोयणसहस्साइं सागरेगाइं विक्खंभेणं पन्नत्ता ३ । जया णं सूरिए बाहिराणंतरं तच्चं मंडलं उवसकमित्ता णं चारं चरइ तथा णं इहग-यस्स पुरिसस्स तेत्तीसाए जोयणसहस्सेहिं किंचिविसेसूणेहिं चक्खुप्फासं हव्वमागच्छइ ४ । इमीसे णं रयणप्पभाए पुढवीए अत्येगइयाणं नेरयाणं तेत्तीसं पलिओवमाइं ठिई पन्नत्ता ५ । अहेसत्तमाए पुढवीए कालमहाकाल-रोरुयमहारोरुएसु नेरइयाणं उक्कोसेणं तेत्तीसं सागरोवमाइं ठिई पन्नत्ता ६ । अप्पइट्ठाणनरए नेरइयाणं अजहराणमणुक्कोसेणं तेत्तीसं सागरोवमाइं ठिई

पन्नत्ता ७ । असुरकुमाराणां अत्येगइयाणां देवाणां तेत्तीसं पलिओवमाइं ठिई
 पन्नत्ता ८ । सोहम्मीसाणां अत्येगइयाणां देवाणां तेत्तीसं पलिओवमाइं ठिई
 पन्नत्ता ९ । विजयवेजयंतजयंतअपराजिएसु विमाणेसु उकोसेणां तेत्तीसं
 सागरोवमाइं ठिई पन्नत्ता १० । जे देवा सव्वट्टसिद्धे महाविमाणो देवत्ताए
 उववराणां तेसि णां देवाणां अजहराणमणुकोसेणां तेत्तीसं सागरोवमाइं ठिई
 पन्नत्ता, ते णां देवा तेत्तीसाए अद्धमासेहिं आणमंति वा पाणमंति वा उस्स-
 संति वा निस्ससंति वा, तेसि णां देवाणां तेत्तीसाए वाससहस्सेहिं आहारट्टे
 समुप्पज्जइ, संतेगइया भवसिद्धिया जीवा जे तेत्तीसं भवग्गहणेहिं सिज्झि-
 स्संति बुज्झिस्संति मुच्चिस्संति सव्वदुक्खाणमंतं करिस्संति ११ ॥ सूत्रं ३३ ॥
 चोत्तीसं बुद्धाइसेसा पन्नत्ता, तंजहा—अवट्टिए केसमंसुरोमनहे १ निरामया
 निरुवलेवा गायलट्टी १ गोकखीरपंडुरे मंससोणिए ३ पउमुप्पलगंधिए
 उस्सासनिस्सासे ४ पच्छन्ने आहारनीहारे अदिस्से मंसचक्खुणा ५ आगा-
 सगयं चक्कं ६ आगासगयं छत्तं ७ आगासगयाओ सेयवरचामराओ ८
 आगासफालिआमयं सपायपीढं सीहासणां ९ आगासगओ कुडभीसहस्स-
 परिमंडिआभिरामो इंदज्झओ पुरओ गच्छइ १० जत्थ जत्थवि य णां
 अरहंता भगवंतो चिट्ठंति वा निसियंति या तत्थ तत्थवि य णां जक्खा
 देवा तक्खणादेव संछन्नपत्तपुप्फपल्लवसमाउलो सच्छत्तो सज्झओ सघटो
 सपडागो असोगवरपायवो अभिसंजायइ ११ ईसिं पिट्ठओ मउडठाणांमि
 तेयमंडलं अभिसंजायइ अंधकारेऽवि य णां दस दिसाओ पभासेइ १२ बहु-
 समरमणिज्जे भूमिभागे १३ अहोसिरा कंट्या जायंति १४ उऊविवरीया
 सुहफासा भवंति १५ सीयलेणां सुहफासेणां सुरभिणा मारुणां जोयणपरि-
 मंडलं सव्वओ समंता संपमज्जिज्जइ १६ जुत्तफुसिएणां मेहेणा य निहयरय-
 रेणायं किज्जइ १७ जलथलयभासुरपभूतेणां बिट्ठाइणा दसद्धवराणेणां
 कुसुमेणां जाणुस्सेहप्पमाणमित्ते पुप्फोवयारे किज्जइ १८ अमणुगणाणां

सद्वफरिसरसरूवगंधाणं अवकरिसो भवइ ११ मणुगणाणं सद्वफरिसरसरू-
वगंधाणं पाउब्भावो भवइ २० पच्चाहरत्रोऽवि य गां हिययगमणीओ
जोयणीहारी सरो २१ भगवं च गां अद्धमागहीए भासाए धम्ममाइ-
क्खइ २२ सावि य गां अद्धमागही भासा भासिजमाणी तेसिं सव्वेसिं
आरियमणारियाणं दुप्पयचउप्पअमियपसुपविस्वसरीसिवाणं अप्पणो हिय-
सिवसुहयभासत्ताए परिणमइ २३ पुब्बबद्धवेरावि य गां देवासुरनागसुव-
गाण-जक्खरक्खस-किंनरकिंपुरिस-गरुलगंधव्व-महोरगा अरहत्रो पायमूले
पसंतचित्तमाणासा धम्मं निसामंति २४ अराणाउत्थियपावयणियावि य
णमागया वंदंति २५ आगया समाणा अरहत्रो पायमूले निप्पलिवयणा
हवंति २६ जत्रो जत्रोऽवि य गां अरहंतो भगवंतो विहरंति तत्रो
तत्रोऽवि य गां जोयणपणावीसाएणं ईती न भवइ २१ मारी न भवइ
२८ सचक्कं न भवइ २९ परचक्कं न भवइ ३० अइबुट्टी न भवइ ३१
अणाबुट्टी न भवइ ३२ दुब्भिक्खं न भवइ ३३ पुब्बुप्पणाणावि य गां
उप्पाइया वाही खिप्पामेव उवसमंति ३४, १ । जंबुद्दीवे गां दीवे चउ-
त्तीसं चक्कवट्टिविजया पन्नत्ता, तंजहा-बत्तीसं महाविदेहे दो भरहे एरवए
२ । जंबुद्दीवे गां दीवे चोत्तीसं दीहवेयट्टा पन्नत्ता ३ । जंबुद्दीवे गां दीवे
उकोसपए चोत्तीसं तित्थंकरा समुप्पज्जंति ४ । चमरस्स गां असुरिंदस्स
असुरकुमाररणा चोत्तीसं भवणावाससयसहस्सा पन्नत्ता, पटमपंचमट्टीसत्त-
मासु चउसु पुट्टवीसु चोत्तीसं निरयावाससयसहस्सा पन्नत्ता ५ ॥ सूत्रं ३४ ॥
पणातीसं सच्चवयणाइसेसा पन्नत्ता १ । कुंथु गां अरहा पणातीसं धणाइं उट्ठं
उच्चतेणं होत्था, दत्ते गां वासुदेवे पणातीसं धणाइं उट्ठं उच्चतेणं होत्था २ ।
नंदणे गां बलदेवे पणातीसं धणाइं उट्ठं उच्चतेणं होत्था ३ । सोहम्मे कणे
सुहम्माए सभाए माणावए चेइयक्खंभे हेट्टा उवरिं च अद्धतेरस अद्धतेरस
जोयणाणि वज्जेत्ता मज्जे पणातीस जोयणोसु वइरामएसु गोलवट्टसमुग्गएसु

जिणसकहाओ पन्नत्ताओ ४ । वितियचउत्थीसु दोसु पुढवीसु पणतीसं
निरयावाससयसहस्सा पन्नत्ता ५ ॥ सूत्रं ३५ ॥ छत्तीसं उत्तरज्झयणा
पन्नत्ता, तंजहा-विणायसुयं १ परीसहो २ चाउरंगिज्जं ३ असंखयं ४
अकाममरणिज्जं ५ पुरिसविज्जा ६ उरब्भिज्जं ७ काविलियं ८ नमि-
पव्वज्जा ९ दुमपत्तयं १० बहुसूयपूजा ११ हरिएसिज्जं १२ चित्तसंभूयं
१३ उसुयारिज्जं १४ सभिक्षुगं १५ समाहिठाणाइं १६ पावसमणिज्जं
१७ संजइज्जं १८ मियचारिया १९ अणाहपव्वज्जा २० समुहपालिज्जं
२१ रहनेमिज्जं २२ गोयमकेसिज्जं २३ समितीओ २४ जन्नतिज्जं
२५ सामायारी २६ खलुंकिज्जं २७ मोक्खमग्गगई २८ अप्पमाओ
२९ तवोमग्गो ३० चरणविही ३१ पमायठाणाइं ३२ कम्मपयडी ३३
लेसज्झयणं ३४ अणगारमग्गे ३५ जीवाजीवविभत्ती य ३६, १ । चमरस्स
णं असुरिंदस्स असुरकुमाररणो सभा सुहम्मा छत्तीसं जोयणाइं उड्डं
उच्चत्तेणं होत्था २ । समणस्स णं भगवओ महावीरस्स छत्तीसं अज्जाणं
साहस्सीओ होत्था ३ । चेत्तासोएसु णं मासेसु सइ छत्तीसंगुलियं सूरिए
पोरिसीद्धायं निव्वत्तइ ४ ॥ सूत्रं ३६ ॥ कुंथुस्स णं अरहओ सत्ततीसं
गणा सत्ततीसं गणहरा होत्था १ । हेमवयहेरणवयाओ णं जीवाओ
सत्ततीसं जोयणसहस्साइं छच्च चउसत्तरे जोयणसए सोलसयएगूणवीसइभाए
जोयणस्स किंचिविसेसूणाओ आयामेणं पन्नत्ताओ २ । सव्वासु णं विजय-
वेजयंतजयंतअपराजियासु रायहाणीसु पागारा सत्तीतसं सत्ततीसं जोयणाइं उड्डं
उच्चत्तेणं पन्नत्ता ३ । खुड्डियाए णं विमाणपविभत्तीए पढमे वग्गे सत्ततीसं
उद्देसणकाला पन्नत्ता ४ । कत्तियबहुलसत्तमीए णं सूरिए सत्ततीसंगुलियं
पोरिसीद्धायं निव्वत्तइत्ता णं चारं चरइ ५ ॥ सूत्रं ३७ ॥ पासस्स णं
अरहओ पुरिसादाणीयस्स अट्टतीसं अज्जिआसाहस्सीओ उक्कोसिया
अज्जियासंपया होत्था १ । हेमवयएरणवईयाणं जीवाणं धणूपिट्ठे अट्टतीसं

जोयणसहस्साइं सत्त य चत्ताले जोयणसए दस एगूणवीसइभागे जोयणस्स किंचिविसेसूणे परिकखेवेणं पन्नत्ते २ । अत्थस्स णं पव्वयरगणो बित्तिए कंडे अट्ठतीसं तेवट्ठिं जोयणसहस्साइं उड्डं उच्चत्तेणं होत्था ३ । खुड्डियाए णं विमाणपविभत्तीए बित्तिए वग्गे अट्ठतीसं उद्देसणकाला पन्नत्ता ४ ॥ सूत्रं ३८ ॥ नमिस्स णं अरहत्थो एगूणचत्तालीसं आहोहियसया होत्था १ । समयखेत्ते एगूणचत्तालीसं कुलपव्वया पन्नत्ता, तंजहा-तीसं वासहरा पंच मदरा चत्तारि उसुकारा, दोच्चउत्थपंचमच्छट्ठसत्तमासु णं पंचसु पुढ्वीसु एगूणचत्तालीसं निरयावाससयसहस्सा पन्नत्ता २ । नाणावरणिज्जस्स मोहणिज्जस्स गोत्तस्स आउयस्स एयासि णं चउराहं कम्मपगडीणं एगूणचत्तालीसं उत्तरपगडीत्थो पन्नत्तात्थो ३ ॥ सूत्रं ३९ ॥ अरहत्थो णं अरिट्ठनेमिस्स चत्तालीसं अज्जियासाहस्सीत्थो होत्था १ । मंदरचूलियाणं चत्तालीसं जोयणाइं उड्डं उच्चत्तेणं पन्नत्तं २ । संती अरहा चत्तालीसं धणाइं उड्डं उच्चत्तेणं होत्था ३ । भूयाणंदस्स णं नागकुमारस्स नागरत्तो चत्तालीसं भवणावाससयसहस्सा पन्नत्ता ४ । खुड्डियाए णं विमाणपविभत्तीए तइए वग्गे चत्तालीसं उद्देसणकाला पन्नत्ता ५ । फग्गुणपुण्णमासिणीए णं सूरिए चत्तालीसंगुलियं पोरिसीद्धायं निव्वट्ठइत्ता णं चारं चरइ, एवं कत्तियाएऽवि पुणिणमाए ६ । महासुक्के कप्पे चत्तालीसं विमाणावाससहस्सा पन्नत्ता ७ ॥ सूत्रं ४० ॥

नमिस्स णं अरहत्थो एकचत्तालीसं अज्जियासाहस्सीत्थो होत्था १ । चउसु पुढ्वीसु एकचत्तालीसं निरयावाससयसहस्सा पन्नत्ता, तंजहा-रयणप्पभाए पंकप्पभाए तमाए तमतमाए २ । महालियाए णं विमाणपविभत्तीए पढमे वग्गे एकचत्तालीसं उद्देसणकाला पन्नत्ता ३ ॥ सूत्रं ४१ ॥ समणे भगवं महावीरे बायालीसं वासाइं साहियाइं सामराणपरियागं पाउणित्ता सिद्धे जाव सव्वदुक्खप्पहीणे १ । जंबुदीवस्स णं दीवस्स

पुरच्छिमिल्लाओ चरमंताओ गोथूभस्स णं आवासपव्वयस्स पच्चच्छिमिल्ले
चरमंते एस णं बायालीसं जोयणसहस्साइं अब्बाहाते अंतरे पन्नत्ते एवं
चउद्दिंसिपि दओभासे संखे दयसीमे य २ । कालोए णं समुद्दे बायालीसं
चंदा जोइंसु वा जोइंति वा जोइस्संति वा ३ । बायालीसं सूरिया पभा-
सिंसु वा (३), ४ । संमुच्छिमभुयपरिसप्पाणं उक्कोसेणं बायालीसं वाससह-
व्वास्साइं ठिई पन्नत्ता ५ । नामकम्मे बायालीसविहे पन्नत्ते, तंजहा-गइनामे
जाइनामे सरीरनामे सरीरंगोवंगनामे सरीरबंधणनामे सरीरसंघायणनामे
संघयणनामे संठाणनामे वराणनामे गंधनामे रसनामे फासनामे अगुरुलडु-
यनामे उवघायनामे पराघायनामे आणुपुव्वीनामे उस्सासनामे आयव-
नामे उज्जोयनामे विहगगइनामे तसनामे थावरनामे सुहुमनामे बायरनामे
पज्जत्तनामे अपज्जत्तनामे साहारणसरीरनामे पत्तेयसरीरनामे थिरनामे
अथिरनामे सुभनामे असुभनामे सुभगनामे दुब्भगनामे सुसरनामे दुस्सरनामे
आएज्जनामे अणाएज्जनामे जसोकित्तिनामे अजसोकित्तिनामे निग्माणनामे
तित्थकरनामे ५ । लवणे णं समुद्दे बायालीसं नागसाहस्सीओ अब्भितरियं
वेलं धारंति ६ । महालियाए णं विमाणपविभत्तीए बितिए वग्गे बायालीसं
उद्देसणकाला पन्नत्ता ७ । एगमेगाए ओसप्पिणीए पंचमच्छट्ठीओ समाओ
बायालीसं वाससहस्साइं कालेणं पन्नत्ताओ ८ । एगमेगाए उस्सप्पिणीए पढमबी-
याओ समाओ बायालीसं वाससहस्साइं कालेणं पन्नत्ताओ ९ ॥सूत्रं ४२॥
तेयालीसं कम्मविवागज्झयणा पन्नत्ता १ । पढमचउत्थपंचमासु पुढ्वीसु
तेयालीसं निरयावाससयसहस्सा पन्नत्ता २ । जंबुदीवस्स णं दीवस्स पुरच्छि-
मिल्लाओ चरमंताओ गोथूभस्स णं आवासपव्वयस्स पुरच्छिमिल्ले चरमंते
एस णं तेयालीसं जोयणसहस्साइं अब्बाहाए अंतरे पन्नत्ते ३ । एवं चउद्दि-
सिंपि दगभागे(से) संखे दयसीमे ४ । महालियाए णं विमाणपविभत्तीए तइये
वग्गे तेयालीसं उद्देसणकाला पन्नत्ता ५ ॥ सूत्रं ४३ ॥ चोयालीसं अज्झ-

यणा इसिभासिया दियलोगचुयाभासिया (देवलोयचुयाणं इसीणं चोयालीसं इसिभासियज्जसयणा) पन्नत्ता १ विमलस्स गां अरहत्तो गां चउआलीसं पुरिस-
जुगाइं अणुपिट्ठिं (अणुबंधेण) सिद्धाइं जावप्पहीणाइं २ । धरणास्स गां नागिंदस्स नागराणो चोयालीसं भवणावाससयसहस्सा पन्नत्ता ३ । मद्दालियाए गां विमाणपविभत्तीए चउत्थे वग्गे चोयालीसं उद्देसणाकाला पन्नत्ता ४ ॥ सूत्रं ४४ ॥ समयस्वेत्ते गां पणयालीसं जोयणासयसहस्साइं आयाम-
विकखंभेणं पन्नत्ते १ । सीमंतए गां नरए पणयालीसं जोयणासयसहस्साइं आयामविकखंभेणं पन्नत्ते २ । एवं उडुविमाणोऽवि ३ । ईसिपब्भारा गां पुदवी एवं चेव ४ । धम्मे गां अरहा पणयालीसं धणाइं उड्डं उच्चत्तेणं होत्था ५ । मंदरस्स गां पव्वयस्स चउदिसिंपि पणयालीसं (२) जोयणासहस्साइं अबाहाए अंतरे पन्नत्ते ६ । सव्वेऽवि गां दिवडुखेत्तिया नक्खत्ता पणयालीसं मुहुत्ते चंदेण सद्धिं जोगं जोइंसु वा जोइंति वा जोइस्संति वा—तिन्नेव उत्तराइं पुणव्वसू रोहिणी विमाहा य । एए छ नक्खत्ता पणयालमुहुत्तसंजोगा ॥१॥ ७ । महालियाए गां विमाणपविभत्तीए पंचमे वग्गे पणयालीसं उद्देसणा-
काला पन्नत्ता ८ ॥ सूत्रं ४५ ॥

दिट्ठिवायस्स गां छायालीसं माउयापया पन्नत्ता १ । बंभीए गां लिवीए छायालीसं माउयक्खरा पन्नत्ता २ । पभंजणास्स गां वाउकुमारिंदस्स छाया-
लीसं भवणावाससयसहस्सा पन्नत्ता ३ ॥ सूत्रं ४६ ॥ जया गां सूरिए सव्व-
ब्भितरमंडलं उवसङ्गमित्ता गां चारं चरइ तथा गां इहगयस्स मणासस्स सत्त-
चत्तालीसं जोयणासहस्सेहिं दोहि य तेऽट्ठेहिं जोयणासएहिं एकवीसाए य सट्ठिभागेहिं जोयणास्स सूरिए चक्खुफासं हव्वमागच्छइ १ । थेरे गां अग्गिभूई सत्तचालीसं वासाइं अगारमज्जे वसित्ता मुंडे भवित्ता अगाराओ अणगारियं पव्वइए २ ॥ सूत्रं ४७ ॥ एगमेगस्स गां रत्तो चाउरंतचक्क-
ट्ठिस्स अडयालीसं पट्टणासहस्सा पन्नत्ता १ । धम्मस्स गां अरहत्तो अडया-

लीसं गणा अडयालीसं गणहरा होत्था २ । सूरमंडले गां अडयालीसं
 एकसट्टिभागे जोयणास्स विक्खंभेणां पन्नत्ते ३ ॥ सूत्रं ४८ ॥ सत्त सत्तमि-
 याए गां भिक्खुपडिमाए एगूणापन्नाए राइंदिएहिं छन्नउइभिक्खासएणां अहा-
 सुत्तं जाव आराहिया यावि भवइ १ । देवकुरुउत्तरकुरुएसु गां मणुया
 एगूणापन्ना राइंदिएहिं संपन्नजोव्वणा भवन्ति २ । तेइंदियाणां उक्कोसेणां
 एगूणापन्ना राइंदिया ठिई पन्नत्ता ३ ॥ सूत्रं ४९ ॥ मुणिसुव्वयस्स गां अर-
 हत्तो पंचासं अज्जियासाहस्सीत्तो होत्था १ । अणांते गां अरहा पन्नासं धणाइं
 उड्डं उच्चत्तेणां होत्था २ । पुरिसुत्तमे गां वासुदेवे पन्नासं धणाइं उड्डं उच्चत्तेणां
 होत्था ३ । सव्वेएवि गां दीहवेयड्डा मूले पन्नासं (२) जोयणाणि विक्खंभेणां
 पन्नत्ता ४ । लंतए कप्पे पन्नासं विमाणावाससहरसा पन्नत्ता ५ । सव्वात्तो गां
 तिमिस्सगुहाखंडगप्पवायगुहात्तो पन्नासं (२) जोयणाइं आयामेणां पन्नत्तात्तो
 ६ । सव्वेवि गां कंचणागपव्वया सिहरतले पन्नासं (२) जोयणाइं विक्खंभेणां
 पन्नत्ता ७ ॥ सूत्रं ५० ॥

नवरहं वंभचेराणां एकावन्नं उद्देसणाकाला पन्नत्ता १ । चमरस्स गां
 असुरिंदस्स असुरकुमाररत्तो सभा सुधम्मा एकावन्नखंभसयसंनिविट्ठा
 पन्नत्ता २ । एवं चेव बलस्सवि ३ । सुप्पमे गां बलदेवे एकावन्नं वाससय-
 सहस्साइं परमाउं पालइत्ता सिद्धे बुद्धे जाव सव्वदुक्खप्पहीणो ४ । दंसणा-
 वरणाणामाणां दोरहं कम्माणां एकावन्नं उत्तरकम्मपगडीत्तो पन्नत्ता ५
 ॥ सूत्रं ५१ ॥ मोहणिज्जस्स गां कम्मस्स बावन्नं नामधेज्जा पन्नत्ता, तंजहा-
 कोहे कोवे सोसे दोसे अक्खमा संजलणो कलहे चंडिक्के भंडणो विवाए १०
 माणो मदे दप्पे थंभे अत्तुक्कोसे गव्वे परपरिवाए अक्कोसे अवक्कोसे
 (परिभवे) उन्नए २० उन्नमे माया उवही नियडी बलए गहणो गामे
 कक्के कुरुए दंभे ३० कूडे जिम्हे किब्बिसे अणायरणाया गूहाणाया बंचणाया
 अलिकुंचणाया सातिजोगे लोभे इच्छा ४० मुच्छा कंखा गेही तिराह

भिजा अभिजा कामासा भोगासा जीवियासा मरणासा ५० नन्दी
 रागे ५२, १ । गोथूभस्स णं आवासपव्वयस्स पुरच्छिमिल्लाओ चरमंताओ
 वलयामुहस्स महापायालस्स पच्चच्छिमिल्ले चरमंते एस णं बावन्नं जोयणसह-
 स्साइं अबाहाए अंतरे पन्नत्ते २ । एवं दगभासस्स णं केउगस्स संखस्स
 जूयगस्स दगसीमस्स ईसरस्स ३ । नाणावरणिज्जस्स नामस्स अंतरायस्स
 एतेसि णं तिगहं कम्मपगडीणं बावन्नं उत्तगपयडीओ पन्नत्ताओ ४ । सोहम्म-
 सणकुमारमाहिंदेसु तिसु कप्पेसु बावन्नं विमाणवाससयसहस्सा पन्नत्ता ५
 ॥सूत्रं ५२॥ देवकुरुउत्तरकुर्याओ णं जीवाओ तेवन्नं (२) जोयणसहस्साइं
 साइरेगाइं आयामेणं पन्नत्ताओ १ । महाहिमवंतरूपीणं वासहरपव्वयाणं
 जीवाओ तेवन्नं तेवन्नं जोयणसहस्साइ नव य एगतीसे जोयणसए
 छच्च एगूणवीसइभाए जोयणस्स आयामेणं पन्नत्ताओ २ । समणस्स णं
 भगवओ महावीस्स तेवन्नं अणगारा संवच्छरपरियाया पंचसु अणुत्तरेसु
 महइमहालएसु महाविमाणेसु देवत्ताए उववन्ना ३ । संमुच्छिमउरपरिसप्पाणं
 उक्कोसेणं तेवन्नं वाससहस्सा ठिई पन्नत्ता ४ ॥ सूत्रं ५३ ॥ भरहेरवएसु णं
 वासेसु एगमेगाए उस्सप्पिणीए ओसप्पिणीए चउवन्नं (२) उत्तमपुरिसा
 उप्पज्जिसु वा (३), तंजहा-चउवीसं तित्थकरा बारस चक्कवट्ठी नव बलदेवा
 नव वासुदेवा १ । अरहा णं अरिट्ठिनेमी चउवन्नं राइंदियाइं छउमत्थ-
 परियायं पाउणित्ता जिणे जाए केवली सव्वन्नू सव्वभावदरिसी २ ।
 समणे भगवं महावीरे एगदिवसेणं एगनिसिजाए चउप्पन्नाइं वागरणाइं वाग-
 रित्था ३ । अणंतस्स णं अरहओ चउपन्नं गणहरा होत्था ४ ॥ सूत्रं ५४ ॥
 मल्लिस्स णं अरहओ पणपन्नं वाससहस्साइं परमाउं पालइत्ता सिद्धे बुद्धे
 जावप्पहीणे १ । मंदरस्स णं पव्वयस्स पच्चच्छिमिल्लाओ चरमंताओ विजयदारस्स
 पच्चच्छिमिल्ले चरमंते एस णं पणपन्नं जोयणसहस्साइं अबाहाए अंतरे पन्नत्ते
 २ । एवं चउद्विसिपि वेजयंतजयंतअपराजियंति ३ । समणे भगवं महावीरे

अंतिमराइयंसि पणपन्नं अज्भयणाइं कल्लाणफलविवागाइं पणपन्नं अज्भ-
यणाइं पावफलविवागाइं वागरित्ता सिद्धे बुद्धे जावप्पहीणे ४ । पढमविइयासु
दोसु पुढवीसु पणपन्नं निरयावाससयसहस्सा पन्नत्ता ५ । दंसणावरणिज्ज-
नामाउयाणं तिगहं कम्मपगडीणं पणपन्नं उत्तरपगडीओ पन्नत्ताओ ६
॥ सूत्रं ५५ ॥

जंबुदीवे णं दीवे छप्पन्नं नक्खत्ता चंदेण सद्धिं जोगं जोइंसु वा (३),
१ । विमलस्स णं अरहओ छप्पन्नं गणा छप्पन्नं गणाहरा होत्था २
॥ सूत्रं ५६ ॥ तिगहं गणिपिडगाणं आयारचूलियावज्जाण सत्तावन्नं
अज्भयणा पन्नत्ता, तंजहा-आयारे सूयगडे ठाणे १ । गोथुभस्स णं
आवासपव्वयस्स पुरच्छिमिल्लाओ चरमंताओ वलयामुहस्स महापायालस्स
बहुमज्झदेसभाए एस णं सत्तावन्नं जोयणसहस्साइं अबाहाए अंतरे पन्नत्ते २ ।
एवं दग्गभासस्स केउयस्स य संखस्स य जूयस्स य दयसीमस्स ईसरस्स य ३ ।
मल्लिस्स णं अरहओ सत्तावन्नं मणपज्जवनाणिसया होत्था ४ । महाहिमवंत-
रूपीणं वासहरपव्वयाणं जीवाणं धणुपिट्ठं सत्तावन्नं (२) जोयणसहस्साइं दोन्नि
य तेणउए जोयणसए दस य एगूणवीसइभाए जोयणस्स परिवेवेणं पन्नत्तं
५ ॥ सूत्रं ५७ ॥ पढमदोच्चपंचमासु तिसु पुढवीसु अट्ठावन्नं निरयावाससय-
सहस्सा पन्नत्ता १ । नाणावरणिज्जस्स वेयणियआउयनामअंतराइयस्स एएसि
णं पंचगहं कम्मपगडीणं अट्ठावन्नं उत्तरपगडीओ पन्नत्ताओ २ । गोथुभस्स
णं आवासपव्वयस्स पच्चच्छिमिल्लाओ चरमंताओ वलयामुहस्स महापायालस्स
बहुमज्झदेसभाए एस णं अट्ठावन्नं जोयणसहस्साइं अबाहाए अंतरे पन्नत्ते
३ । एवं चउदिसिंपि नेयव्वं ४ ॥ सूत्रं ५८ ॥ चंदस्स णं संवच्छरस्स
एगमेगे उऊ एगूणसट्ठिं राइंदियाइं राइंदियग्गेणं पन्नत्ता १ । संभवे णं
अरहा एगूणसट्ठिं पुव्वसयसहस्साइं आगारमज्जे वसित्ता मुंडे जाव
पव्वइए २ । मल्लिस्स णं अरहओ एगूणसट्ठिं ओहिनाणिसया

होत्था ३ ॥ सूत्रं ५१ ॥ एगमेगे गां मंडले सूरिए सट्टिए सट्टिए मुट्टुत्तेहिं
 संघाइए १ । लवणस्स गां समुदस्स सट्टि नागसाहस्सीओ अगोदयं
 धारंति २ । विमले गां अरहा सट्टि धणूइं उट्टं उच्चतेणं होत्था ३ ।
 बलिस्स गां वइरोयणिंदस्स सट्टि सामाणियसाहस्सीओ पन्नत्ताओ ४ ।
 बंभस्स गां देविंदस्स देवरन्नो सट्टि सामाणियसाहस्सीओ पन्नत्ताओ ५ ।
 सोहम्मीसाणोसु दोसु कप्पेसु सट्टि विमाणावाससयसहस्सा पन्नत्ता ६
 ॥ सूत्रं ६० ॥

पंचसंवच्छरियस्स गां जुगस्स रिउमासेणं मिज्जमाणस्स इगसट्टि
 उऊमासा पन्नत्ता १ । मंदरस्स गां पव्वयस्स पढमे कंडे एगसट्टिजोयणा-
 सहस्साइं उट्टं उच्चतेणं पन्नत्ते २ । चंदमंडलेणं एगसट्टिविभागविभाइए समंसे
 पन्नत्ते ३ । एवं सूरस्सवि ४ ॥ सूत्रं ६१ ॥ पंचसंवच्छरिए गां जुगे
 बासट्टि पुन्निमाओ बावट्टि अमावसाओ पन्नत्ताओ २ । वासुपुज्जस्स गां
 अरहओ बासट्टि गणा बासट्टि गणहरा होत्था २ । सुक्कपव्वस्स गां चंदे
 बासट्टि भागे दिवसे दिवसे परिवट्टइ ३ । ते चेव बहुलपक्खे दिवसे दिवसे
 परिहायइ ४ । सोहम्मीसाणोसु कप्पेसु पढमे पत्थडे पढमावलियाए
 (पढमावलिया) एगमेगाए दिसाए बासट्टि विमाणा पन्नत्ता ५ । सव्वे
 वेमाणियाणां बासट्टि विमाणपत्थडा पत्थडगोरां पन्नत्ता ६ ॥ सूत्रं ६२ ॥
 उसभे गां अरहा कोसलिए तेसट्टि पुव्वसयसहस्साइं महारायमज्जे वसित्ता
 मुंडे भवित्ता आगाराओ अणगारियं पव्वइए १ । हरिवासरम्मयवासेसु
 मणुस्सा तेवट्टिए राइंदिएहिं संपत्तजोव्वणा भवंति २ । निसडे गां पव्वए
 तेवट्टि सूरुदया पन्नत्ता ३ । एवं नीलवंतेति ४ ॥ सूत्रं ६३ ॥ अट्टुमिया
 भिक्खुपडिमा चउसट्टीए राइंदिएहिं दोहि य अट्टासीएहिं भिक्खासएहिं
 अहासुत्तं जाव भवइ १ । चउसट्टि असुरकुमारावाससयसहस्सा पन्नत्ता २ ।
 चमरस्स गां रन्नो चउसट्टि सामाणियसाहस्सीओ पन्नत्ताओ ३ । सव्वेऽवि गां

दधिमुहा पव्वया (पल्लग)(पल्ला)संठाणसंठिया सव्वत्थ समा विक्खंभे गां
(विक्खंभुस्सेहेगां) चउसट्ठि जोयणसहस्साइं पन्नत्ता ४ । सोहम्मीसाणोसु बंभ-
लोए य तिसु कप्पेसु चउसट्ठि विमाणावाससयसहस्सा पन्नत्ता ५ । सव्वस्सवि
य गां रन्नो चाउरन्तचक्कवट्ठिस्स चउसट्ठिलट्ठीए महग्घे मुत्तामणिहारे पन्नत्ते ६
॥ सूत्रं ६४ ॥ जंबुदीवे गां दीवे पणसट्ठि सूरमंडला पन्नत्ता १ । थेरे गां
मोरियपुत्ते पणसट्ठिवासाइं अगारमज्जे वसित्ता मुंडे भवित्ता अगाराओ
अणगारियं पव्वइए २ । सोहम्मवड्डिसयस्स गां विमाणस्स एगमेगाए बाहाए
पणसट्ठि पणसट्ठि भोमा पन्नत्ता ३ ॥ सूत्रं ६५ ॥

दाहिणह्णमाणुस्सखेत्ताणं छावट्ठि चंदा पभासिसु वा(३) छावट्ठि
सूरिया तविसु वा (३) १ । उत्तरह्णमाणुस्सखेत्ताणं छावट्ठि चंदा पभासिसु
वा (३) छावट्ठि सूरिया तविसु वा (३) २ । सेज्जंसस्स गां अरहओ
छावट्ठि गणा छावट्ठि गणहरा होत्था ३ । आभिणिबोहियणाणस्स गां
उक्कोसेणं छावट्ठि सागरोवमाइं ठिई पन्नत्ता ४ ॥ सूत्रं ६६ ॥ पञ्चसंवच्छ-
रियस्स गां जुगस्स नक्खत्तमासेणं मिज्जमाणस्स सत्तसट्ठि नक्खत्तमासा पन्नत्ता
१ । हेमवयएरन्नवयाओ गां बाहाओ सत्तट्ठि सत्तट्ठि जोयणसयाइं पणपन्नाइं
तिणिण य भागा जोयणस्स आयामेणं पन्नत्ताओ २ । मंदरस्स गां पव्वयस्स
पुरच्छिमिल्लाओ चरमंताओ गोयमदीवस्स पुरच्छिमिल्ले चरमंते एस गां
सत्तसट्ठि जोयणसहस्साइं अवाहाए अंतरे पन्नत्ते ३ । सव्वेसिंपि गां नक्खत्ताणं
सीमाविक्खंभेणं सत्तट्ठि भागं भइए समंसे पन्नत्ते ४ ॥ सूत्रं ६७ ॥ धायइ-
संडे गां दीवे अडसट्ठि चक्कवट्ठिविजया अडसट्ठि रायहाणीओ पन्नत्ताओ १ ।
उक्कोसपए अडसट्ठि अरहंता समुप्पजिसु वा (३) एवं चक्कवट्ठी बलदेवा
वासुदेवा २ । पुक्खरवरदीवह्णे गां अडसट्ठि विजया एवं चेव जाव वासुदेवा
३ । विमलस्स गां अरहओ अडसट्ठि समणसाहस्सीओ उक्कोसिया समण-
संपया होत्था ४ ॥ सूत्रं ६८ ॥ समयस्सित्ते गां मंदरवज्जा एगूणसत्तरिं वासा

वासधरपव्वया पन्नत्ता, तंजहा-पण्णतीसं वासा तीसं वासहरा चत्तारि उसुयारा
 १ । मंदरस्स पव्वयस्स पच्चच्छिमिल्लाओ चरमंताओ गोयमदीवस्स पच्चच्छि-
 मिल्ले चरमंते एस गां एगूणसत्तरिं जोयणसहस्साइं अबाहाए अंतरे पन्नत्ते
 २ । मोहणिज्जवज्जाणं सत्तराहं कम्मपगडीणं एगूणसत्तरिं उत्तरपगडीओ
 पन्नत्ताओ ३ ॥ सूत्रं ६१ ॥ समणो भगवं महावीरे वासाणं सवीसइराए
 मासे वइक्कंते सत्तरिएहिं राइंदिएहिं सेसेहिं वासावासं पज्जोसवेइ १ । पासे
 गां अरहा पुरिसादाणीए सत्तरिं वासाइं बहुपडिपुन्नाइं सामन्नपरियागं पाउ-
 णित्ता सिद्धे बुद्धे जावप्पहीणो २ । वासुपुज्जे गां अरहा सत्तरिं धणूइं उट्ठं
 उच्चत्तेणं होत्था ३ । मोहणिज्जस्स गां कम्मस्स सत्तरिं सागरोवमकोडाकोडीओ
 अबाहूणिया कम्मट्ठिइं कम्मनिसेगे पन्नत्ते ४ । माहिंदस्स गां देविंदस्स
 देवरत्तो सत्तरिं सामाणियसाहस्सीओ पन्नत्ताओ ५ ॥ सूत्रं ७० ॥

चउत्थस्स गां चंदसंवच्छरस्स हेमंताणं एकसत्तरीए राइंदिएहिं वीइक्कं-
 तेहिं सव्वबाहिराओ मंडलाओ सूरिए आउट्ठिं करेइ १ । वीरियप्पवायस्स
 गां पुव्वस्स एकसत्तरिं पाहुडा पन्नत्ता २ । अजिते गां अरहा एकसत्तरिं
 पुव्वसयसहस्साइं अगारमज्जे वसित्ता मुंडे भवित्ता जाव पव्वइए ३ । एवं
 सगरोऽवि राया चाउरंतचक्कवट्ठी एकसत्तरिं पुव्व जाव पव्वइएत्ति ४
 ॥ सूत्रं ७१ ॥ बावत्तरिं सुवन्नकुमारावाससयसहस्सा पन्नत्ता १ । लवणास्स
 समुइस्स बावत्तरिं नागसाहस्सीओ बाहिरियं वेलं धारंति २ । समणो भगवं
 महावीरे बावत्तरिं वासाइं सव्वाउयं पालइत्ता सिद्धे बुद्धे जावप्पहीणो ३ ।
 थेरे गां अयलभाया बावत्तरिं वासाइं सव्वाउयं पालइत्ता सिद्धे जावप्पहीणो
 ४ । अग्निभतरपुक्खरद्धे गां बावत्तरिं चंदा पभासिसु (३) बावत्तरिं सूरिया
 तविसु वा (३) ५ । एगमेगस्स गां रत्तो चाउरंतचक्कवट्ठिस्स बावत्तरिपुरवर-
 साहस्सीओ पन्नत्ताओ ६ । बावत्तरि कलाओ पन्नत्ताओ, तंजहा-लेहं १
 गणियं २ रूवं ३ नट्टं ४ गीयं ५ वाइयं ६ सरगयं ७ पुक्खरगयं ८ सम-

तालं १ जूयं १० जणवायं ११ पोक्ख(रेव)च्चं १२ अट्टावयं १३ दग्गमट्टियं
 १४ अन्नविही १५ पाणविही १६ वत्थविही १७ सयणविही १८ अज्जं १९
 पहेलियं २० मागहियं २१ गाहं २२ सिलोगं २३ गंधजुत्ति २४ मधु-
 सित्थं २५ आभरणविही २६ तरुणीपडिकम्मं २७ इत्थीलक्खणां २८
 पुरिसलक्खणां २९ हयलक्खणां ३० गयलक्खणां ३१ गोणलक्खणां ३२
 कुक्कुडलक्खणां ३३ मिट्ठयलक्खणां ३४ चकलक्खणां ३५ छत्तलक्खणां ३६
 दंडलक्खणां ३७ असिलक्खणां ३८ मणिलक्खणां ३९ कागणिलक्खणां
 ४० चम्मलक्खणां ४१ चंदलक्खणां ४२ सूरचरियं ४३ राहुचरियं ४४
 गहचरियं ४५ सोभागकरं ४६ दोभागकरं ४७ विजागयं ४८ मंतगयं ४९
 रहस्सगयं ५० सभासं ५१ चारं ५२ पडिचारं ५३ बूहं ५४ पडिबूहं ५५
 खंधावारमाणां ५६ नगरमाणां ५७ वत्थुमाणां ५८ खंधावारनिवेसं ५९ वत्थुनि-
 वेसं ६० नगरनिवेसं ६१ ईसत्थं ६२ छरूप्पवायं ६३ आससिक्खं ६४
 हत्थिसिक्खं ६५ धणुब्बेयं ६६ हिरण्णपागं सुवन्नपागं मणिपागं धातुपागं
 ६७ बाहुजुद्धं दंडजुद्धं मुट्टिजुद्धं अट्टिजुद्धं जुद्धं निजुद्धं जुद्धाईं जुद्धं सुत्तखेडं
 ६८ नालियाखेडं वट्टखेडं धम्मखेडं चम्मखेडं ६९ पत्तछेज्जं कडगच्छेज्जं ७०
 सजीवं निज्जीवं ७१ सउण्णस्यं ७२, ७३ । संमुच्छिमस्वहयरपंचिदियतिरिक्खजो-
 णियाणां उक्कोसेणां बावत्तरिं वाससहस्साइं ठिई पन्नत्ता ८ ॥ सूत्रं ७२ ॥
 हरिवासरम्मयवासयाओ णं जीवाओ तेवत्तरिं (२) जोयणसहस्साइं नव य
 एगुत्तरे जोयणसए सत्तरस य एगूणवीसइभागे जोयणस्स अद्धभागं च आया-
 मेणं पन्नत्ताओ १ । विजए णं बलदेवे तेवत्तरिं वाससयसहस्साइं सव्वाउयं
 पालइत्ता सिद्धे जावप्पहीणे २ ॥ सूत्रं ७३ ॥ थेरे णं अग्गिभूई गणहरे
 चोवत्तरिं वासाइं सव्वाउयं पालइत्ता सिद्धे जावप्पहीणे १ । निसहाओ णं
 वासहरपव्वयाओ तिगिच्छिओ णं दहाओ सीतोयामहानदीओ चोवत्तरिं
 जोयणसयाइं साहियाइं उत्तराहिमुही पवहत्ता वइरामयाए जिब्भियाए चउ-

जोयणायामाए पन्नासजोयणविवस्वभाए वइरतले कुंडे महया घडमुहपवत्ति-
 एणं मुत्तावलिहारसंठाणसंठाणं पवाएणं महया सदेणं पवडइ २ । एवं
 सीतावि दक्खिणाहिमुही भाणियव्वा ३ । चउत्थवज्जासु छसु पुढवीसु
 चोवत्तरिं नरयावाससयसहस्सा पन्नत्ता ४ ॥ सूत्रं ७४ ॥ सुविहिस्स णं
 पुप्फदंतस्स अरहओ पन्नत्तरि जिणसया होत्था १ । सीतले णं अरहा
 पन्नत्तरि पुव्वसहस्साइं अगारवासमज्जे वसित्ता मुंडे भवित्ता जाव पव्वइए
 २ । संती णं अरहा पन्नत्तरिवाससहस्साइं अगारवासमज्जे वसित्ता मुंडे
 भवित्ता अगाराओ अणगारियं पव्वइए ३ ॥ सूत्रं ७५ ॥

छावत्तरिं विज्जुकुमारावाससयसहस्सा पन्नत्ता, एवं दीवदिसाउदहीणं
 विज्जुकुमारिंदथणियमग्गीणं । छगहंपि जुगलयाणां छावत्तरि सय-
 सहस्साइं ॥ १ ॥ सूत्रं ७६ ॥ भरहे राया चाउरंतचक्कवट्ठी सत्तहत्तरिं पुव्व-
 सयसहस्साइं कुमारवासमज्जे वसित्ता महारायाभिसेयं संपत्ते १ । अङ्गवंसाओ
 णं सत्तहत्तरि रायाणो मुंडे जाव पव्वइया २ । गहतोयतुसियाणं देवाणां
 सत्तहत्तरिं देवसहस्सपरिवारा पन्नत्ता ३ । एगमेगे णं मुहुत्ते सत्तहत्तरिं
 लवे लवग्गेणां पन्नत्ते ४ ॥ सूत्रं ७७ ॥ सक्कस्स णं देविंदस्स देवरन्नो
 वेसमणो महाराया अट्टहत्तरीए सुवन्नकुमारदीवकुमारावाससयसहस्साणां आहे-
 वच्चं पोरेवच्चं सामित्तं भट्टित्तं महारायत्तं(महयरत्तं) आणाईसरसेणावच्चं
 कारेमाणो पालेमाणो विहरइ १ । थेरे णं अकंपिए अट्टहत्तरिं वासाइं सव्वा-
 उयं पालइत्ता सिद्धे जावण्णहीणो २ । उत्तरायणनियट्ठे णं सूरिए पढमाओ
 मंडलाओ एगूणचत्तालीसइमे मंडले अट्टहत्तरिं एगसट्ठिभाए दिवसखेत्तस्स
 निवुड्ढेत्ता रयणिखेत्तस्स अभिनिवुड्ढेत्ता णं चारं चरइ ३ । एवं दक्खिणा-
 यणनियट्ठे ऽवि ४ ॥ सूत्रं ७८ ॥ वलयामुहस्स णं पायालस्स हिट्ठिलाओ
 चरमंताओ इमीसे णं रयणण्णभाए पुढवीए हेट्ठिल्ले चरमंते एस णं एगूणासिं
 जोयणसहस्साइं अवाहाए अंतरे पन्नत्ते १ । एवं केउस्सवि जूयस्सवि ईसर-

स्सवि, ऋट्टीए पुढवीए बहुमज्जदेसभायाओ ऋट्टस्स घणोदहिस्स हेट्टिल्ले चर-
मंते एस रां एगूणासीति जोयणसहस्साइं अवाहाए अन्तरे पन्नत्ते २ । जम्बु-
दीवस्स रां दीवस्स बारस्स य बारस्स य एस रां एगूणासीइं जोयणसहस्साइं
सागरेगाइं अवाहाए अन्तरे पन्नत्ते ३ ॥ सूत्रं ७१ ॥ सेज्जंसे रां अरहा असीइं
धणाइं उड्डं उच्चत्तेरां होत्था १ । तिविट्ठे रां वासुदेवे असीइं धणाइं उड्डं उच्च-
त्तेरां होत्था २ । अयले रां बलदेवे असीइं धणाइं उड्डं उच्चत्तेरां होत्था ३ ।
तिविट्ठे रां वासुदेवे असीइवाससयसहस्साइं महाराया होत्था ४ । आउबहुले
रां कराडे असीइजोयणसहस्साइं बाहल्लेरां पन्नत्ते ५ । ईसाणस्स देविंदस्स
देवरन्नो असीइं सामाणियसाहस्सीओ पन्नत्ताओ ६ । जम्बुदीवे रां दीवे
असीउत्तरं जोयणसयं ओगाहेत्ता सूरिए उत्तरकट्टोवगए पढमं उदयं
करेइ ७ ॥ सूत्रं ८० ॥

नवनवमिया रां भिक्खुपडिमा एकासीइ राइंदिएहिं चउहि य पंचु-
त्तरेहिं अहासुत्तं जाव आराहिया १ । कुंथुस्स रां अरहओ एकासीति मणपज्ज-
वनाणिसया होत्था २ । विवाहपन्नत्तीए एकासीति महाजुम्मसया पन्नत्ता ३
॥ सूत्रं ८१ ॥ जम्बुदीवे दीवे बासीयं मंडलसयं जं सूरिए दुक्खुत्तो
संकमित्ता रां चारं चरइ तंजहा-निक्खममाणो य पविसमाणो य १ । समणो
भगवं महावीरे बासीए राइंदिएहिं वीइवकंतेहिं गब्भाओ गब्भं साहरिए २ ।
महाहिमवतस्स रां वासहरपण्वयस्स उवरिल्लाओ चरमंताओ सोगंधियस्स
कंडस्स हेट्टिल्ले चरमंते एस रां बासीइं जोयणसयाइं अवाहाए अंतरे
पन्नत्ते ३ । एवं रुपिस्सवि ४ ॥ सूत्रं ८२ ॥ समणो भगवं महावीरे बासीइ-
राइंदिएहिं वीइवकंतेहिं तेयासीइमे राइंदिए वट्टमाणो गब्भाओ गब्भं
साहरिए १ । सीयलरस रां अरहओ तेसीइं गणा तेसीइं गणाहरा
होत्था २ । थेरे रां मंडियपुत्ते तेसीइं वासाइं सव्वाउयं पालइत्ता सिद्धे
जावप्पहीणो ३ । उसभे रां अरहा कोसलिए तेसीइं पुव्वसयसहस्साइं

अगारमज्जे वसित्ता मुण्डे भवित्ता णं जाव पव्वइए ४ । भरहे णं राया चाउरंतचक्कवट्ठी तेसीइं पुव्वसयमहस्साइं अगारमज्जे वसित्ता जिणे जाए केवली सव्वन्नू सव्वभावदरिसी ५ ॥ सूत्रं = ३ ॥ चउरासीइ निरयावास-सयसहस्सा पन्नत्ता १ । उसभे णं अरहा कोसलिए चउरासीइं पुव्वसय-सहस्साइं सव्वाउयं पालइत्ता सिद्धे बुद्धे जावप्पहीणे २ । एवं भरहो बाहुवली बंभी सुन्दरी ३ । सिज्जंसे णं अरहा चउरासीइं वाससयसहस्साइं सव्वाउयं पालइत्ता सिद्धे जावप्पहीणे ४ । तिविट्ठे णं वासुदेवे चउरासीइं वाससयसहस्साइं सव्वाउयं पालइत्ता अप्पइट्ठाणे नरे नेरइयत्ताए उववन्ने ५ । सकस्स णं देविदस्स देवरन्नो चउरासीइं सामाणियसाहस्सीओ पन्नत्ताओ ६ । सव्वेऽवि णं बाहिरया मंदरा चाउरासीइं (२) जोयणसहस्साइं उड्डं उच्चत्तेण पन्नत्ता ७ । सव्वेऽवि णं अंजणगपव्वया चउरासीइं (२) जोयणसहस्साइं उड्डं उच्चत्तेण पन्नत्ता = । हरिवासरम्मयवासियाणं जीवाणं धणुपिट्ठा चउरासीं जोयणसहस्साइं सोलस जोयणाइं चत्तारि य भागा जोयणस्स परिवखेवेणं पन्नत्ता ८ । पंकवड्डुलस्स णं कगडस्स उवरिल्लाओ चरमंताओ हेट्ठिल्ले चरमंते एस णं चोरासीइ जोयणसयसहस्साइं अवाहाए अंतरे पन्नत्ते १० । विवाहपन्नत्तीए णं भगवतीए चउरासीइं पयसहस्सा पदग्गेणं पन्नत्ता ११ । चोरासीइ नागकुमारावाससयसहस्सा पन्नत्ता १२ । चोरासीइ पइन्नगसहस्साइं पन्नत्ताइं १३ । चोरासीइं जोणिप्पमुहसयसहस्सा पन्नत्ता १४ पुव्वाइयाणं सीमपहेलियापज्जवसाणाणं सट्ठाणट्ठाणंतराणं चोरासीए गुणकारे पन्नत्ते १५ । उसभस्स णं अरहओ चउरासीइ समणसाहस्सीओ होत्था १६ । सव्वेऽवि चउरासीइ विमाणावाससयसहस्सा सत्ताणउइं च सहरसा तेवीसं च विमाणा भवंतीति मक्खायं १७ ॥ सूत्रं = ४ ॥ आयारस्स णं भगवओ सचूलिया-गस्स पंचासीइ उद्देसणकाला पन्नत्ता १ । धायइसगडस्स णं मंदरा पंचासीइ जोयणसहस्साइं सव्वग्गेणं पन्नत्ता २ । रुयए णं मंडलियपव्वए पंचासीइ

जोयणसहस्साइं सव्वग्गेणं पन्नत्ते ३ । नंदणवणस्स णं हेट्ठिल्लाओ चरमंताओ
सोगंधियस्स कंडस्स हेट्ठिल्ले चरमंते एस णं पंचासीइ जोयणसयाइं अवाहाए
अंतरे पन्नत्ते ४ ॥ सूत्रं ८५ ॥

सुविहिस्स णं पुण्णदन्तस्स अरहओ छलसीइ गणा छलसीइ
गणहरा होत्था १ । सुपासस्स णं अरहओ छलसीई वाइसया होत्था २ ।
दोच्चाए णं पुढवीए बहुमज्झदेसभागाओ दोच्चस्स घणोदहिस्स हेट्ठिल्ले
चरमंते एस णं छलसीइ जोयणसहस्साइं अवाहाए अंतरे पन्नत्ते ३
॥सूत्रं ८६ ॥ मंदरस्स णं पव्वयस्स पुरच्छिमिल्लाओ चरमंताओ गोथुभस्स
आवासपव्वयस्स पच्चच्छिमिल्ले चरमंते एस णं सत्तासीइं जोयणसहस्साइं
अवाहाए अंतरे पन्नत्ते १ । मंदरस्स णं पव्वयस्स दक्खिणिल्लाओ चरमंताओ
दग्गभासस्स आवासपव्वयस्स उत्तरिल्ले चरमंते एस णं सत्तासीई जोयणसहस्साइं
अवाहाए अंतरे पन्नत्ते २ । एवं मंदरस्स पच्चच्छिमिल्लाओ चरमंताओ
संखस्सावासपव्वयस्स पुरच्छिमिल्ले चरमंते ३ । एवं चेव मंदरस्स उत्त-
रिल्लाओ चरमंताओ दग्गसीमस्स आवासपव्वयस्स दाहिणिल्ले चरमंते एस
णं सत्तासीई जोयणसहस्साइं अवाहाए अंतरे पन्नत्ते ४ । छराहं कम्मपगडीणं
आइमउवरिल्लवज्जाणं सत्तासीई उत्तरपगडीओ पन्नत्ताओ ५ । महाहिमव-
तकूडस्स णं उवरिमंताओ सोगन्धियस्स कंडस्स हेट्ठिल्ले चरमंते एस णं
सत्तासीइ जोयणसयाइं अवाहाए अंतरे पन्नत्ते ६ । एवं रुप्पिकूडस्सवि ७
॥सूत्रं ८७ ॥ एगमेगस्स णं चंदिमसूरियस्स अट्ठासीइ अट्ठासीइ महग्गहा
परिवारो पन्नत्तो १ । दिट्ठिवायस्स णं अट्ठासीइ सुत्ताइं पन्नत्ताइं तंजहा-
उज्जुसुयं परिणयापरिणयं एवं अट्ठासीइ सुत्ताणि भाणियव्वाणि जहा नंदीए
२ । मंदरस्स णं पव्वयस्स पुरच्छिमिल्लाओ चरमंताओ गोथुभस्स आवास-
पव्वयस्स पुरच्छिमिल्ले चरमंते एस णं अट्ठासीइं जोयणसहस्साइं अवाहाए
अंतरे पन्नत्ते ३ । एवं चउसुवि दिसासु नेयव्वं ४ । बाहिराओ उत्तराओ णं

कट्टाओ सूरिए पढमं छम्मासं अयमाणे चोयालीसइमे मंडलगते अट्टासीति
 इगसट्टिभागे मुहुत्तस्स दिवसखेत्तस्स निबुड्ढेत्ता रयणिखेत्तस्स अभिनिबुड्ढेत्ता
 सूरिए चारं चरइ ५ । दक्खिणकट्टाओ णं सूरिए दोच्चं छम्मासं अयमाणे
 चोयालीसतिमे मंडलगते अट्टासीई इगसट्टिभागे मुहुत्तस्स रयणिखेत्तस्स
 निबुड्ढेत्ता दिवसखेत्तस्स अभिनिबुड्ढित्ता णं सूरिए चारं चरइ ६ ॥ सूत्रं ८८ ॥
 उसभे णं अरहा कोसलिए इमीसे ओसप्पिणीए ततियाए सुसमदूसमाए
 पच्छिमे भागे एगूणणउए अद्धमासेहिं सेसेहिं कालगए जाव सब्बदुक्खप्प-
 हीणे १ । समणे भगवं महावीरे इमीसे ओसप्पिणीए चउत्थाए दूसमसुसमाए
 समाए पच्छिमे भागे एगूणणउइए अद्धमासेहिं सेसेहिं कालगए जाव सब्ब-
 दुक्खप्पहीणे २ । हरिसेणे णं राया चाउरंतक्कवट्ठी एगूणणउइं वाससयाइं
 महाराया होत्था ३ । संतिस्स णं अरहओ एगूणणउइं अज्जासाहस्सीओ
 उकोसिया अज्जियासंपया होत्था ४ ॥ सूत्रं ८९ ॥ सीयले णं अरहा नउइं
 धणूइं उड्डं उच्चत्तेणं होत्था १ । अजियस्स णं अरहओ नउइं गणा नउइं
 गणहरा होत्था २ । एवं संतिस्सवि ३ । सयंभुस्स णं वासुदेवस्स णउइ-
 वासाइं विजए होत्था ४ । सब्बेसि णं वट्ठवेयड्डपव्वथाणं उवरिल्लाओ
 सिहरतलाओ खोगंधियक्कण्डस्स हेट्टिले चरमंते एस णं नउइजोयणसयाइं
 अवाहाए अंतरे पन्नत्ते ५ ॥ सूत्रं ९० ॥

एकाणउई परवेयावच्चकम्मपडिमाओ पन्नत्ताओ १ । कालोए णं
 समुदे एकाणउई जोयणसयसहस्साइं सहियाइं परिवेवेणं पन्नत्ते २ ।
 कुंधुस्स णं अरहओ एकाणउई आहोहियसया होत्था ३ । आउयगोय-
 वज्जाणं छराहं कम्मपगडीणं एकाणउई उत्तरपगडीओ पन्नत्ताओ ४ ।
 ॥ सूत्रं ९१ ॥ बाणउई पडिमाओ पन्नत्ताओ १ । थेरे णं इंदभूति बाणउइ
 वासाइं सब्बाउयं पालइत्ता सिद्धे बुद्धे जावप्पहीणे २ । मंदरस्स णं पव्वयस्स
 बहुमज्झदेसभागाओ गोथुभस्स आवासपव्वयस पच्चच्छिमिल्ले चरमंते

एस गं बाणउइं जोयणसहस्साइं अबाहाए अंतरे पन्नत्ते ३ । एवं चउगहंपि
 आवासपव्वयाणं ४ ॥ सूत्रं १२ ॥ चंदप्पहस्स गं अरहओ तेणउई गणा
 तेणउई गणहरा होत्था १ । संतिस्स गं अरहओ तेणउई चउहसपुव्विसया
 होत्था २ । तेणउईमंडलगते गं सूरिए अतिवट्टमाणे निवट्टमाणे वा समं अहोरत्तं
 विसमं करेइ ३ ॥ सूत्रं १३ ॥ निसहनीलवंतियाओ गं जीवाओ चउण-
 उइ जोयणसहस्साइं एककं छप्पन्नं जोयणसयं दोन्नि य एगूणवीसइभागे
 जोयणस्स आयामेणं पन्नत्ताओ १ । अजियस्स गं अरहओ चउणउइ
 ओहिनाणिसया होत्था २ ॥ सूत्रं १४ ॥ सुपासस्स गं अरहओ पंचाणउइ
 गणा पंचाणउइ गणहरा होत्था १ । जम्बुद्वीवस्स गं दीवस्स चरमंताओ
 चउदिसिं लवणसमुदं पंचाणउइ पंचाणउइ जोयणसहस्साइं ओगाहिता
 चत्तारि महापायालकलसा पन्नत्ता, तंजहा-वलयामुहे केऊए जूयए ईसरे २ ।
 लवणसमुदस्स उभओपासंपि पंचाणउयं पंचाणउयं पदेसाओ उव्वेहुस्सेहपरि-
 हाणीए पन्नत्ताओ ३ । कुंथू गं अरहा पंचाणउइ वाससहस्साइं परमाउयं
 पालइत्ता सिद्धे बुद्धे जाव पहीणे ४ । थेरे गं मोरियपुत्ते पंचाणउइवासाइं
 सव्वाउयं पालइत्ता सिद्धे बुद्धे जावप्पहीणे ५ ॥ सूत्रं १५ ॥

एगमेगस्स गं रन्नो चाउरंतचक्कवट्टिस्स छरणउई छणउई गामको-
 डीओ होत्था १ । वायुकुमाराणं छरणउइ भवणावाससयसहस्सा पन्नत्ता २ ।
 ववहारिए गं दंडे छरणउइ अंगुलाइं अंगुलमाणेणं ३ । एवं धणू नालिया
 जुगे अक्खे मुसलेऽवि हु ४ । अम्भितरओ आइमुहुत्ते छरणउइअंगुलछाए
 पन्नत्ते ५ ॥ सूत्रं १६ ॥ मंदरस्स गं पव्वयस्स पच्चच्छिमिल्लाओ चरमंताओ
 गोथुभस्स गं आवासपव्वयस्स पच्चच्छिमिल्ले चरमंते एस गं सत्ताणउइ
 जोयणसहस्साइं अबाहाए अंतरे पन्नत्ते १ । एवं चउदिसिंपि २ । अट्ठगहं
 कम्मपगडीणं सत्ताणउइ उत्तरपगडीओ पन्नत्ताओ ३ । हरिसेणे गं राया
 चाउरंतचक्कवट्टी देसूणाइं सत्ताणउइ वाससयाइं अगारमज्जे वसित्ता मुंढे

भविता णं जाव पव्वइए ४ ॥ सूत्रं ६७ ॥ नंदणवणस्स णं उवरिल्लाओ
चरमंताओ पंडुयवणस्स हेट्टिले चरमंते एस णं अट्ठाणउइ जोयणसहस्साइं
अवाहाए अंतरे पन्नत्ते १ । मंदरस्स णं पव्वयस्स पच्चच्छिमिल्लाओ चरमं-
ताओ गोथुभस्स आवासपव्वयस्स पुरच्छिमिल्ले चरमंते एस णं अट्ठाणउइ
जोयणसहस्साइं अवाहाए अंतरे पन्नत्ते २ । एवं चउदिसिंपि ३ । दाहिण-
भरहस्स णं धणुप्पिट्ठे अट्ठाणउइ जोयणसयाइं किंचूणाइं आयामेणं
पन्नत्ते ४ । उत्तराओ कट्ठाओ सूरिए पढमं छम्मासं अयमाणे एगूणपन्ना-
सतिमे मण्डलगते अट्ठाणउइ एकसट्ठिभागे मुहुत्तस्स दिवसखेत्तस्स निवुड्ढेत्ता
रयणिखेत्तस्स अभिनिवुड्ढित्ता णं सूरिए चारं चरइ ५ । दक्खिण्णाओ णं
कट्ठाओ सूरिए दोच्चे छम्मासं अयमाणे एगूणपन्नासइमे मंडलगते अट्ठाण-
उइ एकसट्ठिभागे मुहुत्तस्स रयणिखेत्तस्स निवुड्ढेत्ता दिवसखेत्तस्स अभिनिवु-
ड्ढित्ता णं सूरिए चारं चरइ ६ । रेवईपढमजेट्ठापज्जवसाणाणं एगूणवीसाए
नक्खत्ताणं अट्ठाणउइ ताराओ तारग्गेणं पन्नत्ताओ ७ ॥ सूत्रं ६८ ॥
मंदरे णं पव्वए णवणउइ जोयणसहस्साइं उड्ढं उच्चत्तेणं पन्नत्ते १ ।
नंदणवणस्स णं पुरच्छिमिल्लाओ चरमंताओ पच्चच्छिमिल्ले चरमंते एस
णं नवनउइ जोयणसयाइं अवाहाए अंतरे पन्नत्ते २ । एवं दक्खिणिल्लाओ
चरमंताओ उत्तरिल्ले चरमंते एस णं णवणउइ जोयणसयाइं अवाहाए
अंतरे पन्नत्ते ३ । उत्तरे पढमे सूरियमंडले नवनउइजोयणसहस्साइं साइरेगाइं
आयामविवक्खंभेणं पन्नत्ते ४ । दोच्चे सूरियमंडले नवनउइ जोयणसहस्साइं
साहियाइं आयामविवक्खंभेणं पन्नत्ते ५ । तइए सूरियमंडले नवनउइ
जोयणसहस्साइं साहियाइं आयामविवक्खंभेणं पन्नत्ते ६ । इमीसे णं
रयणप्पभाए पुट्ठीए अंजणस्स कंडस्स हेट्टिल्लाओ चरमंताओ वाणमंतर-
भोमेज्जविहाराणं उवरिमंते एस णं नवनउइ जोयणसयाइं अवाहाए अंतरे
पन्नत्ते ७ ॥ सूत्रं ६९ ॥ दसदसमिया णं भिवखुपडिमा एगेणं राइंदियसतेणं

अद्धच्छट्टेहिं भिक्खासतेहिं अहासुत्तं जाव आराहियावि भवइ १ । सय-
भिसया नक्खत्ते एकसयतारे पन्नत्ते २ । सुविही पुप्फदंते गां अरहा एगं
धणुसयं उट्ठं उच्चत्तेणं होत्था ३ । पासे गां अरहा पुरिसादाणीए एकं
वाससयं सव्वाउयं पालइत्ता सिद्धे जावप्पहीणे ४ । एवं थेरेवि अज्ज-
सुहम्मे ५ । सव्वेऽवि गां दीहवेयड्ढपव्वया एगमेगं गाउयसयं उट्ठं उच्चत्तेणं
पन्नत्ता ६ । सव्वेऽवि गां चुल्लहिमवंतसिहरीवासहरपव्वया एगमेगं जोय-
णसयं उट्ठं उच्चत्तेणं पन्नत्ता, एगमेगं गाउयसयं उव्वेहेणं पन्नत्ता ७ ।
सव्वेऽवि गां कंचणगपव्वया एगमेगं जोयणसयं उट्ठं उच्चत्तेणं पन्नत्ता,
एगमेगं गाउयसयं उव्वेहेणं पन्नत्ता, एगमेगं जोयणसयं मूले विक्खंभेणं
पन्नत्ता ८ ॥ सूत्रं १०० ॥

चंदप्पमे गां अरहा दिवड्ढं धणुसयं उच्चत्तेणं होत्था १ । आरणो कप्पे
दिवड्ढं विमाणावाससयं पन्नत्तं २ । एवं अच्चुएऽवि ३ । (१५०) ॥ सूत्रं १०१ ॥
सुपासे गां अरहा दो धणुसया उट्ठं उच्चत्तेणं होत्था १ । सव्वेऽवि गां महा-
हिमवंतरूपीवासहरपव्वया दो दो जोयणसयाइं उट्ठं उच्चत्तेणं पन्नत्ता, दो दो
गाउयसयाइं उव्वेहेणं पन्नत्ता २ । जम्बुदीवे गां दीवे दो कंचणपव्वयसया
पन्नत्ता ३ (२००) ॥ सूत्रं १०२ ॥ पउमप्पमे गां अरहा अट्ठाइज्जाइं धणुस-
याइं उट्ठं उच्चत्तेणं होत्था १ । असुरकुमाराणं देवाणं पासायवडिसगा
अट्ठाइज्जाइं जोयणसयाइं उट्ठं उच्चत्तेणं पन्नत्ता २ (२५०) ॥ सूत्रं १०३ ॥
सुमई गां अरहा तिगिण धणुसयाइं उट्ठं उच्चत्तेणं होत्था १ । अरिट्टुनेमी गां
अरहा तिगिण वाससयाइं कुमारवासमज्जे वसित्ता मुंडे भवित्ता जाव
पव्वइए २ । वेमाणियाणं देवाणं विमाणपागारा तिगिण तिगिण जोयण-
सयाइं उट्ठं उच्चत्तेणं पन्नत्ता ३ । समणस्स भगवओ महावीरस्स तिन्नि सयाणि
चोदसपुव्वीणं होत्था, पंचधणुसइयस्स गां अंतिमसारीरियस्स सिद्धिगयस्स
सातिरेगाणि तिगिण धणुसयाणि जीवप्पदेसोगाइणा पन्नत्ता ४ (३००)

॥ सूत्रं १०४ ॥ पासस्स णं अरहत्थो पुरिसादाणीयस्स अद्दुट्टसयाइं चोदस-
पुव्वीणं संपया होत्था १ । अभिनंदणे णं अरहा अधुट्ठाइं धणुसयाइं उट्ठं
उच्चत्तेणं होत्था २ (३५०) ॥ सूत्रं १०५ ॥

संभवे णं अरहा चत्तारि धणुसयाइं उट्ठं उच्चत्तेणं होत्था १ । सव्वे-
ऽवि णं णिसदनीलवंता वासहरपव्वया चत्तारि चत्तारि जोयणसयाइं उट्ठं
उच्चत्तेणं चत्तारि चत्तारि गाउयसयाइं उव्वेहेरां पन्नत्ता २ । सव्वेऽवि रां
वक्खारपव्वया णिसदनीलवंतवासहरपव्वयए रां चत्तारि चत्तारि जोयणसयाइं
उट्ठं उच्चत्तेरां चत्तारि चत्तारि गाउयसयाइं उव्वेहेरां पन्नत्ते ३ । आणयपाणा-
णएसु दोसु कप्पेसु चत्तारि विमाणसया पन्नत्ता ४ । समणस्स रां भगवत्थो
महावीरस्स चत्तारि सया वाईरां सदेवमणुयासुरंमि लोगंमि वाए अपराजियारां
उकोसिया वाइसंपया होत्था (४००) ॥ सूत्रं १०६ ॥ अजिते रां अरहा
अद्धपंचमाइं धणुसयाइं उट्ठं उच्चत्तेरां होत्था १ । सगरे रां राया चाउरंतच-
क्कवट्ठी अद्धपंचमाइं धणुसयाइं उट्ठं उच्चत्तेरां होत्था २ (४५०) ॥ सूत्रं १०७ ॥
सव्वेऽवि रां वक्खारपव्वय सीआ सीओआओ महानईओ मंदरपव्वयंतैरां
पंच पंच जोयणसयाइं उट्ठं उच्चत्तेरां पंच पंच गाउयसयाइं उव्वेहेरां पन्नत्ताओ
१ । सव्वेऽवि रां वासहरकूडा पंच पंच जोयणसयाइं उट्ठं उच्चत्तेरां होत्था, मूले
पंच पंच जोयणसयाइं विक्खंभेरां पन्नत्ता २ । उसभे रां अरहा कोसलिए पंच
धणुसयाइं उट्ठं उच्चत्तेरां होत्था ३ । भरहे रां राया चाउरंतचक्कवट्ठी पंचधणु-
सयाइं उट्ठं उच्चत्तेरां होत्था ४ । सोमणसगंधमादणविज्जुप्पभ-मालवंताणं
वक्खारपव्वयाणं मंदरपव्वयंतैरां पंच (२) जोयणसयाइं उट्ठं उच्चत्तेरां पंच पंच
गाउयसयाइं उव्वेहेरां पन्नत्ता ५ । सव्वेऽवि रां वक्खारपव्वयकूडा हरिहरिस्स-
हकूडवज्जा पंच पंच जोयणसयाइं उट्ठं उच्चत्तेरां मूले पंच पंच जोयणसयाइं
आयामविक्खंभेरां पन्नत्ता ६ । सव्वेऽवि रां नंदणकूडा बलकूडवज्जा पंच पंच
जोयणसयाइं उट्ठं उच्चत्तेरां मूले पंच पंच जोयणसयाइं आयामविक्खंभेरां

पन्नत्ता ७ । सोहम्मीसाणेण कप्पेसु विमाणा पंच (२) जोयणसयाइं उड्डं उच्चत्तेणां पन्नत्ता ८ (५००) ॥ सूत्रं १०८ ॥ सणाकुमारमाहिंदेसु कप्पेसु विमाणा छजोयणसयाइं उड्डं उच्चत्तेणां पन्नत्ता १ । चुलहिमवंतकूडस्स उवरिल्लाओ चरमंताओ चुलहिमवंतस्स वासहरपव्वयस्स समधरणितले एस गां छ जोयणसयाइं अवाहाए अंतरे पन्नत्ते २ । एवं सिहरीकूडस्सवि ३ । पासस्स गां अरहओ छ सया वाईणां सदेवमणुयासुरे लोय वाए अपराजियाणां उक्कोसिया वाईसंपया होत्था ४ । अभिचंदे गां कुलगरे छ धणुसयाइं उड्डं उच्चत्तेणां होत्था ५ । वासुपुज्जे गां अरहा छहिं पुरिससएहिं सद्धिं मुंडे भवित्ता अगाराओ अणुगारियं पव्वइए ६ । (६००) ॥ सूत्रं १०९ ॥ बंभलंतएसु कप्पेसु विमाणा सत्त सत्त जोयणसयाइं उड्डं उच्चत्तेणां पन्नत्ता १ । समणस्स गां भगवओ महावीरस्स सत्त जिणसया होत्था २ । समणस्सगां भगवओ महावीरस्स सत्त वेउव्वियसया गां होत्था ३ । अरिट्टिनेमी गां अरहा सत्त वाससयाइं देसूणाइं केवलपरियागं पाउणित्ता सिद्धे बुद्धे जावप्पहीणे ४ । महाहिमवंतकूडस्स गां उवरिल्लाओ चरमंताओ महाहिमवंतस्स वासहरपव्वयस्स समधरणितले एस गां सत्त जोयणसयाइं अवाहाए अंतरे पन्नत्ते ५ । एवं रुप्पिकूडस्सवि ६ (७००) सूत्रं ११० ॥

महासुक्कसहस्सारेसु दोसु कप्पेसु विमाणा अट्ट जोयणसयाइं उड्डं उच्चत्तेणां पन्नत्ता १ । इमीसे गां रयणप्पभाए पुढवीए पढमे कंडे अट्टसु जोयणसएसु वाणमंतरभोमेज्जविहारा पन्नत्ता २ । समणस्स गां भगवओ महावीरस्स अट्टसया अणुत्तरोववाइयाणां देवाणां गइक्कलाणाणां ठिइक्कलाणाणां आगमेसि-
भदाणां उक्कोसिया अणुत्तरोववाइयसंपया होत्था ३ । इमीसे गां रयणप्पभाए पुढवीए बहुसमरमणिज्जाओ भूमिभागाओ अट्टहिं जोयणसएहिं सूरिए चारं चरति ४ । अरहओ गां अरिट्टिनेमिस्स अट्ट सयाइं वाईणां सदेवमणुयासुरंमि लोगंमि वाए अपराजियाणां उक्कोसिया वाईसंपया होत्था ५ (८००)

॥ सूत्रं १११ ॥ आणयपाणयआरणअच्चुएसु कप्पेसु विमाणा नव नव जोयणसयाइं उड्डं उच्चत्तेणं पन्नत्ता १ । निसदकूडस्स गां उवरिल्लाओ सिहरतलाओ णिसदस्स वासहरपव्वयस्स समे धरणितले एस गां नव जोयणसयाइं अवाहाए अंतरे पन्नत्ते २ । एवं नीलवंतकूडस्सवि ३ । विमलवाहणे गां कुलगरे गां नव धणसयाइं उड्डं उच्चत्तेणं होत्था ४ । इमीसे गां रयणप्पभाए बहुसमरमणिज्जाओ भूमिभागाओ नवहिं जोयणसएहिं सव्वुवरिमे तारारूवे चारं चरइ ५ । निसदस्स गां वासहरपव्वयस्स उवरिल्लाओ सिहरतलाओ इमीसे गां रयणप्पभाए पुट्ठीए पटमस्स कंडस्स बहुमज्झदेसभाए एस गां नव जोयणसयाइं अवाहाए अंतरे पन्नत्ते ६ । एवं नीलवंतस्सवि ७ (१००) ॥ सूत्रं ११२ ॥ सव्वेऽवि गां गेवेज्जविमाणे दस दस जोयणसयाइं उड्डं उच्चत्तेणं पन्नत्ते १ । सव्वेऽवि गां जमगपव्वया दस दस जोयणसयाइं उड्डं उच्चत्तेणं पन्नत्ता, दस दस गाउयसयाइं उव्वेहेणं पन्नत्ता, मूले दस दस जोयणसयाइं आयामविवस्वंभेणं पन्नत्ता २ । एवं चित्तविचित्तकूडावि भाणियव्वा ३ । सव्वेऽवि गां वट्टवेयड्डपव्वया दस दस जोयणसयाइं उड्डं उच्चत्तेणं पन्नत्ता, दस दस गाउयसयाइं उव्वेहेणं पन्नत्ता, मूले दस दस जोयणसयाइं विवस्वंभेणं पन्नत्ता ४ । सव्वत्थ समा पल्लगसंठाणसंठिया पन्नत्ता ५ । सव्वेऽवि गां हरिहरिस्सहकूडा ववस्वारकूडवज्जा दस दस जोयणसयाइं उड्डं उच्चत्तेणं पन्नत्ता, मूले दस जोयणसयाइं विवस्वंभेणं ६ । एवं बलकूडावि नंदएकूडवज्जा ७ । अरहावि(णं) अरिट्टनेमी दस वाससयाइं सव्वाउयं पालइत्ता सिद्धे बुद्धे जाव सव्वदुक्खप्पहीणे ८ । पासस्स गां अरहओ पुरिसादानीयस्स दस सयाइं जिणाणं होत्था ९ । पासस्स गां अरहओ दस अन्तेवासीसयाइं कालागयाइं जाव सव्वदुक्खप्पहीणाइं १० । पउमदहपुंडरीयदहा य दस दस जोयणसयाइं आयामेणं पन्नत्ता ११ (१०००) ॥ सूत्रं ११३ ॥ अणुत्तरोववाइयाणं देवाणं विमाणा एकारस जोयणसयाइं उड्डं उच्चत्तेणं पन्नत्ता १ । पासस्स गां

अरहत्रो पुरिसादानीयस्स इकारस सयाइं वेउन्वियाणं होत्था २ (११००)
 ॥ सूत्रं ११४ ॥ महापउममहापुंढरीयदहा णं दो दो जोयणसहस्साइं
 आयामेणं पन्नत्ता (२०००) ॥ सूत्रं ११५ ॥ इमीसे णं रयणप्पभाए
 पुढवीए वइरकंडस्स उवरिल्लात्रो चरमंतात्रो लोहियक्खकंडस्स हेट्ठिल्ले
 चरमंते एस णं तिन्नि जोयणसहस्साइं अवाहाए अंतरे पन्नत्ते (३०००)
 ॥ सूत्रं ११६ ॥ तिगिच्छिकेसरिदहाणं चत्तारि चत्तारि जोयणसहस्साइं
 आयामेणं पन्नत्ता (४०००) ॥ सूत्रं ११७ ॥ धरणितले मंदरस्स णं
 पव्वयस्स बहुमज्झदेसभाए रुयगनाभीओ चउदिसिं पञ्च (२) जोयणसहस्साइं
 अवाहाए अंतरे मंदरपव्वए पन्नत्ते (५०००) ॥ सूत्रं ११८ ॥ सहस्सारे
 णं कप्पे छ विमाणावाससहस्सा पन्नत्ते (६०००) ॥ सूत्रं ११९ ॥ इमीसे
 णं रयणप्पभाए पुढवीए रयणस्स कंडस्स उवरिल्लात्रो चरमंतात्रो पुत्तगस्स
 कंडस्स हेट्ठिल्ले चरमंते एस णं सत्त जोयणसहस्साइं अवाहाए अंतरे
 पन्नत्ते (७०००) ॥ सूत्रं १२० ॥ हरिवासरम्मयाणं वासा अट्ठ जोयण-
 सहस्साइं सागरेगाइं वित्थरेणं पन्नत्ता (८०००) ॥ सूत्रं १२१ ॥
 दाहिणद्धभरहरस णं जीवा पाईणपडीणायया दुहत्रो समुद्दं पुट्ठा नव
 जोयणसहस्साइं आयामेणं पन्नत्ता (९०००) ॥ सूत्रं १२२ ॥ मंदरे णं
 पव्वए धरणितले दस जोयणसहस्साइं विक्खंभेणं पन्नत्ते (१००००)
 ॥ सूत्रं १२३ ॥ जम्बूदीवेणं दीवे एगं जोयणसयसहस्सं आयामविक्खंभेणं पन्नत्ते
 (१०००००) ॥ सूत्रं १२४ ॥ लवणे णं समुद्दे दो जोयणसयसहस्साइं
 चक्कवालविक्खंभेणं पन्नत्ते (२०००००) ॥ सूत्रं १२५ ॥ पासस्स णं
 अरहत्रो तिन्नि सयसाहस्सीओ सत्तावीसं च सहस्साइं उक्कोसिया साविद्या-
 संपया होत्था (३०००००) ॥ सूत्रं १२६ ॥ धायइक्खंडे णं दीवे चत्तारि
 जोयणसयसहस्साइं चक्कवालविक्खंभेणं पन्नत्ते (४०००००) ॥ सूत्रं १२७ ॥
 लवणस्स णं समुद्दस्स पुरच्छिमिल्लात्रो चरमंतात्रो पच्चच्छिमिल्ले चरमंते

एसं गं पंच जोयणसयसहस्साइं अवाहाए अंतरे पन्नत्ते (५०००००)
 ॥ सूत्रं १२८ ॥ भरहे गं राया चाउरंतचक्कवट्टी छ पुव्वसयसहस्साइं
 रायमज्जे वसित्ता मुंडे भवित्ता अगाराओ अणगारियं पव्वइए
 (६०००००) ॥ सूत्रं १२९ ॥ जम्बूदीवस्स गं दीवस्स
 पुरच्छिमिल्लोओ वेइयंताओ धायइखंडचक्कवालस्स पव्वच्छिमिल्ले चरमंते
 सत्त जोयणसयसहस्साइं अवाहाए अंतरे पन्नत्ते, (७०००००)
 ॥ सूत्रं १३० ॥ माहिंदे गं कप्पे अट्ट विमाणावाससयसहस्साइं पन्नत्ते,
 (८०००००) ॥ सूत्रं १३१ ॥ अजियस्स गं अरहओ साइरेगाइं नव
 ओहिनाणिसहस्साइं होत्था (९०००००) ॥ सूत्रं १३२ ॥ पुरिससीहे गं
 वासुदेवे दस वाससयसहस्साइं सव्वाउयं पालइत्ता पञ्चमाए पुट्ठीए नेरइएसु
 नेरइयत्ताए उववन्ने (१००००००) ॥ सूत्रं १३३ ॥ समणे भगवं
 महावीरे तित्थगरभवग्गहणाओ छट्ठे पोट्टिलभवग्गहणे एगं वासकोडिं
 सामन्नपरियागं पाउणित्ता सहस्सारे कप्पे सव्वट्टविमाणे देवत्ताए उववन्ने
 (१०००००००) ॥ सूत्रं १३४ ॥ उसभसिरिस्स भगवओ चरिमस्स य
 महावीरवद्धमाणस्स एगा सागरोवमकोडाकोडी अवाहाए अंतरे पन्नत्ते
 (१०००००००००००००००) ॥ सूत्रं १३५ ॥

दुवालसंगे गणिपिडगे पन्नत्ते, तंजहा-आयारे सूयगडे ठाणे समवाए
 विवाहपन्नत्ती णायाधम्मकहाओ उवासगदसाओ अंतगडदसाओ अणुत्तरो-
 ववाइयदसाओ पगहावागरणाइं विवागसुए दिट्ठिवाए १ । से किं तं आयारे ?
 आयारे गं समणाणं निग्गंथाणं आयारगोयर-विणयवेणइयट्ठाण-गमणचंकम
 णपमाणजोगजुंजण-भासासमितिगुत्ती-सेजोवहि-भत्तपाण-उरगमउप्पायण-एस-
 णाविसोहि-सुद्धासुद्धग्गहण-वयणियम-तवोवहाण-सुप्पसत्थमाहिज्जइ २ ।
 से समासओ पञ्चविहे पन्नत्ते, तंजहा-णाणायारे दंसणायारे चरित्तायारे
 तवायारे विरियायारे ३ । आयारस्स गं परिता वायणा संखेज्जा अणु-

योगदारा संखेज्जाओ पडिवत्तीओ संखेज्जा वेढा संखेज्जा सिलोगा संखेज्जाओ निज्जुत्तीओ ४ । से णं अंगट्टयाए पढमे अंगे दो सुयक्खंधा पणवीसं अज्झयणा पंचासीइं उद्देसणकाला पंचासीइं समुद्देसणकाला अट्टारस पदसहस्साइं पदग्गेणं संखेज्जा अक्खरा अणंता गमा अणंता पज्जवा परित्ता तसा अणंता थावरा सासया कडा निबद्धा णिकाइया जिणपराणत्ता भावा आघविज्जंति पराणविज्जंति परूविज्जंति दंसिज्जंति निदंसिज्जंति उवदंसिज्जंति ५ । से एवं णाया एवं विराणाया एवं चरणकरणपरूवणया आघविज्जंति पराणविज्जंति परूविज्जंति दंसिज्जंति निदंसिज्जंति उवदंसिज्जंति ६ । से तं आयारे ७ ॥ सूत्रं १३६ ॥ से किं तं सूअगडे ? सूअगडे णं ससमया सूइज्जंति परसमया सूइज्जंति ससमयपरसमया सूइज्जंति जीवा सूइज्जंति अजीवा सूइज्जंति जीवाजीवा सूइज्जंति लोगो सूइज्जंति अलोगो सूइज्जंति लोगालोगो सुइज्जंति १ । सूअगडे णं जीवाजीव-पुण्णपावासव-संवरनिज्जरण-बंधमोक्खावसाणा पयत्था सुइज्जंति २ । समणाणं अचिरकालपव्वइयाणं कुसमयमोह-मोहमइमोहियाणं संदेहजाय-सहजबुद्धिपरिणाम-संसइयाणं पावकरमलिन-मइगुणविसोहणत्थं असीअस्स किरियावाइयसयस्स चउरासीए अकिरियवाईणं सत्तट्ठीए अराणाणियवाईणं बत्तीसाए वेणइयवाईणं तिगहं तेवट्ठीणं अराणादिट्ठियसयाणं बूहं किच्चा ससमए ठाविज्जंति णाणादिट्ठंतवयणणिस्सारं सुट्ठु दरिसयंता विविहवित्थराणुगमपरमसम्भाव-गुणविसिट्ठा मोक्खपहोयारणा उदारा अराणाणतमंधकारदुग्गेसु दीवभूआ सोवाणा चेव सिद्धिसुगइगिहुत्तमस्स णिक्खोभनिष्पक्का सुत्तत्था २ । सुयगडस्स णं परित्ता वायणा संखेज्जा अणुयोगदारा संखेज्जाओ पडिवत्तीओ संखेज्जा वेढा संखेज्जा सिलोगा संखेज्जाओ निज्जुत्तीओ ३ । से णं अङ्गट्टयाए दोच्चे अंगे दो सुयक्खंधा तेवीसं अज्झयणा तेत्तीसं उद्देसणकाला तेत्तीसं समुद्देसणकाला वत्तीसं पदसहस्साइं पयग्गेणं पन्नत्ताइं ४ । संखेज्जा

अक्खरा अण्ता गमा अण्ता पज्जवा परित्ता तसा अण्ता थावरा सासया कडा णिबद्धा णिकाइया जिणपराणत्ता भावा आघविज्जंति पराणविज्जंति परूविज्जंति निदंसिज्जंति उवदंसिज्जंति ५ । से एवं आया एवं गाया एवं विराणाया एवं चरणकरणपरूवणाया आघविज्जंति पराणविज्जंति परूविज्जंति निदंसिज्जंति उवदंसिज्जंति ६ । से तं सूअगडे (२) ७ ॥ सूत्रं १३७ ॥

से किं तं ठाणे ? ठाणेणं ससमया ठविज्जंति परसमया ठविज्जंति ससमय-परसमया ठविज्जंति जीवा ठविज्जंति अजीवा ठविज्जंति जीवाजीवा ठविज्जंति लोगा ठविज्जंति अलोगा ठविज्जंति लोगालोगा ठविज्जंति १ ।

ठाणेणं दव्वगुणखेत्तकालपज्जव-पयत्थाणं—सेला सलिला य समुद्दा सूरभव-णविमाण अगार णदीओ । णिहिओ पुरिसजाया (पस्सजोया) सरा य गोत्ता य जोइसंचाला ॥ १ ॥ एकविहवत्तव्वयं दुविह जाव दसविहवत्तव्वयं जीवाण पोग्गलाण य लोगट्ठाइं च णं परूवणाया आघविज्जंति जाव उवदंसिज्जंति २ । ठाणस्स णं परित्ता वायणा संखेज्जा अणुओगदारा संखेज्जाओ पडिवत्तीओ संखेज्जा वेढा संखेज्जा सिलोगा संखेज्जाओ संगहणीओ ३ । से णं अंगट्ठयाए तइए अंगे एगे सुअक्खंधे दस अज्झयणा एकवीसं उद्देसण-काला बावत्तरिं पयसहस्साइं पयग्गेणं पन्नत्ताइं ४ । संखेज्जा अक्खरा अण्ता पज्जवा परित्ता तसा अण्ता थावरा सासया कडा णिबद्धा णिकाइया जिणपराणत्ता भावा आघविज्जंति पराणविज्जंति परूविज्जंति निदंसिज्जंति उवदंसिज्जंति ५ । से एवं आया एवं गाया एवं विराणाया एवं चरणकरणपरूवणाया आघविज्जंति जाव उवदंसिज्जंति ६ । सेत्तं ठाणे (३) ७ ॥ सूत्रं १३८ ॥

से किं तं समवाए ? समवाएणं ससमया सूइज्जंति परसमया सूइज्जंति ससमयपरसमया सूइज्जंति जाव लोगालोगा सूइज्जंति १ । समवाएणं एकाइयाणं एगट्ठाणं एगुत्तरियपरिवुट्ठीए दुवालसंगस्स य गणिपिडगस्स पल्लवग्गे समणुगाइज्जइ ठाणगसयस्स बारसविहवित्थरस्स सुयणाणस्स

जगजीवहियस्स भगवओ समासेणं समोयारे आहिज्जति २ । तत्थ य
 णाणाविहप्पगारा जीवाजीवा य वरिणया वित्थरेण अवरेऽवि अ बहुविहा
 विसेसा नरगतिरियमणुअसुरगणाणं आहारुस्सासलेसा-आवाससंखआययप्प-
 माण-उववायचवणउग्गहणोवहि-वेयणविहाण-उवओगजोगइंदियकसाय विविहा
 य जीवजोणी विक्खंभुस्सेहपरिरयप्पमाणं विहिविसेसा य मंदरादीणां मही-
 धराणां कुलगरतिथगरगणहराणां सम्भत्तभरहाहिवाण चकीणां चेव चक्कर-
 हलहराण य वासाण य निगमा य समाए एए अराणे य एवमाइ एत्थ
 वित्थरेणं अत्था समाहि(मवा)ज्जंति ३ । समवायस्स णं परित्ता वायणा
 जाव से णं अङ्गट्टयाए चउत्थे अंगे एगे अज्झयणे एगे सुयक्खंधे एगे
 उद्देसणकाले एगे चउयाले पदसहस्से पदग्गेणं पन्नत्ते ४ । संखेज्जाणि
 अक्खराणि जाव चरणकरणपरूवणाया आघविज्जंति जाव उवदंसिज्जंति
 ५ । से त्तं समवाए ६ ॥ सूत्रं १३६ ॥ से किं तं वियाहे ? वियाहेणं
 ससमया विआहिज्जंति परसमया विआहिज्जंति ससमयपरसमया विआ-
 हिज्जंति जीवा विआहिज्जंति अजीवा विआहिज्जंति जीवाजीवा विआ-
 हिज्जंति लोगे विआहिज्जइ अलोए वियाहिज्जइ लोगालोगे विआहिज्जइ १ ।
 वियाहेणं नाणाविहसुरनरिंद-रायरिसि-विविहसंसइअपुच्छियाणां जिणेणं
 वित्थरेण भासियाणां दव्वगुणखेत्तकाल-पज्जवपदेसपरिणाम-जहच्छिट्ठियभाव-
 अणुगमनिक्खेव-णयप्पमाण-सुनिउणोवक्कम-विविहप्पकार-पगडपयासियाणां
 लोगालोगपयासियाणां संसारसमुद्द-रुंदउत्तरणसमत्थाणां सुरवइसंपूजियाणां
 भवियजणपयहिययाभिनंदियाणां तमरयविद्धंसणाणां सुदिट्ठदीवभूय ईहामतिबु-
 द्धिवद्धणाणां छत्तीससहस्समणूयाणां वागरणाणां दंसणाओ सुयत्थबहुविह-
 प्पगारा सीसहियत्था य गुण(म)हत्था २ । वियाहस्स णं परित्ता
 वायणा संखेज्जा अणुओगदारा संखेज्जाओ पडिवत्तीओ संखेज्जा वेदा संखेज्जा
 सिलोगा संखेज्जाओ निज्जुत्ती(सज्जहणी)ओ ३ । से णं अंगट्टयाए पञ्चमे

अंगे एगे सुयवखंधे एगे साइरेगे अज्भयणासते दस उद्देसगसहस्साइं दस समुद्देसगसहस्साइं छत्तीसं वागरणसहस्साइं चउरासीई पयसहस्साइं पयग्गेणं पराणत्ता ४ । संखेजाइं अक्खराइं अणंता गमा अणंता पज्जवा परित्ता तसा अणंता थावरा सासया कडा णिवद्धा णिकाइया जिणपराणत्ता भावा आघविज्जंति पराणविज्जंति परूविज्जंति निदंसिज्जंति उवदंसिज्जंति ५ । से एवं आया से एवं णाया एवं विराणाया एवं चरणकरणपरूवणाया आघविज्जंति जाव उवदंसिज्जंति ६ । सेत्तं वियाहे (५) ७ ॥ सूत्रं १४० ॥

से किं तं णायाधम्मकहाओ ? णायाधम्मकहासु णं णायाणं णगराइं उज्जाणाइं चेइआइं वणखंडा रायाणो ५ अम्मापियरो समोसरणाइं धम्मायरिया धम्मकहाओ इहलोइयपरलोइअइड्डीविसेसा १० भोगपरिचाया पव्वजाओ सुयपरिग्गहातवोवहाणाइं परियागा १५ संलेहणाओ भत्तपच्चक्खाणाइं पाओवगमणाइं देवलोगगमणाइं सुकुलपचायायाइं २० पुणबोहिलाभा अंतकिरियाओ २२ य आघविज्जंति जाव नायाधम्मकहासु णं पव्वइयाणं (समणाणं) विणायकरणजिणसामिसासण(प)वरे संजमपईरण(पालण)धिइमइववसायदुब्बलाणं १ तवनियमतवोवहाणरणदुद्धरभरभरगयणिस्सहयणिसिट्ठाणं २ घोरपरीसहपराजियाणं सहपरुद्धरुद्ध(पराजियासहपारद्ध) सिद्धालयमग्गनिग्गयाणं ३ विसयसुह(महेच्छा)तुच्छआसावसदोसमुच्छियाणं ४ विराहियचरित्तनाणदंसणजइगुणविविहप्पयारनिस्सारसुन्नयाणं ५ संसारअपारदुक्खदुग्गइभवविविहपरंपरापवंचा ६ धीराण य जियपरिसहकसायसेराणधिइधणियसंजमउच्छाहनिच्छियाणं ७ आराहियनाणदंसणचरित्तजोगनिस्सल्लसुद्धसिद्धालयमग्गमभिमुहाणं सुरभवणविमाणसुक्खाइं अणोवमाइं भुत्तूण चिरं च भोगभोगाणि ताणि दिव्वाणि महरिहाणि ततो य कालक्कमचुयाणं जह य पुणो लद्धसिद्धिमग्गाणं अंतकिरिया चलियाण य सदेवमाणस्सधीरकरणकारणाणि बोधणअणुसासणाणि गुणदोसदरिसणाणि

दिट्ठंते पचये य सोऊण लोगमुणिणो जहट्टियसासणम्मि जरमरणनासणकरे
 आराहिअसंजमा य सुरलोगपडिनियत्ता ओवेन्ति जह सासयं सिवं सब्व-
 दुक्खमोक्खं १ । एए अरणो य एवमाइअत्था वित्थरेण य, गायाधम्म-
 कहासु णं परित्ता वायणा संखेज्जा अणुओगदारा जाव संखेज्जाओ संगह-
 णीओ २ । से णं अंगट्टयाए ळट्टे अंगे दो सुअक्खंधा एगूणवीसं अज्झ-
 यणा, ते समासओ दुविहा पराणत्ता, तंजहा—चरिता य कप्पिया य ३ ।
 दस धम्मकहाणं वग्गा, तत्थ णं एगमेगाए धम्मकहाए पंच पंच अक्खाइया-
 सयाइं एगमेगाए अक्खाइयाए पंच पंच उवक्खाइयासयाइं एगमेगाए उव-
 क्खाइयाए पंच पंच अक्खाइयउवक्खाइयासयाइं एवमेव सपुव्वावरेणं
 अट्ठुट्ठाओ अक्खाइयाकोडीओ भवंतीति मक्खायाओ ४ । एएगूणतीसं
 उद्देसणकाला एगूणतीसं समुद्देसणकाला संखेज्जाइं पयसहस्साइं पयग्गेणं
 पराणत्ता संखेज्जा अक्खरा जाव चरणकरणापरूवणाया आघविज्जंति
 जाव उवदंसिज्जंति ५ । सेत्तं गायाधम्मकहाओ (६) ६ ॥ सूत्रं १४१ ॥
 से किं तं उवासगदसाओ ? उवासगदसासु णं उवासयाणं णगराइं उज्जा-
 णाइं चेइआइं वणखंडा रायाणो अम्मापियरो समोसरणाइं धम्मायरिया
 धम्मकहाओ इहलोइयपरलोइयइट्ठिविसेसा उवासयाणं सीलव्वयवेरमणगु-
 णपच्चक्खाणपोसहोववासपडिवज्जणायाओ सुयपरिग्गहा तवोवहाणा पडिमाओ
 उवसग्गा संलेहणाओ भत्तपच्चक्खाणाइं पाओवगमणाइं देवलोगगमणाइं
 सुकुलपच्चायाया पुणो बोहिलाभा अंतकिरियाओ आघविज्जंति, उवासगद-
 सासु णं उवासयाणं रिद्धिविसेसा परिसा वित्थरधम्मसवणाणि बोहिलाभ-
 अभिगमसम्मत्तविसुद्धया थिरत्तं मूलगुणउत्तरगुणाइयारा ठिईविसेसा य
 बहुविसेसा पडिमाभिग्गहग्गहणपालणा उवसग्गाहियासणा णिरुवसग्गा य
 तवा य विचित्ता सीलव्वयगुणवेरमणपच्चक्खाणपोसहोववासा अपच्छिम्ममार-
 णंतियसंलेहणाभोसणाहिं अप्पाणं जह य भावइत्ता बहूणि भत्ताणि अणस-

णाए य छेअइत्ता उववराणा कप्पवरविमाणुत्तमेसु जह अणुभवन्ति सुरवरवि-
 माणवरपोंडरीएसु सोक्खाइं अणोवमाइं कमेण भुत्तूण उत्तमाइं तथो आउ-
 क्खएणं चुया समाणा जह जिणमयम्मि बोहिं लद्धूण य संजमुत्तमं तमरयोघ-
 विप्पमुक्का उव्वेति जह अक्खयं सव्वदुक्खमोक्खं १ । एते अन्ने य एवमाइ-
 अत्था वित्थरेण य २ । उवासयदसासु णं परित्ता वायणा संखेज्जा अणु-
 योगदारा जाव संखेज्जाओ संगहणीओ ३ । से णं अंगट्टयाए सत्तमे अंगे
 एगे सुयक्खंधे दस अज्झयणा दस उद्देसणकाला दस समुद्देसणकाला
 संखेज्जाइं पयसयसहस्साइं पयग्गेणं पन्नत्ताइं ४ । संखेज्जाइं अक्खराइं जाव
 एवं चरणकरणापरूवणाया आघविज्जन्ति जाव उवदंसिज्जन्ति ५ । सेत्तं
 उवासगदसाओ (७) ६ ॥ सूत्रं १४२ ॥ से किं तं अंतगडदसाओ ?
 अंतगडदसासु णं अंतगडाणं णगराइं उज्जाणाइं चेइयाइं वणाइं राया
 अम्मापियरो समोसरणा धम्मायरिया धम्मकहा इहलोइयपरलोइअइड्ढि विसेसा
 भोगपरिच्चाया पव्वज्जाओ सुयपरिग्गहा तवोवहाणाइं पडिमाओ बहु-
 विहाओ खमा अज्जवं मइवं च सोअं च सच्चसहियं सत्तरसविहो य संजमो
 उत्तमं च बंभं आकिंचणाया तवो चियाओ समिइगुत्तीओ चेव तह अप्पमा-
 यजोगो सज्झायज्झाणेण य उत्तमाणां दोरहंपि लक्खणाइं पत्ताण य
 संजमुत्तमं जियरीसहाणां चउव्विहकम्मक्खयम्मि जह केवलस्स लंभो
 परियाओ जत्तिओ य जह पालिओ मुणिहिं पायोवगओ य जो जहिं
 जत्तियाणि भत्ताणि छेअइत्ता अंतगडो मुनिवरो तमरयोघविप्पमुक्को मोक्ख-
 सुहमणांतरं च पत्ता एए अन्ने य एवमाइअत्था वित्थारेणं परूवेई(विज्जन्ति),
 अंतगडदसासु णं परित्ता वायणा संखेज्जा अणुयोगदारा जाव संखेज्जाओ
 संगहणीओ २ । जाव से णं अंगट्टयाए अट्टमे अंगे एगे सुयक्खंधे दस अज्झ-
 यणा सत्तवग्गा दस उद्देसणकाला दस समुद्देसणकाला संखेज्जाइं पयसयसह-
 स्साइं पयग्गेणं पणत्ता संखेज्जा अक्खरा जाव एवं चरणकरणापरूवणाया

आघविज्जंति जाव उवदंसिज्जंति ३ । सेत्तं अंतगडदसाओ (८) ४ । सूत्रं १ ४ ३ ॥
 से किं तं अणुत्तरोववाइयदसाओ ? अणुत्तरोववाइयदसाओ णं अणुत्तरोववाइ-
 याणं नगराणं उज्जाणाणं चेइयाणं वणखंडा रायाणो अम्मापियरो समोसरणाणं
 धम्मायरिया धम्मकहाओ इहलोगपरलोगइड्डिविसेसा भोगपरिचाया पव्व-
 जाओ सुयपरिग्गहा तवोवहाणाणं परियागो पडिमाओ संलेहणाओ भत्तपाण-
 पच्चक्खाणाणं पाओवगमणाणं अणुत्तरोववाओ सुकुलपचायाया पुणो बोहिलाभो
 अंतकिरियाओ य आघविज्जंति १ । अणुत्तरोववाइयदसाओ णं तित्थकरस-
 मोसरणाणं यरमंगलजगहियाणि जिणातिसेसा य बहुविसेसा जिणसीसाणं चेव
 समणगणपवरगंधहत्थीणं थिरजसाणं परिसहसेराणरिउवलपमहणाणं तव(दव)-
 दित्तचरित्ताणसम्मत्तसारविविहप्पगारवित्थरपसत्थगुणसंजुयाणं(गुणउभयाणं)
 अणगारमहरिसीणं अणगारगुणाण वराणओ उत्तमवरतवविसिट्ठणाणजांग-
 जुत्ताणं जह य जगहियं भगवओ जारिसा इड्डिविसेसा देवासुरमाणुसाणं
 परिसाणं पाउब्भावा य जिणसमीवं जह य उवासंति जिणवरं जह य
 परिकहंति धम्मं लोगगुरू अमरनरसुरगणाणं सोऊण य तस्स भासियं अव-
 सेसकम्मविसयविरत्ता नरा जहा अभुवेति धम्ममुरालं संजमं तवं चावि
 बहुविहप्पगारं जह बहुणि वासाणि अणुचरित्ता आराहियनाणदंसणचरित्त-
 जोगा जिणवयणमणुगयमहियं(वयणाणुगइसु)भासित्ता जिणवराण हिययेण-
 मणुगणेत्ता जे य जहिं जत्तियाणि भत्ताणि छेअइत्ता लद्धा य समाहिमुत्तम-
 ज्झाणजोगजुत्ता उववन्ना मुणिवरोत्तमा जह अणुत्तरेसु पावंति जह अणुत्तरं
 तत्थ विसयसोक्खं तओ य चुआ कमेण काहंति संजया जहा य अंतकिरियं
 एए अन्ने य एवमाइअत्था वित्थरेण २ । अणुत्तरोववाइयदसाओ णं परित्ता
 वायणा संखेज्जा अणुओगदारा संखेज्जाओ संगहणीओ ३ । से णं अंगट्ठयाए
 नवमे अंगे एगे सुयक्खंधे दस अज्झयणा तिन्नि वग्गा दस उद्देसणकाला
 दस समुद्देसणकाला संखेज्जाणं पयसयसहस्साणं पयग्गेणं पन्नत्ताइ ४ ।

संखेजाणि अक्खराणि जाव एवं चरणकरणपरूवणाया आघविज्जंति जाव उवदंसिज्जंति ५ । सेत्तं अणुत्तरोववाइयदसाओ (९) ६ ॥ सूत्रं १४४ ॥
 से किं तं परहावागरणाणि ? परहावागरणेषु अट्ठुत्तरं पसिणसयं अट्ठुत्तरं अपसिणसयं अट्ठुत्तरं पसिणापसिणसयं विज्जाइसया नागसुवन्नेहिं सद्धि दिव्वा संवाया आघविज्जंति, परहावागरणदसासु णं ससमयपरसमयपराणा-
 वयपत्तेअबुद्धविविहत्थभासाभासियाणं अइसयगुणुवसमणाणप्पगारआय-
 रियभासियाणं वित्थरेणं थिर(वीर)महेसीहिं विविहवित्थरभासियाणं च जगहियाणं अहागंगुट्ठवाहुअसिमणिखोमआइच्चभासियाणं विविहमहापसिणा-
 विज्जामणपसिणा-विज्जादेवयपयोगपहाण-गुणप्पगासियाणं सब्भूयदु(विविह)गु-
 णप्पभावनरगणमइविम्हयकराणं अईसयमईयकालसमय-दमसमतित्थकरुत्तमरस
 ठिइकराणकारणाणं दुरहिगमदुरवगाहस्स सब्बसब्बन्नुसम्मअस्स अंबुहजणा-
 विवोहणकरस्स पच्चक्खयपच्चयकराणं पराहाणं विविहगुणमहत्था जिणवर-
 प्पणीया आघविज्जंति जाव उवदंसिज्जंति १ । परहावागरणेषु णं परित्ता वायणा संखेज्जा अणुओगदारा जाव संखेज्जाओ संगहणीओ २ । से णं अंगट्ठयाए दसमे अंगे एगे सुयक्खंधे पणयालीसं उद्देसणकाला पणयालीसं समुद्देसणकाला संखेज्जाणि पयसयसहस्साणि पयग्गेणं पन्नत्ताइणि ३ । संखेज्जा अक्खरा अणांता गमा जाव चरणकरणपरूवणाया आघविज्जंति जाव उवदंसि-
 ज्जंति ४ । सेत्तं परहावागरणाइ (१०) ५ ॥ सूत्रं १४५ ॥

से किं तं विवागसुयं ? विवागसुए णं सुक्कडदुक्कडाणं कम्माणं फल-
 विवागे आघविज्जंति १ । से सगासओ दुविहे पराणत्ते, तंजहा-दुहविवागे चेव सुहविवागे चेव २ । तत्थ णं दस दुहविवागाणि दस सुहविवागाणि ३ ।
 से किं तं दुहविवागाणि ? दुहविवागेषु णं दुहविवांगाणं नगराइं उज्जाणाइं चेइयाइं वणखंडा रायाणो अम्मापियरो समोसरणाइं धम्मायरिया धम्मकहाओ नगरगमणाइं संसारपबंधे दुहपरंपराओ य आघविज्जंति, सेत्तं दुहविवागाणि

४ । से किं तं सुहविवागाणि ? सुहविवागेषु सुहविवागाणं गगराइं उज्जाणाइं चेइयाइं वणाखंडा रायाणो अम्मापियरो समोसरणाइं धम्मायरिया धम्मकहाओ इहलोइयपरलोइयइड्ढिविसेसा भोगपरिचाया पव्वज्जाओ सुयपरि- गगहा तवोवहाणाइं परियागा पडिमाओ संलेहणाओ भत्तपच्चवखाणाइं पाओवगमणाइं देवलोगगमणाइं सुकुलपचायाया पुणबोहिलाहा अंतकिरि- याओ य आघविज्जंति ५ । दुहविवागेषु गां पाणाइवाय अलियवयण-चोरि- ककरणा-परदारमेहुणाससंगयाए महतिव्वकसाय-इंदियप्पमाय-पावप्पओयअ- सुहज्भवसाणसंचियाणं कम्माणं पावगाणं पावअणुभागफलविवागा गिरय- गति-तिरिखजोणि-बहुविहवसणसयपरंपरापबद्धाणं मणुयत्तेऽवि आगयाणं जहा पावकम्मसेसेण पावगा होन्ति फलविवागा वहवसणविणास-नासाक- न्नुट्टुंगुट्ट-करचरण-नहच्छेयण-जिब्भेअण-अंजणकडग्गिदाह-गयचलणमलण- फालणउल्लंबणसूललया-लउडलट्ठिभंजण-तउसीसगतत्ततेल-कलकलअहिसिं- चण-कुंभिपाग--कंपण--थिरबंधण-वेहवज्जकत्तण--पतिभयंकर-करपल्लीवणादिदा- रुणाणि दुक्खाणि अणोवमाणि बहुविविहपरंपराणुबद्धा ण मुच्चंति पाव- कम्मवल्लीए ६ । अवेयइत्ता हु णत्थि मोक्खो तवेण धिइधणियवद्धकच्छेण सोहणं तस्स वावि हुज्जा ७ । एत्तो य सुहविवागेषु गां सीलसंजमणियमगुण- तवोवहाणेषु साहूसु सुविहिणसु अणुकंपासयप्पओगतिकालमइविसुद्धभत्त- पाणाइं पययमणासा हियसुहनीसेसतिव्वपरिणामनिच्छियमई पयच्छिऊणं पयोगसुद्धाइं जह य निव्वर्तेति उ बोहिलाभं जह य पारितीकरेति नरनरय- तिरिसुरगमण-विपुलपरियट्ट-अरतिभयविसायसोग-मिच्छत्तसेलसंकडं अन्ना- णातमंधकारचिक्खिलसुदुत्तारं जरमणजोणि-संखुभियचक्कवालं सोलसकसाय- सावयपयंडचंडं अणाइअं अणवदगं संसारसागरमिणं जह य णिबंधंति आउगं सुरगणेषु जह य अणुभवन्ति सुरगणविमाणसोक्खाणि अणोवमाणि ततो य कालंतरे चुआणं इहेव नरलोगमागयाणं आउवपुपुराण-रूवजाति-

कुल-जम्मआरोग्गबुद्धि-मेहाविसेसा मित्तजणसयण-धणधराणविभव-समिद्धसार-
समुदयविसेसा बहुविहकामभोगुब्भवाण सोवखाण सुहविवागोत्तमेसु ८ ।
अणुवरयपरंपराणुबद्धा असुभाणं सुभाणं चेव कम्माणं भासिआ बहुविहा
विवागा विवागसुयम्मि भगवया जिणवरेण संवेगकारणत्था अन्नेऽवि य
एवमाइया बहुविहा वित्थरेणं अत्थपरूवणया आघविज्जंति जाव उवदंसि-
ज्जंति १ । विवागसुअस्स णं परित्ता वायणा संखेज्जा अणुओगदारा जाव
संखेज्जाओ संगहणीओ १० । से णं अंगट्ठयाए एकारसमे अंगे वीसं अज्झ-
यणा वीसं उद्देसणकाला वीसं समुद्देसणकाला ११ । संखेज्जाइं पयस-
यसहस्साइं पयग्गेणं पन्नत्ताइं १२ । संखेज्जाणि अक्खराणि अणंता गमा
अणंता पज्जवा जाव एवं चरणकरणपरूवणया आघविज्जंति जाव उवदंसि-
ज्जंति १३ । सेत्तं विवागसुए (११) १४ ॥ सूत्रं १४६ ॥ से किं तं दिट्ठिवाए ?
दिट्ठिवाए णं सव्वभावपरूवणया आघविज्जंति १ । से समासओ पंचविहे पन्नत्ते,
तंजहा-परिकम्मं सुत्ताइं पुव्वगयं अणुओगो चूलिया २ । से किं तं परिकम्मे ?
परिकम्मे सत्तविहे पन्नत्ते, तंजहा-सिद्धसेणियापरिकम्मे मणुस्ससेणियापरिकम्मे
पुट्ठसेणियापरिकम्मे ओगाहणसेणियापरिकम्मे उवसंपज्जसेणियापरिकम्मे
विप्पजहसेणियापरिकम्मे चुआचुअसेणियापरिकम्मे ३ । से किं तं सिद्धसे-
णियापरिकम्मे ? सिद्धसेणियापरिकम्मे चोद्दसविहे पन्नत्ते, तंजहा-माउयाप-
याणि एगट्ठियपयाणि पादोट्ठपयाणि आगासपयाणि केउभूयंरासिबद्धं एग-
गुणं दुगुणं तिगुणं केउभूयं पडिग्गहो संसारपडिग्गहो नंदावत्तं सिद्धबद्धं,
सेत्तं सिद्धसेणियापरिकम्मे ४ । से किं तं मणुस्ससेणियापरिकम्मे ? मणुस्स-
सेणियापरिकम्मे चोद्दसविहे पणत्ते, तंजहा-ताइं चेव माउआपयाणि जाव
नंदावत्तं मणुरसबद्धं, सेत्तं मणुस्ससेणियापरिकम्मे ५ । अवसेसा परिकम्माइं
पुट्ठाइयाइं एकारसविहाइं पन्नत्ताइं ६ । इच्चेयाइं सत्त परिकम्माइं ससमइ-
याइं सत्त आजीवियाइं ऋ चउक्काइयाइं सत्त तेरासियाइं ७ । एवामेव

सपुष्पावरेणं सत्त परिकम्माइं तेसीति भवंतीतिमक्खायाइं सेत्तं परिकम्माइं
 = । से किं तं सुत्ताइं ? सुत्ताइं अट्टासीति भवंतीतिमक्खायाइं, तंजहा—उज्जुगं
 परिणयापरिणयं बहुभंगियं विप्पच्चइयं [विन(ज)यन्नरियं] अणंतरं परंपरं
 समाणं संजूहं [मासाणं] संभिन्नं अहाच्चयं (अहव्वायं) सोवत्थि(वत्तं)यं
 णंदावत्तं बहुलं पुट्टापुट्टं वियावत्तं एवंभूयं दुआवत्तं वत्तमाणप्पयं समभिरूढं
 सच्चओभइं पणामं(पस्सासं) दुपडिग्गहं, इच्चेयाइं बावीसं सुत्ताइं छिराण-
 छेअणइआइं ससमयसुत्तपरिवाडीए, इच्चेआइं बावीसं सुत्ताइं अछिन्नछेयनइ-
 याइं आजीवियसुत्तपरिवाडीए, इच्चेआइं बावीसं सुत्ताइं तिकणइयाइं
 तेरासियसुत्तपरिवाडीए, इच्चेआइं बावीसं सुत्ताइं चउकणइयाइं ससमयसुत्त-
 परिवाडीए, एवामेव सपुष्पावरेणं अट्टासीति सुत्ताइं भवंतीतिमक्खायाइं, सेत्तं
 सुत्ताइं १ । से किं तं पुव्वगयं ? पुव्वगयं चउहसविहं पन्नत्तं, तंजहा—उप्पायपुव्वं
 अग्गेणीयं वीरियं अत्थिणत्थिप्पवायं नाणाप्पवायं सच्चप्पवायं आयप्पवायं
 कम्मप्पवायं पच्चक्खाणप्पवायं विज्जाणप्पवायं अवंभप्पवायं पाणाउप्पवायं
 किरियाविसालं लोगबिंदुसारं १४, १० । उप्पायपुव्वस्स णं दस वत्थू
 पन्नत्ता, चत्तारि चूलियावत्थू पन्नत्ता ११ । अग्गेणीयस्स णं पुव्वस्स चोहस
 वत्थू बारस चूलियावत्थू १२ । वीरियपवायस्स णं पुव्वस्स अट्ट वत्थू अट्ट
 चूलियावत्थू पन्नत्ता १३ । अत्थिणत्थिप्पवायस्स णं पुव्वस्स अट्टारस वत्थू
 दस चूलियावत्थू पन्नत्ता १४ । नाणाप्पवायस्स णं पुव्वस्स बारस वत्थू पन्नत्ता
 १५ । सच्चप्पवायस्स णं पुव्वस्स दो वत्थू पन्नत्ता १६ । आयप्पवायस्स णं
 पुव्वस्स सोलस वत्थू पन्नत्ता १७ । कम्मप्पवायपुव्वस्स तीसं वत्थू पन्नत्ता १८ ।
 पच्चक्खाणस्स णं पुव्वस्स बीसं वत्थू पन्नत्ता १९ । विज्जाणप्पवायस्स णं
 पुव्वस्स पनरस वत्थू पन्नत्ता २० । अवंभस्स णं पुव्वस्स बारस वत्थू पन्नत्ता
 २१ । पाणाउस्स णं पुव्वस्स तेरस वत्थू पन्नत्ता २२ । किरियाविसालस्स
 णं पुव्वस्स तीसं वत्थू पन्नत्ता २३ । लोगबिंदुसारस्स णं पुव्वस्स पणवीसं

वत्थू पन्नत्ता २४ । दस चोदस अष्टद्वारसे व बारस दुवे य वत्थूणि । सोलस तीसा वीसा पन्नरस अणुप्पवायमि ॥ १ ॥ बारस एकारसमे बारसमे तेरसेव वत्थूणि । तीसा पुण तेरसमे चउदसमे पन्नवीसाओ ॥ २ ॥ चत्तारि दुवालस अट्ट चेव दस चेव चूलवत्थूणि । आतिल्लाण चउराहं सेसाणं चूलिया णत्थि ॥ ३ ॥ सेत्तं पुव्वगयं २५ । से किं तं अणुओगे ? अणुओगे दुविहे पन्नत्ते, तंजहा—मूलपदमाणुओगे य गंडियाणुओगे य २६ । से किं तं मूलपदमाणुओगे ? एत्थ णं अरहंताणं भगवंताणं पुव्वभवा देवलोगगमणाणि आउं चवणाणि जम्मणाणि अ अभिसेया रायवरसिरीओ सीयाओ पव्व-ज्जाओ तवा य भत्ता केवलणाणुप्पाया अ तित्थपवत्तणाणि अ संघयणं संठाणं उच्चत्तं आउं वन्नविभागो सीसा गणा गणहरा य अज्जा पवत्तणीओ संघस्स चउव्विहस्स जं वावि परिमाणं जिणमणपज्जवओहिनाणसम्मत्तसुय-नाणिणो य वाई अणुत्तरगई य जत्तिया सिद्धा पाओवगआ य जे जहिं जत्तियाइं भत्ताइं छेअइत्ता अंतगडा मुणिवरुत्तमा तमरओघविप्पमुक्का सिद्धि-पहमाणुत्तरं च पत्ता, एए अन्ने य एवमाइया भावा मूलपदमाणुओगे कहिआ आघविज्जंति पराणविज्जंति परूविज्जंति, सेत्तं मूलपदमाणुओगे २७ । से किं तं गंडियाणुओगे ? (२) अणोगविहे पराणत्ते, तंजहा—कुलगरगंडियाओ तित्थगरगंडियाओ गणहरगंडियाओ चक्कहरगंडियाओ दसारगंडियाओ बलदेवगंडियाओ वासुदेवगंडियाओ हरिवंसगंडियाओ भद्दबाहुगंडियाओ तवोकम्मगंडियाओ चित्तंतरगंडियाओ उस्सप्पिणीगंडियाओ ओसप्पिणीगंडियाओ अमरनरतिरियनिरयगइगमणविविहपरियट्टणाणुओगे, एवमाइयाओ गंडियाओ आघविज्जंति पराणविज्जंति परूविज्जंति, सेत्तं गंडियाणुओगे २८ । से किं तं चूलियाओ ? (२) जराणं आइल्लाणं चउराहं पुव्वाणं चूलियाओ, सेसाइं पुव्वाइं अचूलियाइं, सेत्तं चूलियाओ २९ । दिट्ठिवायस्स णं परित्ता वायणा संखेज्जा अणुओगदारा संखेज्जाओ पडिवत्तीओ संखे-

जात्रो निज्जुत्तीत्रो संखेज्जा सिलोगा संखेज्जात्रो संगहणीत्रो ३० । से
 णं अंगट्ठयाए बारसमे अंगे एगे सुयखंधे चउदस पुव्वाइं संखेज्जा वत्थू
 संखेज्जा चूलवत्थू संखेज्जा पाहुडा संखेज्जा पाहुडपाहुडा संखेज्जात्रो पाहुडि-
 यात्रो संखेज्जात्रो पाहुडपाहुडियात्रो संखेज्जाणि पयसयसहस्साणि पयग्गेणं
 पन्नत्ता ३१ । संखेज्जा अक्खरा अणंता गमा अणंता पज्जवा परित्ता तसा
 अणंता थावरा सासया कडा णिबद्धा णिकाइया जिणपराणत्ता भावा
 आघविज्जंति पराणविज्जंति परूविज्जंति दंसिज्जंति निदंसि-
 ज्जंति उवदंसिज्जंति ३२ । एवं णाया एवं विराणाया एवं
 चरणकरणपरूवणाया आघविज्जंति जाव उवदंसिज्जंति सेत्तं दिट्ठिवाए
 ३३ । सेत्तं दुवालसंगे गणिपिडगे (१२) ३४ ॥ सूत्रं १४७ ॥
 इच्चेइयं दुवालसंगं गणिपिडगं अतीतकाले अणंता जीवा आणाए विरा-
 हित्ता चाउरंतसंसारकंतारं अणुपरियट्ठिसु इच्चेइयं दुवालसंगं गणिपिडगं
 पडुप्पराणे काले परित्ता जीवा आणाए विराहित्ता चाउरंतसंसारकंतारं
 अणुपरियट्ठंति इच्चेइयं दुवालसंगं गणिपिडगं अणागए काले अणंता
 जीवा आणाए विराहित्ता चाउरंतसंसारकंतारं अणुपरियट्ठिस्संति १ ।
 इच्चेइयं दुवालसंगं गणिपिडगं अतीतकाले अणंता जीवा आणाए आरा-
 हित्ता चाउरंतसंसारकंतारं वीईवइंसु एवं पडुप्पराणेऽवि एवं अणागएऽवि २ ।
 दुवालसंगे णं गणिपिडगे ण कयावि णत्थि ण कयाइ णासी ण कयाइ
 ण भविस्सइ भुवि च भवति य भविस्सति य धुवे णितिए सासए अक्खए
 अव्वए अवट्ठिए णिच्चे, से जहा णामए पंच अत्थिकाया ण कयाइ ण
 आसि ण कयाइ णत्थि ण भविस्सति भुवि च भवति य भविस्सति य धुवा
 णितिया सासया अक्खया अव्वया अवट्ठिया णिच्चा एवामेव दुवालसंगे
 गणिपिडगे ण कयाइ ण आसि ण कयाइ णत्थि ण कयाइ ण भविस्सइ
 भुवि च भवति य भविस्सइ य धुवे जाव अवट्ठिए णिच्चे ३ । एत्थ

णं दुवालसंगे गणपिडगे अणंता भावा अणंता अभावा अणंता हेऊ
अणंता अहेऊ अणंता कारणा अणंता अकारणा अणंता जीवा अणंता
अजीवा अणंता भवसिद्धिया अणंता अभवसिद्धिया अणंता सिद्धा अणंता
असिद्धा आघविज्जंति पराणविज्जंति परुविज्जंति दंसिज्जंति निदंसिज्जंति
उवदंसिज्जंति ४ । एवं दुवालसंगं गणपिडगं इति ॥ सूत्रं १४८ ॥

दुवे रासी पन्नत्ता, तंजहा—जीवरासी अजीवरासी य १ । अजीवरासी
दुविहा पन्नत्ता, तंजहा—रूवीअजीवरासी अरूवीअजीवरासी य २ । से किं
तं अरूवी अजीवरासी ? अरूविअजीवरासी दसविहा पन्नत्ता, तंजहा—धम्म-
त्थिकाए जाव अद्धासमए ३ । रूवीअजीवरासीअणोगाविहा पन्नत्ता, जाव से
किं तं अणुत्तरोववाइआ ? अत्तणुरोववाइआ पंचविहा पन्नत्ता, तंजहा—विजय-
वेजयंतजयंतअपराजितसव्वट्टसिद्धिआ, सेत्तं अणुत्तरोववाइआ, सेत्तं पंचिदिय-
संसारसमावगणजीवरासी ४ । दुविहा गोरइया पन्नत्ता, तंजहा—पज्जत्ता य
अपज्जत्ता य, एवं दंडओ भाणियव्वो जाव वेमाणियत्ति ५ । इमीसे णं
रयणप्पभाए पुढवीए केवइयं खेत्तं ओगाहेत्ता केवइया णिरयावाआ पराणत्ता ?
गोयमा ! इमीसे णं रयणप्पभाए पुढवीए असीउत्तरजोयणसयसहस्मबाह-
ल्लाए उवरि एगं जोयणसहस्सं ओगाहेत्ता हेट्टा चेगं जोयणसहस्सं वज्जेत्ता
मज्जे अट्टसत्तरि जोयणसयसहस्से एत्थ णं रयणप्पभाए पुढवीए गोरइयाणं
तीसं णिरयावाससयसहस्सा भवंतीतिमवखाया, ते णं णिरयावासा अंतो
वट्टा बाहिं चउरंसा जाव असुभा णिरया असुभाओ णिरएसु वेयणाओ ६ ।
एवं सत्तवि भाणियव्वाओ जं जासु जुज्जइ—‘आसीयं वत्तीसं अट्टावीसं तहेव
वीसं च । अट्टारस सोलसगं अट्टुत्तरमेव बाहल्लं ॥ १ ॥ तीसा य पराण-
वीसा पन्नरस दसेव सयसहस्साइं । तिराणोगं पंचूणं पंचेव अणुत्तरा नरगा
॥ २ ॥ चउसट्ठी असुराणं चउरासीइं च दो नागाणं । बावत्तरि सुवन्नाण
वाउकुमाराणं छराणउइ ॥ ३ ॥ दीवदिसाउदइणं विज्जकुमारिंदथणियमगीणं ।

छग्रहंपि जुवलयाणं बा(छा)वत्तरिमो य सयसहसा ॥४॥ बत्तीसऽट्टावीसा बारस
अड चउरो य सयसहस्सा । पगणा चत्तालीसा छच्च सहस्सा सहस्सारे ॥५॥
आणयपाणयकप्पे चत्तारि सयाऽऽरणच्चुए तिन्नि । सत्त विमाणसयाइं चउसुवि
एएसु कप्पेसु ॥ ६ ॥ एकारसुत्तरं हेट्ठिमेसु सत्तुत्तरं च मज्झिमए । सयमेगं
उवरिमए पंचेव अणुत्तरविमाणा ॥ ७ ॥ ७ । दोच्चाए णं पुढवीए तच्चाए णं
पुढवीए चउत्थीए पुढवीए पंचमीए पुढवीए छट्ठीए पुढवीए सत्तमीए पुढवीए
गाहाहिं भाणियव्वा = । सत्तमाए पुढवी पुच्छा, गोयमा ! सत्तमाए पुढवीए
अट्ठुत्तरजोयणसयसहस्साइं बाहल्लाए उवरि अद्धतेवन्नं जोयणसहस्साइं
ओगाहेत्ता हेट्ठावि अद्धतेवन्नं जोयणसहस्साइं वज्जित्ता मज्झे तिसु जोयण-
सहस्सेसु एत्थ णं सत्तमाए पुढवीए नेरइयाणं पंच अणुत्तरा महइमहालया
महानिरया पगणात्ता, तंजहा-काले महाकाले रोरुए महारोरुए अण्णइट्ठाणे
नामं पंचमे ६ । ते णं निरया वट्ठे य तंसा य अहे खुरप्पसंठाणसंठिया
जाव असुभा नरगा असुभाओ नरएसु वेयणाओ १० ॥ सूत्रं १४६ ॥

केवइया णं भंते ! असुरकुमारावासा पन्नत्ता ? गोयमा ! इमीसे णं रयण-
प्पभाए पुढवीए असीउत्तरजोयणसयसहस्सबाहल्लाए उवरि एगं जोयणसहस्सं
ओगाहेत्ता हेट्ठा चेगं जोयणसहस्सं वज्जित्ता मज्झे अट्ठहत्तरिजोयणसयस-
हस्से एत्थ णं रयणप्पभाए पुढवीए चउसट्ठिं असुरकुमारावाससयसहस्सा
पन्नत्ता १ । ते णं भवणा बाहिं वट्ठा अंतो चउरंसा अहे पोक्खरकरिणा-
आसंठाणसंठिया उक्किराणंतर-विउलगंभीर-खायफलिहा अट्टालयचरिय(चतु-
रय)दारगोउरकवाड-तोरणपडिदुवार-देसभागा जंतमुसलसंदिसयग्घिपरिवा-
रिया अउज्झा अडयालकोट्टरइया अडयालकयवणमाला लाउल्लोइयमहिया
गोसीससरसरत्तचंदणादहरदिगाणपंचंगुलितला कालागुरुपवरकुंदुरुक्क-तुरुक्कड-
ज्झंतधूवमघमघेतंगंधुद्धुयाभिरामा सुगंधिया गंधवट्ठिभूया अच्छा सराहा
लराहा घट्ठा मट्ठा नीरया णिम्मला वितिमिरा विसुद्धा सप्पभा समरीया

सउज्जोआ पासाईया दरिसणिज्जा अभिरूवा पडिरूवा, एवं जं जस्स कमती
तं तस्स जं जं गाहाहिं भणियं तह चेव वराणओ २ । केवइया णं भंते !
पुढविकाइयावासा पन्नत्ता ? गोयमा ! असंखेज्जा पुढवीकाइयावासा पन्नत्ता,
एवं जाव मणुस्सत्ति ३ । केवइया णं भंते ! वाणमंतरावासा पन्नत्ता ?
गोयमा ! इमीसे णं रयणप्पभाए पुढवीए रयणामयस्स कंडस्स जोयणा-
सहस्सबाहल्लस्स उवरिं एगं जोयणासयं ओगाहेत्ता हेट्ठा चेगं जोयणासयं
वज्जेता मज्जे अट्ठसु जोयणासएसु एत्थ णं वाणमंतराणं देवाणं तिरियम-
संखेज्जा भोमेज्जा नगरावाससयसहस्सा पन्नत्ता, ते णं भोमेज्जा नगरा बाहिं
वट्ठा अंतो चउरंसा, एवं जहा भवणावासीणं तहेव गोयव्वा, णवरं पडाग-
मालाउला सुरम्मा पासाईया दरिसणिज्जा अभिरूवा पडिरूवा ४ । केवइया णं
भंते ! जोइसियाणं विमाणावासा पन्नत्ता ? गोयमा ! इमीसे णं रयणप्पभाए
पुढवीए बहुसमरमणिज्जाओ भूमिभागाओ सत्तनउयाइं जोयणासयाइं उट्ठं
उप्पइत्ता एत्थ णं दसुत्तरजोयणासयबाहल्ले तिरियं जोइसविसए जोइसियाणं
देवाणं असंखेज्जा जोइसियविमाणावासा पन्नत्ता, ते णं जोइसियविमाणावासा
अब्भुग्गयमूसियपहसिया विविहरमणिरयणभत्तिचित्ता वाउद्धुयविजयवेजयंती-
पडागछत्ताइत्तकलिया तुंगा गगणातलमणुलिहंतसिहरा जालंतररयणपङ्क-
रुम्मिलियव्व मणिकणागथूभियागा वियसियसयपत्तपुराडरीयतिलयरयणद्ध-
चंदचित्ता अंतो बाहिं च सराहा तवणिज्जवालुआपत्थडा सुहफासा सस्सिरीय-
रूवा पासाईया दरिसणिज्जा ५ । केवइया णं भंते ! वेमाणियावासा पन्नत्ता ?
गोयमा ! इमीसे णं रयणप्पभाए पुढवीए बहुसमरमणिज्जाओ भूमिभागाओ
उट्ठं चंदिमसूरियगहगणनक्खत्ततारारूवाणं वीइवइत्ता बहूणि जोयणाणि
बहूणि जोयणासयाणि बहूणि जोयणासहस्साणि (बहूणि जोयणासयसहस्साणि)
बहुइओ जोयणाकोडीओ बहुइओ जोयणाकोडाकोडीओ असंखेज्जाओ जोयणा-
कोडाकोडीओ उट्ठं दूरं वीइवइत्ता एत्थ णं विमाणियाणं देवाणं सोहम्मीसाण-

सणांकुमारमाहिंद-बंभलंतग-सुकसहस्सार-आणयपाणय-आरण्यचुएसुगेवेज्ज-
गमणुत्तरेसु य चउरासीइं विमाणावाससयसहस्सा सत्ताणउइं च सहस्सा
तेवीसं च विमाणा भवंतीतिमक्खाया, ते णं विमाणा अच्चिमालिप्पभा भासरा-
सिवगणाभा अरया नीरया णिम्मला वितिमिरा विसुद्धा सव्वरयणामया
अच्छा सगहा घट्टा मट्टा णिप्पंका णिवकंकडच्छाया सप्पभा समरिया सउ-
ज्जोया पासाईया दरिसणिज्जा अभिरूवा परिरूवा ६ । सोहम्मे णं भंते !
कप्पे केवइया विमाणावासा पणत्ता ? गोयमा ! बत्तीसं विमाणावाससय-
सहस्सा पणत्ता ७ । एवं ईसाणाइसु अट्ठावीस बारस अट्ठ चत्तारि एयाइ
सयसहस्साइं पणणासं चत्तालीसं छ एयाइं सहस्साइं आणए पाणए चत्तारि
आरण्यच्चुए तिन्नि एयाणि सयाणि, एवं गाहाहि भाणियव्वं ८ ॥ सूत्रं १५० ॥
नेरइयाणं भंते ! केवइयं कालं ठिई पन्नत्ता ? गोयमा ! जहन्नेणं दस वासस-
हस्साइं उक्कोसेणं तेत्तीसं सागरोवमाइं ठिई पन्नत्ता ? । अपज्जत्तगाणं नरेइयाणं
भंते ! केवइयं कालं ठिई पन्नत्ता ? जहन्नेणं अंतोमुहुत्तं, उक्कोसेणवि अंतो-
मुहुत्तं, पज्जत्तगाणं जहन्नेणं दस वाससहस्साइं अंतोमुहुत्तूणाइं उक्कोसेणं तेत्तीसं
सागरोवमाइं अंतोमुहुत्तूणाइं २ । इमीसे णं रयणप्पभाए पुट्ठीए एवं जाव
विजयवेजयंतजयंतअपराजियाणं देवाणं केवइयं कालं ठिई पन्नत्ता ? गोयमा !
जहन्नेणं बत्तीसं सागरोवमाइं उक्कोसेणं तेत्तीसं सागरोवमाइं ३ । सव्वट्ठे
अजहराणमणुक्कोसेणं तेत्तीसं सागरोवमाइं ठिई पन्नत्ता ४ ॥ सूत्रं १५१ ॥
कति णं भंते ! सरीरा पन्नत्ता ? गोयमा ! पंच सरीरा पन्नत्ता, तंजहा-
ओरलिए वेउळिअ आहारए तेयए कम्मए १ । ओरालियसरीरे णं भंते ।
कइविहे पन्नत्ते ? गोयमा ! पंचविहे पन्नत्ते, तंजहा-एगिंदियओरालियसरीरे
जाव गम्भक्कंतिमणुस्संपचिंदियओरालियसरीरे य २ । ओरालियसरीरस्स
णं भंते ! केमहालिया सरीरोगाहणा पन्नत्ता ? गोयमा ! जहन्नेणं अंगुल-
असंखेज्जतिभागं उक्कोसेणं साइरेणं जोयणसहस्सं ३ । एवं जहा ओगाहणा-

संठाणो ओरालियपमाणं तद्वा निरवसेसं एवं जाव मणुस्सेति उक्कोसेणं
तिण्ण गाउयाइं ४ । कइविहे णं भते ! वेउव्वियसरीरे पन्नत्ते ? गोयमा
दुविहे पन्नत्ते, तंजहा—एगिदियवेउव्वियसरीरे य पंचिदियवेउव्वियसरीरे
अ ५ । एवं जाव सणंकुमारे आदत्तं जाव अणुत्तराणं भवधारणिज्जा जाव
तेसिं रयणी रयणी परिहायइ ६ । आहारयसरीरे णं भंते ! कइविहे पन्नत्ते ?
गोयमा ! एगाकारे पन्नत्ते, जइ एगाकारे पन्नत्ते किं मणुस्सआहारयसरीरे
अमणुस्सआहारयसरीरे ? गोयमा ! मणुस्सआहारगसरीरे णो अमणुस्स-
आहारगसरीरे ७ । एवं जइ मणुस्सआहारगसरीरे किं गब्भवक्कं-
तियमणुस्सआहारगसरीरे संमुच्छिममणुस्सआहारगसरीरे ? गोयमा ! गब्भ-
वक्कंतियमणुस्सआहारयसरीरे नो संमुच्छिममणुस्सआहारयसरीरे ८ । जइ
गब्भवक्कंतिय०हारयसरीरे किं कम्मभूमिग०हारयसरीरे अकम्मभूमिग०-
हारयसरीरे ? गोयमा ! कम्मभूमिग०हारसरीरे नो अकम्मभूमिग०हारसरीरे
९ । जइ कम्मभूमिग०आहारसरीरे किं संखेज्जवासाउय०सरीरे असंखेज्जवा-
साउय०सरीरे ? गोयमा ! संखेज्जवासाउय०सरीरे नो असंखेज्जवासाउय-
०सरीरे १० । जइ संखेज्जवासाउय०सरीरे किं पज्जत्तय०सरीरे अपज्जत्तय
०सरीरे ? गोयमा ! पज्जत्तय०सरीरे नो अपज्जत्तय०सरीरे ११ । जइ
पज्जत्तय०सरीरे किं सम्मदिट्ठी०सरीरे मिच्छदिट्ठी०सरीरे सम्मामिच्छदिट्ठी
०सरीरे ? गोयमा ! सम्मदिट्ठी०सरीरे नो मिच्छदिट्ठी०सरीरे नो सम्मामिच्छ-
दिट्ठी०सरीरे १२ । जइ सम्मदिट्ठी०सरीरे किं संजय०सरीरे असंजय०सरीरे
संजयासंजय० सरीरे ? गोयमा ! संजय०सरीरे नो असंजय०सरीरे नो संजया-
संजय०सरीरे १३ । जइ संजय०सरीरे किं पम्मत्तसंजय०सरीरे अपम्मत्तसंजय-
०सरीरे ? गोयमा ! पम्मत्तसंजय०सरीरे नो अपम्मत्तसंजय०सरीरे १४ । जइ
पम्मत्तसंजय०सरीरे किं इड्ढिपत्त०सरीरे अणिड्ढित्त०सरीरे ? गोयमा ! इड्ढिपत्त-
०सरीरे नो अणिड्ढपत्त०सरीरे १५ । वयणा विभाणियव्वा आहारयसरीरे

समचउरंससंठाणसंठिए, आहारयसरीरस्स केमहालिया सरीरोगाहणा पन्नत्ता ? गोयमा ! जहन्नेणं देसूणा रयणी उकोसेणं पडिपुण्णा रयणी १६ । तेआसरीरे णं भंते ! कतिविहे पन्नत्ते ? गोयमा ! पंचविहे पन्नत्ते, एगिंदिय-तेयसरीरे बितिजउपंचेदियसरीरे १७ । एवं जाव गेवेज्जस्स णं भंते ! देवस्स णं मारणंतियसमुग्घाएणं समोहयस्स समाणस्स केमहालिया सरीरोगाहणा पन्नत्ता ? गोयमा ! सरीरप्यमाणमेत्ता विक्खंभवाहल्लेणं आयामेणं जहन्नेणं अहे जाव विज्जाहरसेदीओ उकोसेणं जाव अहोलोइयग्गामाओ १८ । उड्डं जाव सयाइं विमाणाइं, तिरियं जाव मणुस्सखेत्तं १९ । एवं जाव अणुत्तरोववाइया एवं कम्मयसरीरं भाणियव्वं २० ॥ सूत्रं १५२ ॥ कइविहे णं भंते ! ओही पन्नत्ता ? गोयमा ! दुविहा पन्नत्ता, भवपच्चइए य खओवसमिए य, एवं सव्वं ओहिपदं भाणियव्वं १ । सीया य दव्व सारीर साया तह वेयणा भव्वे दुक्खा । अब्भुवगमुवक्कमिया णीयाए चेव अणियाए ॥ १ ॥ २ । नेरइया णं भंते ! किं सीतं वेयणं वेयंति उसिणं वेयणं वेयंति सीतोसिणं वेयणं वेयंति ? गोयमा ! नेरइया णं सीतं वेयणं वेयंति उसिणं वेयणं वेयंति सीतोसिणं वेयणं वेयंति, एवं चेव वेयणापदं भाणियव्वं ३ । कइ णं भन्ते ! लेसाओ पन्नत्ताओ ? गोयमा ! छ लेसाओ पन्नत्ताओ, तंजहा-किराहा नीला काऊ तेऊ पम्हा सुक्का, एवं लेसापयं भाणियव्वं ४ । अणंतरा य आहारे आहाराभोगणा इय । ओग्गला नेव जाणंति, अज्झवसाणे य सम्मते ॥ १ ॥ ५ । नेरइया णं भंते ! अणंतराहारा तओ निव्वत्तणाया तओ परियाइयणाया तओ परिणामणाया तओ परियारणाया तओ पच्छा विकुव्वणाया ? हंता गोयमा ! एवं आहारपदं भाणियव्वं ६ ॥ सूत्रं १५३ ॥ कइविहे णं भंते ! आउगबन्धे पन्नत्ते ? गोयमा ! छविहे आउगबन्धे पन्नत्ते, तंजहा-जाइनामनिहत्ताउए गतिनामनिहत्ताउए ठिइनामनिहत्ताउए पएसनामनिहत्ताउए अणुभागनामनिहत्ताउए

ओगाहणानामनिहत्ताए १ । नेरइयाणं भंते ! कइविहे आउगबन्धे पन्नत्ते ?
 गोयमा ! छव्विहे पन्नत्ते, तंजहा-जातिनामआउगबन्धे, गइनामआउगबन्धे,
 ठिइनामआउगबन्धे, पएसनामआउगबन्धे, अणुभागनामआउगबन्धे, ओगा-
 णानामआउगबन्धे, एवं जाव वेमाणियाणं २ । निरयगई णं भंते ! केवइयं
 कालं विरहिया उववाएणं पन्नत्ता ? गोयमा ! जहन्नेणं एकं समयं उक्कोसेणं
 बारस मुहुत्ते, एवं तिरियगई मणुस्सगई देवगई ३ । सिद्धिगई णं भंते !
 केवइयं कालं विरहिया सिज्झणयाए पन्नत्ता ? गोयमा ! जहन्नेणं एवकं
 समयं उक्कोसेणं छम्मासे, एवं सिद्धिवज्जा उव्वट्टणा ४ । इमीसे णं भंते !
 रयणप्पभाए पुट्ठीए नेरइया केवइयं कालं विरहिया उववाएणं ? एवं
 उववायदंडओ भाणियव्वो उवट्टणादंडओ य ५ । नेरइया णं भंते ! जाति-
 नामनिहत्ताउगं कति आगरिसेहिं पगरंति ? गोयमा ! सिय १ सिय २ ।
 ३।४।५।६।७। सिय अट्ठहिं, नो चेव णं नवहिं, एवं सेसाणवि आउगाणि
 जाव वेमाणियत्ति ६ ॥ सूत्रं १५४ ॥ कइविहे णं भंते ! संघयणो पन्नत्ते ?
 गोयमा ! छव्विहे संघयणो पन्नत्ते, तंजहा वइरोसभनारायसंघयणो रिसभ-
 नारायसंघयणो नारायसंघयणो अद्धनारायसंघयणो कीलियासंघयणो छेवट्ठ-
 संघयणो १ । नेरइया णं भंते ! किंसंघयणी ? गोयमा ! छगहं संघय-
 णाणं असंघयणी गोव अट्ठि गोव छिरा गोव गहारू, जे पोग्गला अणिट्ठा
 अकंता अप्पिया अणाएज्जा असुभा अमणुराणा अमणामा अमणाभिरामा ते
 तेसिं असंघयणत्ताए परिणमंति २ । असुरकुमारा णं भंते ! किंसंघयणा
 पन्नत्ता ? गोयमा ! छगहं संघयणाणं असंघयणी गोवट्ठी गोव छिरा गोव
 गहारू, जे पोग्गला इट्ठा कंता पिया मणुराणा मणामा मणाभिरामा ते तेसिं
 असंघयणत्ताए परिणमंति, एवं जाव थणियकुमाराणं ३ । पुट्ठीकाइया णं
 भंते ! किंसंघयणी पन्नत्ता ? गोयमा ! छेवट्ठसंघयणी पन्नत्ता, एवं जाव
 संमुच्छिमपच्चिन्दियतिरिक्खजोणियत्ति, गब्भवकंतिया छव्विहसंघयणी, संमु-

च्छिन्नमणुस्सा छेवट्टसंघयणी गम्भवकन्तियमणुस्सा छव्विहे संघयणो पन्नत्ते,
जहा असुरकुमारा तहा वाणमंतरजोइसियवेमाणिया य ४ । कइविहे गां
भंते ! संठाणो पन्नत्ते ? गोयमा ! छव्विहे संठाणो पन्नत्ते, तंजहा—समचउरंसे
१ णिग्गोहपरिमण्डले २ साइए ३ वामणो ४ खुज्जे ५ हुँडे ६ ५ । गोर-
इया गां भंते ! किंसंठाणी पन्नत्ता ? गोयमा ! हुँडसंठाणी पन्नत्ता ६ ।
असुरकुमारा किंसंठाणी पन्नत्ता ? गोयमा ! समचउरंसंठाणसंठिया पन्नत्ता,
एवं जाव थणियकुमारा ७ । पुट्ठी मसूरसंठाणा पन्नत्ता, आऊ थिडुयसंठाणा
पन्नत्ता, तेऊ सूइकलावसंठाणा पन्नत्ता, वाऊ पडागासंठाणा पन्नत्ता, वणस्सई
नाणासंठाणसंठिया पन्नत्ता, बेइंदियतेइंदियचउरिंदिय-संमुच्छिन्नमपंचिंदियतिरिक्खा
हुँडसंठाणा पन्नत्ता ८ । गम्भवकन्तिया छव्विहसंठाणा संमुच्छिन्नमणुस्सा हुँड-
संठाणसंठिया पन्नत्ता, गम्भवकन्तियाणं मणुस्साणं छव्विहा संठाणा पन्नत्ता,
जहा असुरकुमारा तहा वाणमंतरजोइसियवेमाणियावि १ ॥ सूत्रं १५५ ॥

कइविहे गां भंते ! वेए पन्नत्ते ? गोयमा ! तिविहे वेए पन्नत्ते, तंजहा—
इत्थीवेए पुरिसवेए नपुंसवेए १ । नेरइया गां भंते ! किं इत्थीवेया पुरिसवेया
णपुंसगवेया पन्नत्ता ? गोयमा ! णो इत्थीवेया णो पुवेए णपुंसगवेया
पन्नत्ता २ । असुरकुमारा गां भंते ! किं इत्थीवेया पुरिसवेया नपुंसगवेया ?
गोयमा ! इत्थीवेया पुरिसवेया णो णपुंसगवेया जाव थणियकुमारा ३ ।
पुट्ठी आऊ तेऊ वाऊ वणस्सई बित्तिचउरिंदिय-संमुच्छिन्नमपंचिंदियतिरिक्ख-सं-
मुच्छिन्नमणुस्सा णपुंसगवेया, गम्भवकन्तियमणुस्सा पंचिंदियतिरिया य
तिवेया, जहा असुरकुमारा तहा वाणमंतरा जोइसियवेमाणियावि ४
॥ सूत्रं १५६ ॥ तेणां कालेणां तेणां समएणां कप्पस्स समोसरणां गेयव्वं
जाव गणहरा सावच्चा निरवच्चा वोच्छिणा जंबुदीवे गां दीवे भारहे वासे
तीयाए उस्सप्पिणीए सत्त कुलगरा होत्था तं—मित्तदामे सुदामे य, सुपासे य
सयंपमे । विमलघोसे सुघोसे य, महाघोसे य सत्तमे ॥ १ ॥ १ । जंबुदीवे

णं दीवे भारहे वासे तीथाए ओसप्पिणीए दस कुलगरा होत्था, तंजहा—
 सयंजले सयाऊ य, अजियसेणो अणंतसेणो य । कज्जसेणो भीमसेणो महाभी-
 मसेणो य सत्तमे ॥ २ ॥ ददरहे दसरहे सयरहे २ । जंबुद्दीवे णं दीवे भारहे
 वासे इमीसे ओसप्पिणीए समाए सत्त कुलगरा होत्था, तंजहा—पढमेत्थ
 विमलवाहण चक्खुम जसमं चउत्थमभिचंदे । तत्तो पसेणईए मरुदेवे चेव
 नाभि य ॥ ३ ॥ ३ । एतेसिं णं सत्तराहं कुलगराण सत्त भारिआ होत्था,
 तंजहा—चंदजसा चंदकंता सुरूवपडिरूव चक्खुकंता य । सिरिकंता मरुदेवी
 कुलगरपत्तीण णामाइं ॥ ४ ॥ ४ । जंबुद्दीवे णं दीवे भारहे वासे इमीसे णं
 ओसप्पिणीए चउवीसं तित्थगराणं पियरो होत्था, तंजहा—णाभी य जिय-
 सत्तु य जियारी संवरे इय, मेहे धरे पइट्ठे य महसेणो य खत्तिए ॥ ५ ॥
 सुग्गीवे ददरहे विराहू वसुप्पज्जे य खत्तिए । कयवम्मा सीहसेणो भाणू
 विस्ससेणो इय ॥ ६ ॥ सूरे सुदंसणो कुंभे सुमित्तविजए समुहविजये य ।
 राया य आमसेणो य सिद्धत्थेच्चिय खत्तिए ॥ ७ ॥ उदितोदियकुलवंसा
 विसुद्धवंसा गुणेहि उववेया । तित्थप्पवत्तयाणं एए पियरो जिणवराणं
 ॥ ८ ॥ ५ । जंबुद्दीवे णं दीवे भारहे वासे इमीसे ओसप्पिणीए चउवीसं
 तित्थगराणं मायरो होत्था, तंजहा—मरुदेवी विजया सेणा सिद्धत्था मंगला
 सुसीमा य । पुहवी लखणा रामा नंदा विराहू जया सामा ॥ ९ ॥ सुजसा
 सुव्वय अइरा सिरिया देवी पभावई उपमा । वप्पा सिवा य वामा तिसला
 देवी य जिणमाया ॥ १० ॥ ६ । जंबुद्दीवे णं दीवे भारहे वासे इमीसे
 ओसप्पिणीए चउवीसं तित्थगरा होत्था, तंजहा—उसभ १ अजिय २ संभव
 ३ अभिणंदण ४ सुमइ ५ पउमप्पह ६ सुपास ७ चंदप्पभ ८ सुविहिपुप्फ-
 दंत ९ सीयल १० सिज्जंस ११ वासुपुज्ज १२ विमल १३ अणंत १४
 धम्म १५ संति १६ कुंथु १७ अर १८ मल्लि १९ मुणिसुव्वय २० णामि
 २१ णोमि २२ पास २३ वड्डमाणो २४ य ७ । एएसिं चउवीसाए तित्थ-

गराणं चउव्वीसं पुव्वभवया णामधेया होत्था, तंजहा-पढमेत्थ वड्डरणाभे
 विमले तह विमलवाहणे चेव । तत्तो य धम्मसीहे सुमित्त तह धम्ममित्ते य
 ॥ ११ ॥ सुंदरवाहु तह दीहवाहु जुगवाहु लट्ठवाहु य । दिराणे य इंददत्ते
 सुंदर माहिंदरे चेव ॥ १२ ॥ सीहरहे मेहरहे रूपी अ सुंदसणे य बोद्धव्वे ।
 तत्तो य नंदणे खलु सीहगिरी चेव वीसइमे ॥ १३ ॥ अदीणमत्तु संखे
 सुंदसणे नंदणे य बोद्धव्वे ओसप्पिणीए एए, तित्थकराणं तु पुव्वभवा
 ॥ १४ ॥ = । एएसिं चउव्वीसाए तित्थकराणं चउव्वीसं सीयाओ होत्था,
 तंजहा-सीया सुंदसणा सुप्पभा य सिद्धत्थ सुप्पसिद्धा य । विजया य
 वेजयंती जयंती अपराजिया चेव ॥ १५ ॥ अरूणाप्पभ चंदप्पभ सूरप्पह अग्गि
 सप्पभा चेव । विमला य पंचवराणा सागरदत्ता य णागदत्ता य ॥ १६ ॥ अभय-
 कर निव्वुड्ढकरा मणोरमा तह मणोहरा चेव । देवकुरुत्तरकुरा विसाल चंदप्पभा
 सीया ॥ १७ ॥ एआओ सीअओ सव्वेसिं चेव जिणवरिंदाणं । सव्वजगवच्छ-
 लाणं सव्वोउगउभाए छायाए ॥ १८ ॥ पुब्बि ओक्खित्ता माणुसेहिं
 साहट्ठु(ट्ठ) रोमकूवेहिं । पच्छा वहंति सीअं असुरिंदसुरिंदनागिदा ॥ १९ ॥
 चलचवलकुंडलधरा सव्वहंदविउव्वयाभरणधारी । सुरअसुरवंदिआणं वहंति
 सीअं जिणंदाणं ॥ २० ॥ पुरओ वहंति देवा नागा पुण दाहिणम्मि
 पासम्मि । पच्चच्छिमेण असुरा गरुला पुण उत्तरे पासे ॥ २१ ॥ उसभो अ
 विणीयाए बारवईए अरिट्ठवरणेमी । अवसेसा तित्थयरा निक्खंता जम्म-
 भूमीसु ॥ २२ ॥ सव्वेऽवि एगदूसेण णिग्गया जिणवरा चउव्वीसं । ण य
 णाम अणालिंगे ण य गिहिलिंगे कुलिंगे य ॥ २३ ॥ एको भगवं वीरो
 पासो मल्ली य तिहि तिहि सएहिं । भगवंपि वासुपुज्जो छहिं पुरिससएहिं
 निक्खंतो ॥ २४ ॥ उग्गाणं भोगाणं राइराणाणं च खत्तियाणं च । चउहि
 सहस्सेहिं उसभो सेसा उ सहस्सपरिवारा ॥ २५ ॥ सुमइत्थ णिच्च भत्तेण
 णिग्गओ वासुपुज्ज चोत्थेणं । पासो मल्ली य अट्ठमेण सेसा उ

छट्टेणं ॥ २६ ॥ एणसिं णं चउव्वीसाए तित्थगराणं चउव्वीसं पढमभिक्षा-
 दायारो होत्था, तंजहा—‘सिज्जंस बंभदत्ते सुरिंददत्ते य इंददत्ते य । पउमे य
 सोमदेवे माहिंदे तह सोमदत्ते य ॥ २७ ॥ पुस्से पुणव्वसू पुणाणांदं सुणांदे
 जये य विजये य । तत्तो य धम्मसीहे सुमित्तं तह वग्गसीहे अ ॥ २८ ॥
 अपराजिय विस्ससेणो वीसइमे होइ उसभसेणो य । दिराणो वरदत्ते धणो बहुले
 य आणुपुव्वीए ॥ २९ ॥ एए विसुद्धलेसा जिणवरभत्तीइ पंजलिउडा उ ।
 तं कालं तं समयं पडिल्लामेई जिणवरिंदे ॥ ३० ॥ संवच्छरेण भिक्षा
 लद्धा उसभेण लोयणाहेण । सेसेहि वीयदिवसे लद्धाओ पढम-
 भिक्षाओ ॥ ३१ ॥ उसभस्स पढमभिक्षा खोयरसो आसि लोगणाहस्स ।
 सेसाणं परमगाणं अभियरसरसोवमं आसि ॥ ३२ ॥ सव्वेसिंपि जिणाणं
 जहियं लद्धाउ पढमभिक्षाउ । तहियं वसुवाराओ सरीरमेत्तीओ बुट्ठाओ
 ॥ ३३ ॥ १ । एणसिं चउव्वीसाए तित्थगराणं चउव्वीसं चेइयरुक्खा होत्था,
 तंजहा—णाग्गोहसत्तिवग्गो सले पियए पियंगु छत्ताहे । सिरिसे य णाग-
 रुक्खे माली य पिलंक्खुरुक्खे य ॥ ३४ ॥ तिंदुग पाडल जंबू आसत्थे
 खलु तहेव दहिवग्गो । णांदिरुक्खे तिलए अंबयरुक्खे असोगे य ॥ ३५ ॥
 चंपय बउले य तहा वेडसरुक्खे य धायईरुक्खे । साले य वड्डमाणस्स चेइय-
 रुक्खा जिणवराणं ॥ ३६ ॥ वत्तीसं धणुयाइं चेइयरुक्खो य वड्डमाणस्स ।
 णिच्चोउगो असोगो ओच्छराणो सालरुक्खेणं ॥ ३७ ॥ तिग्गो व गाउ-
 आइं चेइयरुक्खो जिणस्स उसभस्स । सेसाणं पुण रुक्खा सरीराओ बारस-
 गुणा उ ॥ ३८ ॥ सच्छत्ता सपडागा सवेइया तोरणेहिं उव्वेगा । सुरअसु-
 रगरुल्लमहिया चेइयरुक्खा जिणवराणं ॥ ३९ ॥ १० । एणसिं चउव्वीसाए
 तित्थगराणं चउव्वीसं पढमसीसा होत्था, तंजहा—पढमेत्थ उसभसेणो वीइए
 पुण होइ सीहसेणो य । चारू य वज्जणाभे चमरे तह सुव्वय विदम्भे ॥ ४० ॥
 दिराणोय वराहे पुण आणंदे गोथुमे सुहम्मे य । मंदर जसे अरिट्ठे चक्काइ

सयंभु कुंभे य ॥ ४१ ॥ इंदे कुंभे य सुभे वरदत्ते दिग्गण इंदभूई य ।
उदितोदितकुलवंसा विसुद्धवंसा गुणोहि उववेया । तित्थप्पवत्तयाणां पढमा
सिस्सा जिणवराणां ॥ ४२ ॥ ११ । एणसि णं चउवीसाए तित्थगराणां
चउवीसं पढमसिस्सिणी होत्था, तंजहा-बंभी य फग्गु सामा अजिया कास-
वीरई सोमा । सुमणा वारुणि सुल(ज)सा धारणि धरणी य धरणिधरा
॥ ४३ ॥ पउम सिवासुयी(हा) तह अंजुया(दामणी) भावियप्पा य रक्खी य ।
बंधुवती पुप्फवती अज्जा अमि(ति)ला य आहिया ॥ ४४ ॥ जक्खीणी
पुप्फचूला य चंदणाज्जा य आहियाउ ॥ उदितोदियकुलवंसा विसुद्धवंसा
गुणोहि उववेया । तित्थप्पवत्तयाणां पढमा सिस्सी जिणवराणां ॥ ४५ ॥
गाहा १२ ॥ सूत्रं १५७ ॥ जंबूदीवे णं भारहे वासे इमीसे ओसप्पिणीए
बारस चक्कवट्ठिपियरो होत्था, तंजहा-उसभे सुमित्ते विजए समुद्विजए य
आससेणे य । विस्ससेणे य सूरे सुदंसणे कत्तवीरिए चेव ॥ ४६ ॥
पउमुत्तरे महाहरी, विजए राया तहेव य । बंभे बारसमे उत्ते, पिउनामा
चक्कवट्ठिणं ॥ ४७ ॥ १३ । जंबूदीवे णं भारहे वासे इमीसे ओसप्पिणीए
बारस चक्कवट्ठिमायरो होत्था, तंजहा-सुमंगला जसवती भद्दा सहदेवी
अइरा सिरिदेवी तारा जाला मेरा वप्पा चुल्लणि अपच्छिमा १४ ।
जंबूदीवे णं भारहे वासे इमीसे ओसप्पिणीए बारस चक्कवट्ठी होत्था, तंजहा-
भरहो सगरो मघवं सणांकुमारो य रायसद्दूलो । संती कुंथू य अरो हवइ
सुभूमो य कोरब्बो ॥ ४८ ॥ नवमो य महापउमो हरिसेणो चेव रायसद्दूलो ।
जयनामो य नरवई, बारसमो बंदभत्तो य ॥ ४९ ॥ १५ । एणसि बारसगहं
चक्कवट्ठीणं बारस इत्थिरयणा होत्था, तंजहा-पढमा होइ सुभद्दा भद्द सुणांदा
जया य विजया य । किण्हसिरी सूरसिरी पउमसिरी वसुंधरा देवी ॥ ५० ॥
लच्छिमई कुरुमई इत्थीरयणाणां नामाई १६ । जंबूदीवे णं भारहे वासे
इमीसे ओसप्पिणीए नवबलदेवनववासुदेवपितरो होत्था, तंजहा-पयावई

य बंभो सोमो रुद्रो सिवो महसिवो य । अग्निगिहो य दसरहो नवमो
 भणित्रो य वसुदेवो ॥ ५१ ॥ १७ । जंबूदीवेणं भारहे वासे इमीसे ओस-
 पिणीए णव वासुदेवमायरो होत्था, तंजहा—मियावई उमा चैव पुहवी सीया
 य अम्मया । लच्छिमई सेसमई, केकई देवई तहा ॥ ५२ ॥ १८ । जंबूदीवेणं
 भारहे वासे इमीसे ओसपिणीए णवबलदेवमायरो होत्था, तंजहा—भहा तह
 सुभहा य, सुप्पभा य सुदंसणा । विजया वेजयंती य, जयंती अपराजिया
 ॥ ५३ ॥ णवमीया रोहिणी य, बलदेवाण मायरो १९ । जंबूदीवेणं भारहे
 वासे इमीसे ओसपिणीए नव दसारमंडला होत्था, तंजहा—उत्तमपुरिसा मज्झ-
 मपुरिसा, पहाणपुरिसा, ओयंसी तेयंसी वच्चंसी, जसंसी द्वायंसी कंता, सोमा
 सुभगा पियदंसणा सुरूआ सुहसीला सुहाभिगमा सब्वजणायणकंता
 ओहबला अतिबला महाबला अनिहता अपराइया सत्तुमहणा रिपुसहस्स
 माणमहणा साणुक्कोसा अमच्छरा अचवला अचंडा मियमंजुलपलावहसिया
 गंभीरमधुरपडिपुराणसच्चवयणा अब्भुवगयवच्छला सराणा लवखणवंजण-
 गुणोववेआ माणुम्माणपमाणपडिपुराणसुजायसव्वंगसुंदरंगा ससिसोमागा-
 रकंतपियदंसणा अमरिसणा पयंडदंडप्पभा(ब्भा)रा गंभीरदरसणिज्जा तालद्ध-
 ओव्विद्धगरुलकेऊ महाधणुविकड्डया महासत्त साअरा दुद्धरा धणुद्धरा
 धीरपुरिसा जुद्धकित्तिपुरिसा विउलकुलसमुब्भवा महारयणविहाडगा
 अद्धभरहसामी सोमा रायकुलवंसतिलया अजिया अजियरहा हलमुस-
 लकणकपाणी संखचक्कगयसत्तिनंदगधरा पवरुज्जलसुक्कंतविमलगोत्थुभतिरी-
 डधारी कुंडलउज्जोइयाणा पुंडरीयणायणा एकावलिकगउलइयवच्छा सिरिव-
 च्छसुलंछणा वरजसा सब्बोउयसुरभिकुसुमरचितपलंबसोभंतकंतविकसंतविचि-
 त्तवरमालरइयवच्छा अट्टसयविभत्तलक्खणपसत्थसुंदरविरइयंगमंगा मत्तगयव-
 रिंदललियविक्रमविलसियगई सारयनवथणियमहुरगंभीरकुंचनिग्घोसदुंदुभि-
 सरा कडिसुत्तगनीलपीयकोसेज्जवाससा पवरदित्तेया नरसीहा नरवई नरिंदा

नरवसहा मरुयवसभकप्पा अब्भहियरायतेयलच्छीए दिप्पमाणा नीलगपीयग-
वसणा दुवे दुवे रामकेसवा भायरो होत्था, तंजहा—तिविट्ठ जाव कराहे अयले
जाव रामे यावि अपच्छिमे ॥ ५४ ॥ २० । एएसि णं नवराहं बलदेववासु देवाणं
पुव्वभविया नव नामधेज्जा होत्था, तंजहा—विस्सभूई पव्वयए धणादत्त समुह-
दत्त इसिवाले । पियमित्त ललियमित्ते पुणव्वसू गंगदत्ते य ॥ ५५ ॥ एयाइं
नामाइं पुव्वभवे आसि वासुदेवाणं । एत्तो बलदेवाणं जहक्कमं कित्तइस्सामि
॥ ५६ ॥ विसनंदी य सुवन्धू सागरदत्ते असोगललिए य । वाराह धम्मसेणे
अपराइय रायललिए य ॥ ५७ ॥ २१ । एएसिं नवराहं बलदेववासुदेवाणं
पुव्वभविया नव धम्मायरिया होत्था, तंजहा—संभूय सुभद सुदंसणे य सेयंस
कराह गंगदत्ते अ । सागरसमुहनामे दुभसेणे य णवमए ॥ ५८ ॥ एए धम्माय-
रिया कित्तीपुरिसाण वासुदेवाणं । पुव्वभवे एआसिं जत्थ नियाणाइं कासीय
॥ ५९ ॥ २२ । एएसिं नवराहं वासुदेवाणं पुव्वभवे नव नियाणभूमिओ
होत्था, तंजहा—महुरा य कणागवत्थू सावत्थी पोयणं च रायगिहं । कायंदी
कोसम्बी मिहिलपुरी हत्थिणाउरं च ॥ ६० ॥ २३ । एतेसिं णं नवराहं
वासुदेवाणं नव नियाणकारणा होत्था, तंजहा—गावी जुवे (जाव माउआ)
संगामे तह इत्थी पराइओ रङ्गे । भज्जाणुराग गोट्टी परइट्ठी माउया इय ॥ ६१ ॥
२४ । एएसिं नवराहं वासुदेवाणं नव पडिसत्तू होत्था, तंजहा—अस्सग्गीवे
जाव (तारए भेरए महुकेढवे निसुंभे य । बलिपहराए तह रावणे य नवमे)
जरासंधे ॥ ६२ ॥ एए खलु पडिसत्तू जाव सच्चक्केहि ॥ ६३ ॥ एको य
सत्तमीए पंच य छट्ठीए पंचमी एको । एको य चउत्थीए कराहो पुण तच्च-
पुढवीए ॥ ६४ ॥ अणिदाणकडा रामा सव्वेऽवि य केसवा नियाणकडा ।
उड्डंगामी रामा केसव सव्वे अहोगामी ॥ ६५ ॥ अट्ठंतकडा रामा एगो
पुण वभलोयकपंमि । एकस्स गब्भवसही सिज्झिस्सइ आगमिस्सेणं ॥ ६६ ॥
२५ ॥ सूत्रं १५८ ॥ जंबूदीवे णं भारहे वासे इमीसे ओसप्पिणीए एरवए

वासे इमीसे ओसप्पिणीए चउव्वीसं तित्थयरा होत्था, तंजहा—चंदाणां
 सुचंदं अग्गीसेणं च नंदिसेणं अत्तसेणं च । इसिदिगणं ववहारिं वंदिमो सोमचंदं
 च ॥ ६७ ॥ वंदामि जुत्तिसेणं (दाहबाहु, दीहसेणं) अजियसेणं (सयाउयं)
 तहेव सिवसेणं (सच्चसेणं सच्चइंच) । बुद्धं च देवसम्मं सययं निवस्वत्त(सेयंस)
 सत्थं च ॥ ६८ ॥ असंजलं जिणवसहं (सयंजलं) वंदे य अणंतयं अमिय-
 णाणि (संहसेणं) । उवसंतं च धुयरयं वंदे खलु गुत्तिसेणं च ॥ ६९ ॥ अति-
 पासं च सुपासं देवेसरवंदियं च मरुदेवं । निव्वाणगयं च वरं खीणदुहं सामकोट्टं
 च ॥ ७० ॥ जियरागमग्गिसेणं वंदे खीणरायमग्गिउत्तं च । वोक्कसियपिज्ज-
 दोसं वारिसेणं गयं सिद्धिं ॥ ७१ ॥ २६ । जंबूदीवे णं भारहे वासे
 आगमिस्साए उस्सप्पिणीए भारहे वासे सत्त कुलगरा भविस्संति, तंजहा—
 मियवाहणे सुभूमे य, सुण्णमे य सयंपमे । दत्ते सुहुमे सुबन्धू य, आगमिस्साए
 होक्खति ॥ ७२ ॥ जंबुदीवे णं दीवे आगमिस्साए उस्सप्पिणीए एरवए वासे
 दस कुलगरा भविस्संति, तंजहा—विमलवाहणे सीमंकरे सीमंधरे खेमंकरे
 खेमंधरे दद्धणू दसधणू सयधणू पडिसूई सुमइत्ति २७ । जंबुदीवे णं दीवे भारहं
 वासे आगमिस्साए उस्सप्पिणीए चउव्वीसं तित्थगरा भविस्संति तंजहा-महापउमे
 सूरदेवे, सुपासे य सयंपमे । सव्वाणुभूई अरहा, देवस्सुए य होक्खई
 ॥ ७३ ॥ उदए पेढालपुत्ते य, पोट्टिले सत्तक्कित्ति य । मुणिसुव्वए य
 अरहा, सव्वभावविऊ जिणे ॥ ७४ ॥ अममे णिक्कसाए य, निण्णुलाए
 य निम्ममे । चित्तउत्ते समाही य, आगमिस्सेण होक्खई ॥ ७५ ॥
 संवरे अणियट्ठी य, विजए विमलेती य । देवोववाए अरहा, अणंतविजए
 इय ॥ ७६ ॥ एए वुत्ता चउव्वीसं भरहे वासम्मि केवली । आगमिस्सेण
 होक्खंति, धम्मतित्थस्स, देसगा ॥ ७७ ॥ २८ । एएसि णं चउव्वीसाए
 तित्थकराणं पुव्वभविया चउव्वीसं नामधेज्जा भविस्संति, तंजहा—सेणिय
 सुपास उदए पोट्टिल्ल अण्णगर तह दढाऊ य । कत्तिय संखे य तहा नंद

सुनन्दे य सतई(ए)य ॥ ७८ ॥ बोद्धव्वा देवई य सच्चइ तह वासुदेव बलदेवे ।
 रोहिणि सुलसा चेव तत्तो खलु रेवई चेव ॥ ७९ ॥ ततो हवइ सयाली
 बोद्धवे । खलु तहा भयाली य । दीवायणे य कराहे तत्तो खलु नारए
 चेव ॥ ८० ॥ अंबड दारुमडे य साई बुद्धे य होइ बोद्धवे । भावी तित्थ-
 गराणं णामाई पुव्वभवियाई ॥ ८१ ॥ २१ । एएसि णं चउव्वीसाए
 तित्थगराणं चउव्वीसं पियरो भविस्संति चउव्वीसं मायरो भविरसंति चउव्वीसं
 पढमसीसा भविस्संति चउव्वीसं पढमसिस्सणीओ भविस्संति चउव्वीसं
 पढमभिव्खादायगा भविस्संति चउव्वीसं चेइयरुक्खा भविस्संति ३० ।
 जंबुद्दीवे णं दीवे भारहे वासे आगमिस्साए उस्सप्पिणीए बारस चक्कवट्टिणो
 भविस्संति, तंजहा-भारहे य दीहदंते गूढदंते य सुद्धदंते य । सिरिउत्ते
 सिरिभूई सिरिसोमे य सत्तमे ॥ ८२ ॥ पउमे य महापउमे विमलवाहणे
 (ले तह) विपुलवाहणे चेव । वरिट्ठे बारसमे वुत्ते आगमिसा भरहा-
 हिवा ॥ ८३ ॥ ३१ । एएसि णं बारसगहं चक्कवट्टीणं बारस पियरो
 भविस्संति, बारस मायरो भवस्संति, बारस इत्थीरयणा भविस्संति ३२ ।
 जंबुद्दीवे णं दीवे भारहे वासे आगमिस्साए उस्सप्पिणीए नव बलदेववासु-
 देवपियरो भविस्संति, नववासुदेवमायरो भविस्संति, नव बलदेवमायरो
 भविस्संति ३३ । नव दसारमंडला भविस्संति, तंजहा-उत्तमपुरिसा मज्झिम-
 पुरिसा पहाणपुरिसा ओयंसी तेयंसी एवं सो चेव वराणओ भाणियव्वो
 जाव नीलगपीतगवसणा दुवे दुवे रामकेसवा भायरो भविस्संति, तंजहा-
 नंदे य नंदमित्ते दीहबाहू तहा महाबाहू । अइबले महाबले बलभद्दे य
 सत्तमे ॥ ८४ ॥ दुव्विट्ठू य तिविट्ठू य आगमिस्साए वरिहणो । जयंते
 विजए भद्दे सुप्पमे य सुदंसणे । आणंदे नंदणे पउमे, संकरिसणे य
 अपच्छिमे ॥ ८५ ॥ ३४ । एएसि णं नवराहं बलदेववासुदेवाणं पुव्वभविया
 णव नामधेज्जा भविस्संति, नव धम्मायरिया भविस्संति, नव नियाणभूमीओ

भविस्संति, नव नियाणकारणा भविस्संति, नव पडिसत्तू भवस्संति, तंजहा-
तिलए य लोहजंघे, वडरजंघे य केसरी पहराए । अपराइए य भीमे,
महाभीमे य सुग्गीवे ॥ ८६ ॥ एए खलु पडिसत्तू किच्चीपुरिसाण वासु-
देवाणं । सव्वेवि चक्कजोही हम्मिहिंति सचक्केहिं ॥ ८७ ॥ ३५ ।
जंबुदीवे एरवए वासे आगमिस्साए उस्सपिणीए चउव्वीसं तित्थकरा
भविस्संति, तंजहा-सुमंगले अ सिद्धत्थे, णिव्वाणे य महाजसे । धम्मज्झए
य अरहा, आगमिस्साण होक्खई ॥ ८८ ॥ सिरिचंदे पुण्फकेऊ, महाचंदे य
केवली । सुयसागरे य अरहा, आगमिस्साण होक्खई ॥ ८९ ॥ सिद्धत्थे
पुण्णघोसे य, महाघोसे य केवली । सच्चसेणे य अरहा, आगमिस्साण
होक्खई ॥ ९० ॥ सूरसेणे य अरहा, महासेणे य केवली । सव्वाणंदे य
अरहा, देवउत्ते य होक्खई ॥ ९१ ॥ सुपासे सुव्वए अरहा, अरहे य
सुकोसले । अरहा अणंतविजए, आगमिस्सेण होक्खई ॥ ९२ ॥ विमले
उत्तरे अरहा, अरहा य महाबले । देवाणंदे य अरहा, आगमिस्सेण
होक्खई ॥ ९३ ॥ एए वुत्ता चउव्वीसं, एरवयम्मि केवली । आगमिस्साण
होक्खंति, धम्मतित्थस्स देसगा ॥ ९४ ॥ ३६ । बारस चक्कवट्टिणो भवि-
स्संति, बारस चक्कवट्टिपियरो भविस्संति, बारस मायरो भविस्संति, बारस
इत्थीरयणा भविस्संति ३७ । नव बलदेवावासुदेवपियरो भविस्संति, णव
वासुदेवमायरो भविस्संति णव बलदेवमायरो भविस्संति, णव
दसारमंडला भविस्संति उत्तमपुरिसा मज्झिमपुरिसा पहाणपुरिसा
जाव दुवे दुवे रामकेसवा भायरो भविस्संति, णव पडिसत्तू भविस्संति,
नव पुव्वभवणामधेज्जा णव धम्मायरिया णव णियाणभूमीओ णव णियाण-
कारणा, आयाए एरवए आगमिस्साए भाणियव्वा, एवं दोसुवि आगमि-
रसाए भाणियव्वा ३८ ॥ सूत्रं १५८ ॥ इच्चेयं एवमाहिज्जंति, तंजहा-
कुलगरवंसेइ य एवं तित्थगरवंसेइ य चक्कवट्टिवंसेइ य गणधरवंसेइ य इसि-

वंसेइ य जइवंसेइ य मुणिवंसेइ य सुएइ वा सुअंगेइ वा सुयसमासेइ वा सुयसं-
धइ वा समवाएइ वा संखेइ वा सम्मत्तमंगमक्खायं अज्झयणान्तिबेमि ३१
॥ सूत्रं १५१ ॥ इति समवायं चउत्थमंगं समत्तम् ॥४॥

॥ इति समवायाङ्ग-सूत्रम् ॥४॥

(ग्रन्थाग्रं १६९७)

॥ चतुर्थं
श्रीमत्समवायाङ्ग-सूत्रं
समाप्तम् ॥

इति श्रीमदागमसुधासिन्धौ
प्रथमो विभागः समाप्तः ॥

શ્રદ્ધા અને સંસ્કારનું સાહિત્ય પીરસશું

શાસન માન્ય માસિક

શ્રી મહાવીર શાસન

અવશ્ય મંગાવો.



શ્રી મહાવીર શાસન કાર્યાલય

શાક મારકેટ સામે, નિશાળ ફળી,

મુ. જામનગર. (સૌરાષ્ટ્ર)